





HT



John Carter Brown.







First Edition

156

JOANNIS DE LAET

Antwerpiani

N O T Æ

A D

DISSERTATIONEM
HUGONIS GROTII

De Origine Gentium Americanarum:

ET

OBSERVATIONES


aliquot ad meliorem indaginem
difficillimæ illius Quæstionis.



AMSTELODAMI,

Apud Ludovicum Elzevirium.

MDCLXXXIII.





P R Æ F A T I O.

QUUM Descriptionem utriusque Americæ in lucem darem, & oculis obversaretur tanta hominum multitudo ubique obvia, (etiam nunc, postquam Hispanorum sævitia tot myriadas delevit) mirabar unde in illam orbis partem, tandiu Europæis nostris ignotam, potuerint penetrare: & videbam nihil adhuc certi de origine aut transmigratione illarum Gentium ab Authoribus proditum esse, aut saltem non tale quid, quod curiosis ingeniis plene posset satisfacere. Quanquam autem meum argumentum videbatur postulare, ut hanc nobilissimam quæstionem non præteri-

A 2 rem;

rem; deterrebat tamen rei difficultas, & aliorum irriti, ut mihi quidem videbatur, conatus, & quum mihimet ipsi non possem satisfacere, perineptum fuisset velle aliis persuadere. Vnus erat Josephus de Acoſta è Societate Jeſu, qui aliquam viam ad veritatem indagandam monſtraret, cuique ob inſignem illarum regionum cognitionem & multiplicem experientiam, fides haberi quodammodo poſſet. Sed erat quoque alia non minus difficilis diſquiſitio de animantibus quadrupedibus, priori illi connexa, quam ſimul expediendam judicabam. Accedebat pene infinita non modo dialectorum, ſed & linguarum ipſarum diverſitas, & inter vicinos quoque populos, tanta varietas, ut nihil fere inter ſe commune oſtenderent; moribusque & inſtitutis toto coelo inter ſe diſcreparent. Quo fiebat, ut uſitatae indagandi viæ per linguarum aut morum inſtitutorumque ſimilitudinem, hic nullum haberent locum.

locum. Itaque tandem in animum induxi quæstionem hanc omittere & alteri operæ, maturiorique indagini servare. Verum cum nuper ad manus meas pervenisset, Clarissimi viri Hugonis Grotii *Dissertatio de Origine gentium Americanarum*, cujus excellenti ingenio, judicio & summæ eruditioni plurimum tribuendum non ignorabam, sperabam aut rem jam perfectam me inventurum, aut saltem certiore viam ad veritatis indaginem: itaque avide illam arripui: Verum dum accuratius illam examino & momenta rationum expendo, nihil fere in illa repperi, ut verum fatear, quod quenkumque vel mediocriter rerum Americanarum gnarum, in assensum posset trahere; itaque visum breviter annotare quæ in Dissertatione illa desiderem, quæque incerta & quæ vero absimilia judicem; futurum sperans, ut vir Clariss. repetita opera, diligentius hanc difficillimam quæstionem expendat, & certiora, verisque similio-

ra de origine gentium Americana-
rum nobis tradat. Persequar autem
non singula, sed tantum ea quæ pro-
prie hanc quæstionem attingunt, pro-
positis primum eis quæ ab ipso tra-
ctata, eisdem verbis, quibus edita sunt,
iisque meas Annotationes subjungam.
Lectoris erit judicare, quid perpe-
ram, quid recte in utroque Scripto se
habeat.



HUGONIS GROTII
DISSERTATIO
DE ORIGINE GENTIVM
AMERICANARVM.

V Ideo veteres, tum qui terras, tum qui res gestas descripserunt, multum in eo posuisse operæ, ut aut ex monumentis antiquis, si possent, aut si ea deessent, ex fama, aut coniecturis, nos docerent, unde venissent qui terras quasque primi habitaverant. Sic Dionysius Halicarnassensis, multum prætergressus omnium Italorum diligentiam, ex Græcorum monumentis, ad quæ agcessit & alia argumenta, nobis ostendit unde origo fuerit populis qui primi Italiam tenuere. Sic Salustius, qui Africam, Tacitus, qui Britanniam primi insederint, inquirunt diligenter; ille ex veteri fama, hic partim ex fama, partim ex coniecturis, quas suppeditabat lingua, habitus, mores. Apud Strabonem, magni iudicii virum, multæ sunt inquisitiones eius generis. Hæc cum ita se habeant, miratus sum sæpe, quod ex tot nostri sæculi viris eruditis nemo solícite inquisiverit, unde ortum habuerint gentes illæ quæ ante Hispanorum adventum illas habitarunt terras, quas incognitas veteribus, alii à Vesputio Americam, alii occidentalem Indiam appellamus: Eam dico quæ ab Oceano Septemtrionali,

nali, ad Magellanicas maris fauces longis ac plurimum latis etiam spatiis se inter mare Atlanticum & alterum quod Sinas alluit, aliis Pacificum, aliis del Zur dicitur, extendit. Ego cum legissem nonnulla scripta Hispanorum, Gallorum, Britannorum, Batavorum, qui in illis fuere oris, putavi me rem facturum non inutilem, si quae mihi maxime videntur probabilia communicarem & nunc viventibus & posteris; eo animo, ut alios, quibus per peregrinationes in eo orbe, aut etiam per libros qui in meas manus non venerunt, maior earum rerum contigit notitia, excitarem ad nostra haec aut confirmanda, aut bonis rationibus refellenda.

ANNO TATIO.

Quum in sequentibus multos sibi refellendosumat vir Clarissimus, qui omnes eos populos venisse putent è Scythia, non video quare hic dixerit, se saepe miratum, quod ex tot nostri seculi viris eruditis, nemo solícite inquisiverit unde ortum habuerint gentes illae Americanæ: praesertim cum non opiner Clarissimum virum ignorasse, Josephum de Acosta hoc diligenter & ex instituto egisse in Historia sua naturali & morali Indiarum: & apud plures alios (de quibus postea) multa in hanc aut aliam sententiam reperiri. Sed pergamus.

H. GROTIUS.

V Ideo multos esse qui omnes eos populos venisse putent ex ea Scythia quam Tartariam magnam nunc vocamus. Argumentum habent quod ad Anianum sive fretum sive sinum (utrum enim sit nondum constat) non magnum sit inter Tartariam, Americamque intervallum. Quod si is sinus sit, terras esse contiguas, ac ob id facilem transitum: si sit fretum, id quo magis intratur angustius fieri, ac proinde fauces illas, quales sunt Hellesponti, aut in Thracia Bosphori, nullo negotio navibus potuisse transmitti. Hæc ita summa, ut ita loquar, in cute spectata, speciem veri habent; introspecta tamen mihi se non persuadent.

ANNOTATIO.

SI quid video, duo hîc consideranda sunt, qui & quomodo in has terras venerint: nam etiamsi forte aliqua communio aut similitudo morum & linguæ ostendi possit, & non aliqua commoda ratio iniri, qua ab sua regione in hanc venerint, nihil hac conjectura profectum æstimari potest; neque locum, per quæ forte transmeaverunt, hodierni aut etiam superiorum temporum incolæ, quicquam ad hac rem faciunt. Qui autem redunt è Scythia, quæ nunc magna Tartaria dicitur, & longissime atque latissime patet,

A 5 gentes

gentes in Americam transiisse, non propterea dicunt aut tenentur dicere, illos qui primi in hanc Americam Septentrionalem transmigrarunt Scythas aut Scythicæ originis fuisse: satis enim constat gentes in omnibus Europæ, Asiæ atque Africæ partibus, alias ab aliis veluti impulsas, & quum in vicinorum fines invasisent alii, priores incolas longius procedere atque aliò commigrare coegisse: cujus rei omnes historiæ faciunt fidem, & ejusmodi transmigrationum exempla passim obvia sunt apud authores, quos Clariss. vir supra commemoravit. Quare quæ sequuntur argumenta ab ingenio, & institutis Scythicæ gentis, quæ à multis jam sæculis regionem illam Tartariæ incoluit, petuntur, sententiam illam non possunt evertere.

H. GROTIUS.

Constat enim in omni America ante Hispanorum adventum equos fuisse nullos. Scythia autem plena semper equis, & Scythæ fere omnes equis debi & in equis ingentia terrarum spatia conficere, etiam sanguine equorum, si alia deessent in potum verso uti soliti.

ANNOTATIO.

VT hodie Scythia illa, quæ magna Tartaria dicitur, plena sit equis, atque adeo olim

olim fuerit, non tamen propterea sequitur semper plenam fuisse; aut Scythas illos qui illam regionem tenuerunt equis usos, cum hæc transmigratio fieret, quam à multis sæculis factam fuisse satis arguit, quod Americæ regio quaqua patet, superiori sæculo quum Europæi illam primum adierunt, tam numero-
so populo plena fuit inventa, ut nihil Europæ aut Asiæ cederet, atque etiam in Insulis huic Septemtrionali Americæ objectis multæ myriades hominum fuerint inventæ, tam diversis ingeniis, linguis, moribus & institutis, quales vix in Europa universa demonstrare possis. Vt inde facile concludi possit, transmigrationem illam jamdiu & statim post dispersionem illam in Asia propter linguarum confusionem esse factam: neque à paucis longe posterioribus sæculis orsam, quum ratione inita tam immensus numerus propagari non potuerit nisi multis sæculis. Et sane par est ratio Americæ, atque Europæ & aliarum orbis partium; eadem propaginis, vitæ, mortisque, bellorum & pacis imago: neque ibi aut fœcundiores sunt fœminæ, aut homines longæviores.

H. GROTIUS.

Quod si cohærent America & Tartaria, equi
aut fugitivi, aut libere pascentes, ex Tartaria
in

in Americam olim penetrassent ; sicut equos ex terris Americae aliis in alias magnis divisas montibus penetrasse constat, Hispanorum relatu, ex quo Hispani equos illuc advexere. Si vero perpetuum intercedit fretum, quod magis credo, Tartari numquam navigatores fuere, & si fuissent, non magis transissent sine equis, aut diu esse sine equis voluissent, quam Galli veteres, qui in Britanniam, aut Hispani qui in Americam transire.

A N N O T A T I O.

VT de equis dubitari possit, facit Relatio Davidis Ingrami Angli, qui interiora continentis Septemtrionalis peragravit & equos à se visos prodidit : Sed quia incertæ fidei est auctor, neque ab aliis ante Hispanorum adventum ibi fuisse produntur, nolo hoc argumento uti. Porro utrum magis credibile sit, Americam & Tartariam cohærere, an vero perpetuum intercedere Fretum, uti non definiverim, tamen magis inclino in eam sententiam quæ cohærere credit, aut angusto tantum Freto divisas esse : neque tamen propterea necesse fuerit equos transituros fuisse : non enim omnes terræ æque illis opportunæ, aut pabulo eorundem abundantes, & ab altissimis montium jugis impeditos fuisse, excipi merito potest, aut à crebris intercurrentibus fretis coercitos. Vellem autem Clariss. vir notasset

notasset in qua parte Hispani retulerint, equos ex aliis terris Americae in alias magnis divisas montibus penetrasse. Scio in regione quae à flumine Argenteo versus meridiem inclinatur & fere plana & campestris est, multoque gramine laeta, infinitos equorum greges reperiri ab origine Hispanica, sed juxta novi in montosis partibus paucos, alibi etiam nullos reperiri, & Hispanos quum per montana iter facerent, etiam eos quos adduxerant amisisse: neque omnem tellurem quaeque animalia alere. Ita ut argumentum ex prima dilemmatis parte non sit demonstrativum; nam potuerunt illi qui primi transmigrarunt equos non habere, aut si habuerunt, difficultate locorum à transducendis deterreri. Quod autem in secunda dilemmatis parte dicitur, Tartaros numquam navigatores fuisse: praeterquam quod dicimus non fuisse Tartaros qui primi transierunt, non video quomodo probari possit Tartaros numquam navigatores fuisse: nam & Sinenses qui origine Tartari esse creduntur, jam diu navigasse constat, & ita quoque de aliis Scythicae originis gentibus haud difficulter probari posset. Sed accedit, quod ad transeundum angustum fretum, non magna navigandi industria opus sit, neque etiam navibus, quum ratibus fieri potuerit; & supplet saepe industriam necessitas aut cupiditas locum mutandi. Quod autem

autem addit Clarissimus vir , si Tartari navigatores fuissent non magis transiissent sine equis , aut diu esse sine equis voluissent , quam Galli veteres , qui in Britanniam , aut Hispani qui in Americam transiêre : Id vero facile refelli potest , neque enim primis illis sæculis naves ejuscemodi fuerunt ut equos traducere possent : & hoc idem argumentum magis locum haberet in Norwagis , à quibus originem harum gentium accersit, qui & equorum multitudinem habuerunt & necessarium eorum usum non ignorarunt , ut eodem modo jure objici possit, Norwagos non fuisse transiituros sine equis , aut etiam bobus, quod animal homini adhuc magis necessarium, aut diu sine illis esse voluisse. Constat autem in tota illa continente Americæ ab Hispanis non magis boves quam equos inventos , ne quidem sues generis Europæi. Ita ut ne hoc quidem argumentum quicquam vetet gentes Americæ per Scythiam introducere . Præsertim quum ad promontorium Tabin aut Cathaiam omnino verisimile sit angusto freto continentes dividi , & ab Armenia ubi Arca constitit, iter neque valde impeditum , neque admodum longum sit ad Cathaiam, ut tabulæ Geographicae faciunt fidem. Iterque illud agi possit extra circulum Arcticum, quum è Norwagia per glacies & adusta frigore loca fuerit

eluctan-

eluctandum. Sed videamus porro Clariss. viri sententiam.

H. GROTIUS.

EGo, ut dicam quæ mihi maximè se probant, primum disspescam Americæ populos, in eos qui sunt ad Septentrionem, cis Isthmum qui est inter Nomen Dei & Panamam & eos qui ultra id fretum ad Austrum se porrigunt, donec in Fretum Magellanicum desinant.

A N N O T A T I O.

CUr necessarium fuerit hoc loco hanc divisionem facere, fateor me non capere: nam quum Continens hîc nullis montibus disspescatur, qui migrantes ultra procedere ventent, aut freto se committere cogant, non video cur hic limes iis qui ab Arcto venerunt statuendus fuerit: cum Hispani in has partes venerunt, qui cis & ultra Isthmum incolebant, & lingua & institutis multum inter se conveniebant, ut hoc loco finem transmigrandi factum minime verisimile sit: neque ullum Fretum prohibet, sed terra quam commodissimè quaquaversum etiam ad extremum Austrum progredi licet. Non tamen propterea nego aut ambigo etiam ab Austro in Americam gentes descendisse: utrimque enim venisse concedo, quanquam ubi potissimum occur-

occurrerint, incertum sit, ut cætera omnia. Sed concursum illum ad hunc Isthmum statuere, id vero supervacuum puto. Vt autem idonea aliqua ratio reddi possit quomodo tot hominum myriades has vastissimas regiones impleverint, omnino admittendum puto, ab illis partibus immigrasse, quæ angustis saltem fretis disjunguntur. Constat autem Americam utramque & Septentrionalem & Australem vasto Oceano inde ab Groenlandia ad Fretum usque Magellanicum ab Europa atque Africa dirimi; nullam conjunctionem cum Asia nisi in Arctoïis illis partibus inveniri posse: ultra Magellanicum fretum primum sunt Insulæ angustis fretis divisæ, quæ se exporrigunt versus Orientem, & rursus freto haud admodum lato interluuntur, quod Lemairium vocamus; quo pacto se habeant terræ quæ ultra illud jacent, nondum satis compertum est, licet communis & verisimilis opinio sit cum Nova Guinea conjungi. Ab altera parte simili modo America vasto illo Oceano Pacifico ab Asia dirimitur: ut ab illa parte ad Americam nisi longa & permolesta navigatione non sit accessus.

H. GROTIUS.

OMnes ferme populos qui cis Isthmum sunt Panamæ, ex Norwagia ortos arbitror; his ductus
 rationibus. AN-

ANNOTATIO.

MIror sane quo pacto hæc sententia Clariss. viro tantopere potuerit probari, ut speraverit se illam cæteris posse persuadere. Quæ si vera esset, oportuisset longe maximam Americæ partem, incolas suos accepisse è Norwagia: nam pars Americæ Septentrionalis, si à Groenlandia ordiaris & ad Asiam extendas & longe maximo gyro ad Isthmum illum Panamæ producas, magnitudine Australem aliquantum superat, præsertim si Insulas illas majores, minoresque, quæ obja-cent adjunxeris. Sed ea non potuit ab una regione non admodum populosa (nisi Norwagiam latius extendas) tam brevi tempore impleri. Qui superiori sæculo regionem illam, quæ ad Arctum pertinet, primi adierunt, longe aliam hominum faciem observarunt, quam ut à Norwagis oriundi videri possent. Forbisherus anno c I O I O L X X V I ad fretum sui nominis vidit barbaros, lata facie, depressis & simis naribus, capillis nigris & prælongis, colore olivastro. Quæ Norwagis minimè conveniunt. Qui illum secuti sunt, magis Tartaris aut Samoedis similes judicarunt: præsertim quia ipsis barbæ admodum erant raræ. Alii quoque observant illos Solem venerari, quem vocent Ilyout, quod à Græco

B nomine

nomine non abludit. Hispani autem observarunt barbaros qui juxta Quiviram degunt, quæ ad Californiam pertingit, Nomadum more agere, & loca sæpe mutare prout armentorum pastura invitat. quæ magis Scythicam, quam Norwagicam originem arguunt. Sed audiamus rationes.

H. GROTIUS.

Islandiam à Norwagis habitatam evincunt utriusque populi monumenta, traditio, lingua, & imperium antiquissimum Norwagiæ in Islandos. Creduntur autem eò migrasse multi ante annum Christi millesimum, cum adhuc Paganicæ religionis esset Norwagia.

ANNOTATIO.

Islandia primos incolas è Norwagia accepisse creditur, & quidem, ut tradit Angrimus Jonas, anno post Christum natum MCCCLXXIV. Sed paucas tantum primò familias, quæ tyrannidem Regis fugiebant: postea plures accesserunt; siquidem Insula satis ampla pluribus opus habuit ut coleretur. Originem adhuc linguæ communio & alia testantur. Sed ab hac aut per hanc à Norwagia incolas ferme omnes Americæ Septentrionalis petere, hoc verò mihi nimis longè quæsitum, neque satis verisimile videtur.

Quanto

Quanto proclivius esset credere, Norwagos, Danos, & alios Septentrionales populos his vicinos: Cambros quoque & vel maxime Hybernos, quos omnes Oceanum etiam ante illa tempora navigasse constat, rectà ad Continentem fuisse delatos; (nam & Cambros novas terras quæsisse & adiisse ex ipsorum monumentis docemur:) quam Islandos, qui ad Insulam suam implendam multo tempore eguerunt, longo & difficili ambitu circumductos. Ethnicos autem tum fuisse Norwagos cum in Islandiam migrarent idem Angrius Jonas tradit, paulo tamen post Christianos factos: sed quis præstet Islandos ante Christianam religionem acceptam aliò emigrasse, aut Insula sua nondum perculta, quod paucis annis fieri non potuit, alias sedes & quidem majori frigori obnoxias quæsisse? Nemini sane qui rem recta reputabit via hoc facile persuaseris; aut rationem reddideris, quare non & equos statim traduxerint aut postea quæsierint: neque enim Insula lato freto à Groenlandia dispescitur. Neque video quare in Groenlandia, aut aliis illis regionibus, potius quam in Islandia, sermo Norwagicus penitus exsoleverit. Sed pergamus.

H. GROTIUS.

AB Islandia ventum est in Groenlandiam; quam alii Insulam putant, alii partem continentis Americanæ: Ibi quoque eadem lingua, idem jam olim imperium. Vicina ei Frislandia de qua extat commentarius Zenonum Venetorum: nisi ea forte pars est aut Islandiæ, aut Groenlandiæ.

ANNOTATIO.

FRislandia dudum Insula credita, jam Groenlandiæ pars censetur & Insula in Tabulis Geographicis expuncta est. Groenlandiam autem Continentis Americanæ partem esse, superioribus annis, Anglorum navigationibus compertum est. Verum ingentes sinus & patentia maria penetrant in illam Continentem, ad summam altitudinem arctoam, quæ cum pene omni anni tempestate glacie horreant, haud facile trajici possunt: & regiones illæ adeo incultæ atque horridæ, tamque profunda nive obsitæ sunt, ut non sit verisimile, hac parte homines iter ad vicinas regiones tentasse, aut si tentarunt, tam vastam Continentem intra sex aut septem sæcula implere potuisse. Quæ autem Zenones illi Veneti prodiderunt, suspectæ fidei merito habentur; neque hodie tale quid in illis regionibus deprehenditur, quale ipsi tradiderunt.

Sed

Sed non est nobis propositum illorum relationes examinare aut refellere. Notissimum est omnibus, quam familiare sit iis qui longinqua itinera sive terra sive mari obeunt, multum sibi permittere, interdum & aliorum relationibus accepta, tanquam visa tradere: neque opus est exempla passim obvia producere, in quibus ejusmodi itinerantes & ipsi falsi fuerunt & alios fefellerunt, (ne dicam licenter mentitos), quia haud facile argui poterant, nisi ab iis qui ad easdem regiones penetrassent. Sed prosequamur Islandorum & Norwagorum iter, prout Clarissimus Vir nobis præit.

H. GROTIUS.

H*Vic proxima Estotilandia, pars continentis Americae; quam è Frislandia piscatores adibant, duobus seculis priusquam Hispani in novum orbem venêre. Hæc omnia nomina eandem habent desinentiam, ex voce regionem denotante lingua Germanorum, quorum olim pars Norwagi, ut ex Plinio, Tacito, imò & ex ipsa lingua & moribus apparet.*

ANNOTATIO.

S*ensim proficimus in itinere nostro ad Americam: à Norwagia in Islandiam; ab Islandia per Frislandiam in Groenlandiam promovimus:*

vimus : E Groenlandia jam tendimus in Estotilandiam. Hæc omnia , ut verum dicamus, nullum authorem habent nisi Zenos illos & si qui fortè post eos errarunt. Sed animadvertere debuit vir Clariss. magnum hic saltum fieri è Frislandia aut Groenlandia in Estotilandiam : nam Zenorum fabula diserte tradit , piscatores illos Estotilandiam illam non adire solitos , sed tempestate jactatos per multos dies , eò invitos fuisse delatos : atque adeo Estotilandiam illam à Frislandia abesse milliaria supra mille versus Occidentem ; Insulam adhæc multo amœniorem & Islandiæ magnitudine parem : cujus Rex in Bibliotheca sua multos libros latinos habuerit (mirum si non & Germanicos) licet incolæ peculiari lingua & literis aut characteribus uterentur : Porro Islandiam, Groenlandiam, Estotilandiam, eandem habere desinentiam ex voce regionem denotante lingua Germanorum , palam est, utpote à primis inventoribus qui Germanicæ originis erant imposita; nam ipsos incolas suas terras ita nominasse nequaquam liquet. Sed hoc ferri potest, quæ sequuntur nimis longe à probabili ratione discedunt. Et magnus fit saltus ad fretum Panamæ.

H. GROTIUS.

Sic & quæ inde ad fretum Panamæ extenduntur
 terræ, similis soni habent nomina; Cimatlan,
 Coatlan, Guescoslan, Artlan, Quaxutatlan, Zeiot-
 lan, Icatlan, Tapatlan, Cinacatlan, Cinantlan, Te-
 nuchtitlan, Comitlan, Metzitlan, Guatitlan, Ne-
 cotitlan, Curcatatlan; quibus omnibus in vocibus,
 Hispanorum pronuntiatio ultimam literam extrivit.

ANNOTATIO.

IN Cimatlan & aliis illis vocibus ejusdem
 terminationis, ultimam literam d ab Hispa-
 norum pronuntiatione extritam, non facile
 persuadebitur iis, qui Mexicanæ linguæ ali-
 quam noticiam habent: nam præterquam
 quod pleraque eorum nominum quæ hîc ex-
 empli causa producuntur, non sint regionum
 nomina, sed vicorum aut oppidorum: termi-
 natio illa *tlan* etiam aliis vocabulis additur, quæ
 cum regione aut terra nihil habent commu-
 ne; ut cum dicunt, *in puertatitlan* ad portam:
 Item *Ocachi tlatzintlan* magis infra: & *Itzint-*
lan infra, & similia: ad eundem modum *Tenox-*
titlan, quod est genuinum metropoleos no-
 men, (Mexico enim dicitur à conditore *Mexi*)
 interpretantur *Tunale super petram*. Mirum au-
 tem cuivis merito videri possit, eas gentes hoc
 unum nomen Germanicum retinuisse, quum

nulla alia vestigia linguæ Germanicæ apud ipsas reperiantur. Fateor si transponas aut adimas literas aut interdum syllabam, sive ab initio sive à fine, varia linguarum inter se commercia fieri posse; nec ullam esse linguam tam peregrinam à nostro orbe, quin, si cui placeat otio suo abuti, in ea vocabula possint reperiri, quæ si ad eum modum agas, à nostra aut aliis Europæis linguis non abluant. Sed vereor ne hoc pacto nihilo propius ad veritatem originis harum gentium accedamus. Præterquam quod novi Domini statim aliquid de lingua sua afflicant, ut & in nova Francia est observare & in Nova Hispania; cujus vel indicium sit quod supra posuimus *puertatitlan*, nam *puerta* merum est Hispanicum, pro latino porta.

H. GROTIUS.

Mexicani & eorum vicini cum eo primum venere Hispani, dixere se non esse indigenas, sed venisse à Septentrione majores suos. Quam autem primum post Estotilandiam insedere regionem, ea nunc quoque originis suæ nomen retinet: dicitur enim Norimbega quod nihil aliud est quam Norwega, sono ab Hispanis emollito, qui pro W solent B ponere.

ANNOTATIO.

AGnosco Mexicanos & eorum vicinos dicere, se aliunde & à Septentrione venisse in illas terras, quas hodie tenent: postea autem est compertum aut probabili conjectura creditum illos venisse ex illa provincia; quæ hodie ab Hispanis appellatur Nova Mexico; ea autem à Mexico hodierna intra continentem sita est, haud longe à California, quæ aut cum Tartaria conjuncta creditur, aut angusto freto ab ea divisa. Venerunt tamen potius ab occasu aut Coro quam Septentrione. Longissime autem distat Nova Mexico ab illa regione in qua Norimbegam fuisse prodiderunt quidam Authores: quæ à barbaris Agguncia dicta fuit, non Norimberga: prout autem designant, oporteret eam esse in ea parte Novæ Franciæ quam hodie Angli tenent. Fabulosa autem esse quæ de illa narrent satis patet; nam hodie in illis partibus neque hoc oppidum, neque ullum omnino oppidum aut oppidi vestigium reperitur. Et incolæ totius illius tractus vicatim habitant, neque diu uno loco; habitationum autem suarum sedibus à ducibus suis dant nomina, eaque cum ipsis mutant. Sed ne multa dicamus de fabuloso hoc oppido sive provincia, & convenientia nominis Norumbega cum

B 5

Norwa-

Norwagia : rem ipsam videamus. Primum non video quomodo primi illi Americæ Septentrionalis incolæ , si quidem ex Islandia in Groenlandiam , inde in Estotilandiam venissent , Norumbegnam hanc potuerint adire : nam secundum littus incedere non potuerunt , quod propter crebros sinus & freta longe lateque in continentem penetrantia iter terrâ non admittit. Præterquam quod ii , qui superioribus annis conati sunt in illa Americæ parte fretum aliquod pervium ad Sinam reperire , tam graphice nobis illius regionis faciem inde ab Insula , quam Terram novam vocant , descripserunt , ut nemo facile in animum possit inducere Norwagos illos per illas regiones iter habuisse. Ita ut quod Vir Clarissimus hic dicit post Estotilandiam , Norumbegnam primum insedissee , minime fidem mereatur. Deinde iidem Mexicani qui se à Septentrione venisse dicunt , provinciam illam quam hodie incolunt , non vacuum , sed ab aliis populis , puta Chichimecis inhabitatam invenisse fatentur , atque etiam ab aliis barbaris cum quibus diu ambiguo Marte bella gesserunt : quos omnes , si & è Norwagia accessas , diu ante immigrasse oportuit. Non autem tantum ibi , incolas invenerunt , sed & in ulterioribus provinciis ad Isthmum usque Panamensem ; licet suum imperium eousque non

non extenderunt. Chichimecæ autem illi qui ante Mexicanorum adventum in illis partibus egerunt, & adhuc in vicinis agunt, valde barbari & feri fuerunt, solo venatu vitam tolerantes, sine ullis politicis institutis, sine religione aut ullis cæremoniis, præterquam quod fecam primum captam Soli immolarent; de cæteris alibi diximus ex fide authorum. Chichimecas autem primum in partes illas circa Mexico venisse tradit Gomara anno à Christo nato 1521. Mexicanorum autem Annales memoriam Regum suorum tantum conservant ab anno 1521. Sed de Mexicanorum rebus abunde à nobis dictum in lib. 5. Descriptionis nostræ. Porro Novæ Hispaniæ incolæ infinita pene idiomatum varietate inter se discrepant, quæ non tantum dialectis variant, sed plane diversæ sunt linguæ: nam & Otomies, & Mechuacani, (quos Hispani hodie vocant Tarascos) & plurimi alii suas proprias linguas habuerunt. Inter universas autem excellebat Mexicana, quæ & vicinis nationibus, etiam remotis, postquam Mexicani, imperii sui fines longe lateque produxerunt, communis esse cœpit, quemadmodum in Europa olim latina, & in Asia græca: ita ut in singulis provinciis interpretes illius haberentur, quos *Naguatlatas* vocabant. Quis autem credat gentes illas omnes, siqui-

si quidem è Norwagia originem duxissent intra septingentos annos, ita potuisse matric linguæ oblivisci ut nullæ reliquæ aut vestigi illius in illis potuerint deprehendi: quoniam contrarium plane in Europæis linguis videamus, quæ licet multum mutatæ sint, tamen adhuc vestigia quamplurima originis suæ servant. Aut quis possit rationem reddere, quomodo factum sit, ut ex una lingua, tam multæ & pene innumeræ, non solum vocabulis rerum sed & construendi modo diversissimæ, prodirent intra tam breve temporis spaciū.

H. GROTIUS.

ET *versus Californiam est populus linguæ ejusdem
& institutorum cum Mexicano: & populus
Alavardi, id est Longobardi.*

ANNOTATIO.

QUIS sit ille populus ejusdem linguæ cum Mexicano ignoro, nec satis capio quem Clariss. Vir designet; nisi forte intelligit illum qui in Nova Mexicana degit. Sed & in hac provincia quam plurimi populi degunt lingua & moribus discreti: de quibus in descriptione nostra diximus. Apud nullum autem authorem Hispanum inveni, hic populum ullum esse ejusdem linguæ cum Mexicano. Qui porro sint illi Alavardi, aut quomodo

hoc nomen conveniat cum Longobardis, à Clariss. Viro explicatum oportuit: multa sunt nomina barbarorum quæ pari licentia in Europæa possent converti, sed mihi ejusmodi licentia non placet. Suspicio autem Clariss. Virum pro Alvarado substituisse Alavardos, quia non memini me Alavardos apud Hispanos authores invenisse: verum iste Alvaradus Hispanus fuit qui multas provincias in America peragravit, unde & loca quædam & flumina hodieque nomen ejus servant.

H. GROTIUS.

Hispani novam Mexicam vocant, cum vere hæc sit vetus Mexica, unde in alteram ventum est ante annos, ut ajunt, octingentos.

ANNOTATIO.

Vnica ratio, propter quam Hispani crediderunt, Mexicanos ex illa quam vocant Novam Mexicanam, in Novam Hispaniam venisse, fuit, quia ibidem invenerunt ædificia grandia qualia non alibi reperiuntur. Porro ratio temporum apud authores rerum Mexicanarum vacillat, neque satis constat quo anno Mexicani ad lacum aut in illas provincias venerint, quas tenebant, quum Hispani illos oppresserant. Si autem verum est, ante 800. annos venisse, ut hic asseritur, quomodo è Norwagia per

per Islandiam eodem pene tempore migrare potuerunt, & tanta cum multitudine in has tam longinquas regiones permeare, quo Norwagi primum in Islandiam venerunt? Id nos doceat necesse est Clariss. Vir, si assensum conjecturæ suæ velit impetrare. Nam non esse supra octingentos annos à prima migratione in Islandiam jam supra diximus. Sed posito uno absurdo, sequuntur plura.

H. GROTIVS.

Accedunt vocabula quæ multa apud illos fuisse Germanica id est Norwagica, indicio sunt pauca quæ casu ad nostram notitiam pervenire. Teut Deus Germaniæ, sic & illis populis: Pagod Bygod Deus minor, imaginarius: Guaira Wayer flabellum Top-bos capitis tegmen: Lame Lam agnus. Loca ad sita torrentibus desmunt in Peke pro Beke quod est torrens Germanis. Plura haud dubie reperient qui ista volent inquire.

ANNOTATIO.

ESto sane vocabula rerum congruentia magnum indicium originis dare: (quanquam in omnibus linguis multa reperiri communia vocabula notum sit, licet gentes quæ illis utuntur non sint unius originis; & sæpe casu illud fiat, interdum & alias ob causas) non satis est, paucula vocabula sive integra, sive paulu

Paululum, secundum varias dialectos, detorta reperiri, sed oportet ipsum linguæ aut dialecti genium, pronunciandi rationem, constructionis modum, & imprimis nomina earum rerum quæ domesticæ & maxime communes illi genti sunt, attendere: nam aliàs non difficile est in omnibus linguis reperire vocabula, convenientia aliquo modo cum aliis linguis: & multi jam Viri eruditi id in nostra quoque lingua observarunt; & Clariss. vir Goropius Becanus magna volumina de ea re scripsit: uti & Schrieckius unum: quos si aulias, omnium linguarum originem trahere proclive est à nostra, aut Cimmeria: atque porro secundum Clariss. viri argumentum omnes nationes fere eisdem originem generis sui debebunt. Porro quæ hîc vocabula exempli causâ producuntur, & paucissima sunt, & nihil facilius est quam dicere, *Plura baud ubi reperient qui in ista volent inquirere*. Ego quum illud argumentum in animo haberem, & vocabula è gentium Americanarum linguis obvia studiose attenderem, non potui originis Germanicæ (nisi forte paucissima) vestigiaprehendere. Quum autem Clariss. vir alleget multa apud illos vocabula fuisse Germanica, debuisset saltem aliquanto plura annotare, neque nos ad difficilem, prolixam atque incertam indaginem mittere. *Apud illos; Mexicanos*

xicanos opinor intelligit, nisi forte omnes qui Septentrionalem Americam incolunt: parum interest, si omnes originis sint Norwagicae. Dico porro, ne unum quidem eorum vocabulorum quæ hic producuntur, ad Mexicanos pertinere, ne ad alias quidem ejus Continentis nationes; nisi forte unum de quo dicam suo ordine. *Teut* pro Deo non agnoscunt Mexicani, qui licet plures Deos colerent; nullum commune nomen pro Deo usurparunt: unde necesse fuit Hispanis suum *Dios* ipsis suggerere. Sic dicunt *Ma Dios motlan moyetztie*, Deus sit tecum. (Mexicani quidem primum Regem habuerunt *Teuch*, sed illum pro Deo cultum non invenio.) Neque alios ejus Continentis populos vocabulum *Teut* pro Deo usurpare hactenus observavi. Sed gravior apud me est autoritas Josephi de Acosta: qui lib. v. cap. 3. Aunque, inquit, es cosa que mucho me ha maravillado, que con tener esta noticia que digo, no tuviessen vocabulo proprio para nombrar à Dios. Porque si queremos in lengua de Indios hallar vocablo que responde a este, Dios, como responde en Latin Deus, y en Griego Theos, y en Hebræo, El, y en Arabige, Alà, no se halla en la lengua, de Cuzco, ni en la lengua de Mexico: por donde los que predicán, o escriven para Indios, usan el mismo nostro Español, Dios &c. Licet

multu

multum mirer, quum habeant eam notitiam quam dixi, non habuisse vocabulum proprium ad Deum nominandum; quare si quæramus in Indorum linguis vocabulum quod Dios respondeat, ut in Latino Deus, in Græco Θεός, in Hebræo El, in Arabico Alá; non reperiemus in lingua Cusensi, neque Mexicana &c. Nec *Pagod* in universa America notum, populorum qui inter Indum & Gangem & vicinis regionibus habitant id proprium est. *Guayra* Peruanorum proprium est, (quanquam dubito Hispanicum esse) *El que es metal rico se beneficia por fundicion en aquellos bornillos, que Ilaman Guayras*, inquit Acosta libro quarto, capite nono. Est ergo furnillus, non flabrum. *Llame* quoque Peruanorum vocabulum est, non autem significat ovem aut agnum: nam neque ibi neque in tota America repertæ fuerunt oves ante Hispanorum adventum, qui illas traduxerunt. Animal autem quod vocant *Ilama* diversi est generis, quod accuratè describitur à Josepho de Acosta libro 4. cap. 41. Nihil commune habet cum nostro Lam, nisi quod quadrupes sit & lanam gestet suæ generis. De *Top-bos* nihil jam occurrat, neque enim memini me illud vocabulum ea significatione apud barbaros illos invenisse. Lego quidem apud Ciezam quosdam

Peruanorum fibulas quibus mantilia sua connectebant appellasse Topes ; sed hoc nihil ad capitis tegmen. Nec *Peke* Mexicanis notum pro torrente, quem ipsi vocant *Atlaubtli* : multa quidem nomina locorum, montium, fluminum, aliarum rerum ipsis desinunt in *pec* & *peque* seu *peke*, quæ ad torrentis etymon referri non possunt : credo terminationem ipsis esse communem in pluribus vocabulis. Denique habeo vocabularium Mexicanum in civitate Mexicana ab Hispanis excusum, & sæpe tentavi an possem aliqua vocabula reperire, quæ vel levem similitudinem haberent cum aliqua lingua Europæa mihi nota, sed nullum hæcenus potui deprehendere, ne quidem in iis quæ maximam spem possent facere, ut in nominibus partium corporis & similibus. Idem & in aliarum gentium quæ Septentrionalem Americam incolunt tentavi, sed irritò conatu. Ipse Clariss. Vir id tentet, inveniet enim in descriptione mea plurima annotata variarum gentium vocabula: sed nolim illum uti ea licentia, quam in vocabulo Alavardi usurpavit. Concludo itaque nec apud Mexicanos nec vicinos illorum populos nec ullas nationes (nisi forte pauca) quæ Continentem illam incolunt, vocabula reperiri Germanicæ originis, non magis quam Hebraicæ aut Græcæ, aut Latinæ, quæ lingua

olim

olim latissime patuerunt: faciat periculum qui
 volet vel in Canadensibus qui longe vicini-
 ores sunt Groenlandiæ, & fatebitur me verum
 dicere. In Groenlandia ad quam adhuc Islan-
 di & alii Germani interdum commeant, for-
 tassis pauca invenientur. Si literas mutare,
 Syllabas transponere, addere, demere velis,
 nusquam non invenies quod ad hanc aut il-
 lam similitudinem cogas: sed hoc pro indi-
 cio originis gentium habere, id vero mihi
 non probatur.

H. GROTIUS.

Non leve originis indicium etiam in mo-
 ribus.

ANNOTATIO.

Nisi mores in omnibus aut saltem in ple-
 risque & præcipuis congruant, indicium
 hoc omnium levissimum autumo. Nam mul-
 ta sunt quæ omnibus gentibus barbaris com-
 munia sunt, utpote ab ultima antiquitate de-
 scendentia, qualia pleraque quæ hic exempli
 causa producuntur. Sed singula videamus &
 examinemus.

H. GROTIUS.

Indices apud illos XII, ut olim apud Gothos
 aliasque gentes Scandiæ & apud vicinos eorum
 Saxones, unde in Angliam id venit.

ANNOTATIO.

NULlos apud gentes illas Americę Septentrionales, ne quidem eas quę proxime ab origine absunt, quam Vir Clariss. hic statuit, Judices inveni, aut ullam civilis judicii formam. Mexicani soli Judices ordinarios qui lites dirimebant & justitiam administrabant habuerunt, eos appellabant *Tequixquinabua-catl*: Sed certus numerus eorum non proditur, neque memini me legisse qui duodecim facerent. Petrus Martyr decad. quinta c. iv. *domus est in majoris plateę lato campo sēnatoria ingens. Vbi perpetuò sedent autorati longęvi decem aut duodecim viri, ut Iureconsulti de rebus emergentibus judicaturi.* Si Vir Clarissimus nobis ostenderit, duodecim fuisse, magnam inibit gratiam. Sed vereor ne hic laboraturus sit. Et si forte ostenderit, erit quod responderi possit.

H. GROTIUS.

VIta olim in venatu, ut de majoribus suis narrabant Mexicani. Temporum putatio per noctes: infantium recens natorum in amne ablutio: aleę fides ad libertatis usque jacturam; quę omni-
moris esse Germanici, ex Tacito & Germanis scriptoribus cognoscas.

ANNOTATIO.

VIta olim in venatu non solis Germaniæ populis fuit, sed & multis aliis, & maxime Scythis; quare hic nullum indicium est originis, magis Germanicæ, quam Scythicæ, aut alterius gentis. Neque hoc de maioribus suis narrant Mexicani, sed de Chichimecis quos in illis regionibus invenerant, ipsi cultiores erant & jamdiu sementem faciebant. Temporum putatio per noctes etiam multis populis in Oriente familiaris, quod ab Hæbræis venit. Infantium recens natorum in flumine ablutio, haud solis Germanis propria fuit, sed & aliis gentibus usurpata: Mexicanis autem usitatam fuisse non invenio: quarto demum à nativitate die obstetrix infantem nudum in aream domicilii juncis stratum efferebat: in medio vasculum aqua plenum positum erat, in quo illum abluebat. De Aleæ fide non memini me legere; sed & hoc multis & diversis nationibus familiare.

H. GROTIUS.

V*Iris singulis uxores singulæ, exceptis nobilium paucis: quod Germanis tribuit idem Tacitus, ita ut eos hac nota ab aliis barbaris discernat: cum contra apud Scythas ab omni ætate usitatum fuerit*

fuert plures uni viro esse uxores. Mulieribus ut Germanicis unæ tantum nuptiæ.

A N N O T A T I O.

Viris singulis, singulæ uxores: neque hoc Germanis proprium, licet forte proprium inter alios barbaros, quos propterea Tacitus à cæteris barbaris distinguit; non ab aliis qui à Romanis pro barbaris non habebantur. Mexicanis autem aut cæteris illis gentibus, singulas fuisse uxores, exceptis nobilium paucis, à vero abludit; siquidem omnibus illis gentibus familiarissima est polygamia, uti & Scythis. Id de novæ Franciæ incolis tradit Quarterius, qui proximi sunt ab origine Norwagica: de Cinaloanis Martinus Perez è Societate Jesu, de aliis alii. An Mexicani aliquid peculiare in hoc habuerint non observavi. Mulieribus quidem unæ nuptiæ in quibusdam provinciis; non in omnibus. Legantur scripta eorum qui de illis gentibus sunt commentati, &prehendentur quam plurima à moribus veterum Germanorum discrepantia, præsertim apud illas quæ viciniore sunt Groenlandiæ & Islandiæ; unde Clarissimus Vir profectas vult.

H. GROTIUS.

T*ribunalia in Florida ad experimentum altissimi æstus, qualia Cauchos habuisse Plinius nos docet.*

ANNOTATIO.

V*trum Floridani tribunalia habeant ad experimentum altissimi æstus, neque affirmaverim neque negaverim. Sed quomodo Cauchi hîc cum Norwagis componuntur, quorum regio fluctibus non est obnoxia ut Cauchorum; & longo terrarum intervallo distant. Sed quid hæc ad indicium originis faciunt? ejusmodi tribunalia solers hominum genus ad sui conservationem invenit ubicunque ab aquarum illuvione periculum est: omnes etiam barbarissimi solliciti sunt de vita conservanda, & facillimum est tumulos egerere æstu superiores, non necesse hoc à Cauchis discere.*

H. GROTIUS.

A*Nimas corporibus superstites ab omni ævo credidère; quod Lucanus tribuit populis quos Arctos despicit. Corpore infames graviter puniti: habes & hoc apud Tacitum de Germanis: quo & illud Quintiliani pertinet in oratione pro Mariano milite qui Tribunum occiderat; Sanctius apud Ocea-*

num vivitur. *Selle singulis & mensæ ad focum: Sororum filii hæredes. Corpora ferme nuda, nisi quæ pudor id vetat, aliaque similia, quæ Tacitus de Germanis prodidit, in iis autem locis de quibus agimus reperta constat, Germanicam non Scythicam ostendunt originem. Etiam diis mactare homines, Germanicum, unde feritate longius procedente, natus apud quosdam populos mos etiam humana carne vescendi.*

ANNO TATIO.

QUæcunque hic afferuntur non sunt veteribus Germanis propria, sed etiam aliis nationibus communia, ut nullum ex iis indicium sumi possit Germanicæ potius originis quam alterius cujuscunque. Et hæc quoque multis nationibus conveniunt, quæ alteram partem Americæ incolunt, qui propterea originis Germanicæ non censentur. Et operæ precium fuisset hæc omnia de Mexicanis aliave natione Septentrionalis Americæ probare, quod difficillimum judico. Pudicitiam sancte coluisse aut hos aut cæteros, qui mores eorum propius inspexerit nemo dixerit. Sane corpora fere nuda, nisi qua pudor id vetat, ab Hispanis apud Mexicanos non sunt inventa, sed potius aliquis cultus etiam in vestibus; nomina quoque vestium propria habent in sua lingua. Incolæ quoque Virginiae longis indusiis utuntur; Floridani pellibus ferarum; de iis qui propius

pius ad Arctum degunt, certum est totum corpus pellibus ferarum tegere: ita & de multis aliis probari posset. Apud quos sororum filii hæredes sint, explicare oportuisset; apud Mexicanos hoc non reperitur, & nescio an apud ullos illius Continentis incolas, præter Hurones, de quibus postea dicemus. In Peruvix vicinis provinciis id observatum docet nos Petrus de Cieza; ab aliis contra. Et notat Acoſta de Peruanis. Ingarum filios patribus successisse, è principali uxore natos, quæ dicebatur *Coya*, quæ ab Inga Ypangui soror fuit. Tamen si Rex haberet Germanum legitimum ille succedebat ante filium Regis. Eundem ordinem observabant & Curacæ & primores Regni. Cibum capiendi ratio plurimum apud illos variat, uti & apud cæteras gentes, neque hoc satis certum est originis indicium. Nec diis mactare homines Germanis proprium; neque hoc antiquum apud Mexicanos: feritatem illam ipsos docuit dæmon uti & alias gentes: nec in America Septentrionali inventi, qui humana carne vescerentur, nisi admodum pauci; feritas ista maxime viguit & adhuc viget in parte Meridionali.

H. GROTIUS.

*Quod autem modo dixi hos citra Isthmum Panama-
ma populos fere omnes Normagica esse originis*

non dixi frustra. Nam qui Iucatanem & vicina quædam loca tenent, eos alterius esse originis docet re-
perta apud eos circumcisio. Multi ob id & quod ex
mari servatos se dicerent, Hebræos esse credidêre, ex
decem scilicet tribubus in Mediam abectos, inde per
Tartariam progressos, in Americam longo illo iti-
nere, de quo agi putant quarto libro qui Esdræ
dicitur.

ANNO TATIO.

MIrabar primum cum legerem in divisio-
ne Americæ, quid sibi vellet illud, *ferme*
omnes, sed quum ad hanc periodum pervenis-
sem, tum demum causam deprehendi: quæ
tamen minus necessaria visa ad exceptionem
hanc formandam, si cætera bene fuissent pro-
bata: nam satis constat, à primis illis inven-
toribus harum regionum multa fabulosa aut
perperam linguæ ignorantia intellecta, fuisse
proditæ, inter quæ & illud fuisse potuit, quod
scribunt de circumcissione apud Iucatanenses
inventæ: & quod se ex mari servatos dicerent.
Atque hîc primum observo, mihi non pro-
bari, Iucatanenses qui longissime ab Isthmo
illo absunt & Novæ Hispaniæ proximi, à
communi sorte originis, qualiscunque demum
sit, eximi. Sed audiamus quid Authores scri-
bant de hac Iucatanensium circumcissione, &
aliis institutis. Petrus Martyr decad. quarta,
cap.

cap. primo. *Templa frequentant, ad quæ primarij vias ex proprijs domibus sternunt lapidibus. Idolorum culturæ indulgeant. Sunt, sed non omnes, recutiti. Legibus vivunt & summa fide commerciantur, permutando sine pecuniis. Cruces viderunt. Unde id babeant interrogati per interpretes, dicunt aliqui: transisse virum quendam formosissimum per eos tractus, qui eis id insigne in sui memoriam reliquerit. Alii obiisse lucidiorem sole hominem quendam in eo opificio. Certi nihil habetur.*

Idem cap. 3. de Cuzumel Insulæ incolis: *Sunt recutiti. Idem cap. 4. De Insula versus Novam Hispan. Pueros puellasque diis suis immolant. Sunt recutiti. Extant & in hujus Colvacanæ (inquit paulo post) lateribus aliæ sitæ sunt Insulæ, in quibus sola mulieres habitant sine virorum commercio. Putant aliqui Amazonico vivere more. Qui prudentius rem ponderant, cænobitas esse virgines secessu gaudentes, uti apud nos, & multis in locis apud veteres, Vestales aut Bonæ Deæ sacre. Certis anni temporibus trajiciunt viri ad eas, non coitus causa, sed moti pietate campos illis & hortos composituri, quo cultu queant vitam ducere. Atque hæc quidem P. Martyr aliorum fide, tum vel maximè linguæ illarum gentium ignarorum, & quidvis temere credentium. Franciscus Lopez de Gomara in Historia Indiarum hæc tradit. *Alli se ballaron cruces de laton, y palo, sobre muertos. De donde arguyen algu-**

nos , que muchos Españoles se fueron à esta tierra quando la destruyon de España , hecha per los moros en tiempo del Rey don Rodrigo. Mas no lo creo pues no las ay en las Islas , que nombrado auemos. En alguna de las quales es necessario , y aun forcoso tocar antes de llegar alli , yendo de aca. Dicit ibidem cruces esse inventas super monumenta mortuorum. Vnde quidam crediderint multos Hispanorum eò fugisse , quum Mauri tempore Roderici Regis Hispaniam destruerent. Sed se illud non credere quia in Insulis nulli reperiantur , ad quas necessarium fuerit primum appellere. Antonius de Herrera decad. II. libro III. capite I. dat rationem , unde cruces primum in has partes venerint. Sed circumcisionis ne verbo quidem meminit. Idem Gomara post dicit : *Retajanse , aunque no todos.* Circumcidunt se , licet non omnes. Ibidem. *Mas todos ydololatan , sacrificando algunos hombres.* Sed omnes idololatræ sunt , immolantes quosdam homines. Idem pene dicit de incolis Insulæ Cozumel. Post hunc etiam alii pene eadem retulerunt. Valde autem credulos fuisse oportet , qui ex hisce in animum induxerint credere , Hebræos esse , ex decem scilicet tribus in Mediam auctos &c. nam licet Authores hi dicant quosdam eorum fuisse circumcisos , tamen nemo eorum prodit quibus

cære-

cæremoniis & per quos circumcisionem administraverint. Nemo autem ignorat quam retinentes semper fuerint suarum cæremoniarum Hebræi, atque etiam linguæ suæ. Vnde mihi persuadeo Hispanos in his deceptos, & Iucatanenses hos non fuisse revera circumcisos: sed quosdam tales ipsis visos, quia gentes hæ maximè proclives in venerem, fere omnes lue venerea laborant à qua præputium ipsis arrosus fuerit. Hæc mea conjectura est, credant qui volent, saltem minime verisimile est origine Hebræos fuisse. sed videamus quid Clariss. Vir de his judicet.

H. GROTIUS.

HÆC quanquam ita congesta, multos possunt in assensum trahere, mihi tamen se non probant. Scriptor Esdræ quarti plenus est inanum somniorum, ideoque ab omnibus rejectus. Nec America est quo ille Hebræos ivisse dicit, ipsi non minus illa tempore quam omnibus aliis incognita; sed regnum quod sibi confinxere Iudæi, ultra amnem, ut ajunt, Sabbaticum, ad portas Caspias, unde nullus umquam nuntius, nulla litera pervenere, quod nec vidit quisquam, nec videbit umquam; in hoc tantum repertum à Rabbiniis nugivendulis, ne promissa de mansuro semper regno in semine Davidis, in Iesu Christo impleta, & adhuc impleri credantur. Neque verum est, in Tartaria fuisse

fuisse Iudeos. Et quæ quidam reperisse ibi se putant tribuum Hebraicarum nomina, vetera sunt Scythica: ut Eutalita non Nephtalita, & sic cætera; quemadmodum Viri eruditi abunde manifestum fecerunt. Iam verò ad Iucatanem & loca vicina quod attinet, qui eò primum venere, circumcisionem ibi repertam tradunt, non etiam cæteros Hebraicæ legis ritus, nec litterarum eam scripturam quæ à multis temporibus penes Hebræos fuit. Circumcisio autem multo latius patet, patuitque semper quam Iudaismus. Et quod ortos se dicerent ab hominibus è mari servatis, non ad Mare Rubrum, sed ad memoriam universalis diluvii, cuius apud omnes gentes reperiuntur vestigia, recte referas. Vide quæ de ea re diximus in Annotatis ad Librum primum pro veritate Religionis Christianæ.

ANNO TATIO.

ASsentior sanè his quæ Vir Clariss. observat de Hebræis; neque enim verisimile est, si Judæi huc pervenissent, solam circumcisionem conservatam fuisse, cæteros Legis ritus omisos. Interea mihi non persuadetur Circumcisionem hic inventam fuisse, & credo primos illos Hispanos fuisse deceptos. Quare & cæteri scriptores Hispani, re jam melius comperta, nullam ejus faciunt mentionem: etiam hoc de crucibus fabulosum judicat Oviedus libro xvii. cap. 3. Et Acosta libro i.

libro I. c. 23. diserte negat, circumcisionem
usquam apud Americanos inventam.

H. GROTIUS.

REm tetigit Petrus Martyr, cum dixit non du-
bitare se quin ex *Æthiopia Oceano* adjacente
nonnulli eò delati sint; quod facile evenire potuit pro-
vectis nonnihil ab ora sua piscatoribus, deinde per
ventos illos vehementes qui rectà in Americam fe-
runt, abreptos: quale quid evenit nautæ illi à quo
Columbus novi orbis notitiam accepit: & Indis il-
lis, quos delatos ad Suevorum littora tradit Plinius.

ANNOTATIO.

VBi hoc dixerit Petrus Martyr ignoro, ne-
que enim in meo exemplari Parisiis an-
no 1587. excuso illud invenio. Sed si dixit,
non dubitare se quin ex *Æthiopia Oceano* adjacente
nonnulli eò delati sint; non utique rem tetigit:
nam incolæ Iucatanes non sunt *Æthiopes*, sed
colore similes cæteris Americanis. Nec facile
evenire potuit provectis nonnihil ab ora sua piscato-
ribus, deinde per ventos illos vehementes qui rectà
in Americam ferunt, abreptos. Nam primo inusi-
tatum prorsus est, piscatores quum ad pesca-
tum exeunt, tantum commeatum secum fer-
re, ut iis ad tam longam navigationem po-
tuerit sufficere. Advertat modo Clariss. Vir
intervallum inter Africę oram & Iucatanem,

& videbit hoc non modo non facile potuisse evenire, sed omnino impossibile esse. Deinde si ab ora proVecti & à vehementibus illis ventis, qui recta in Americam ferunt, abrepti fuissent; (quod tamen navigationum gnari non facile admittent, quia magnæ industriæ est ab illa Africæ ora in Altum provehi) potius in Americam Meridionalem fuissent delati, aut saltem in Canibalum Insulas, quas vitare non poterant antequam in Fretum Mexicanum abriperentur. Duorum ad minimum mensium navigationem fuisse oportuit ab Africæ ora ad Iucatanem. Qui hoc facile evenire potuisse credit proclivius credet quod de Judæis traditur: id enim facilius potuit fieri terrestri itinere licet longiore, quam piscatores huc abreptos fuisse à ventis. Dormitasse suspicor Clariss. Virum quum hæc scriberet; nam ista facilia credere in vigilantes non cadit. Nec tale quid evenit nautæ illi à quo Columbus novi orbis notitiam accepit: nam & hoc fabulosum & ab Hispanis qui Italo gloriam inventi novi orbis invidebant temere fictum, utjam ab aliis observatum. Columbus habuit alias rationes quæ illum induxerunt istam navigationem suscipere, à scientia Geographiæ profectas, ut alibi dixi. Et longè alia est ratio Indorum illorum, de quibus Plinius libro II. cap. 67. dicit enim ex India commercii causa

navi-

avigantes, tempestatibus abreptos in Germaniam, idque Septentrionali circuitu: longe alia est ratio piscatorum.

H. GROTIUS.

Incumcidi autem mos vetus Æthiopum, ut ante alios testatus est Herodotus: cujus rei de causis viximus in dictis jam annotatis. Nec qui Æthiopum Christiani facti sunt veterem hunc gentis suae morem reseruere: ut Alvarez & alii nos docent. Ab Æthiopibus est pronunciatio literæ quæ in Hebreo respondet. Non est autem vetus ista ex Æthiopia in istas terras deducta colonia: sed ab annis, ut ipsi dicebant, quingentis.

ANNOTATIO.

[Am paulo ante dixit Clariss. Vir, nonnullos eo delatos piscatores; nunc dicit ex Æthiopia coloniam eo deductam: quod longe aliud est, quam paucos casu potius quam de industria eò fuisse abreptos. Sed jam dixi Ethiopes haud fuisse Iucatanenses. Addit, non esse illam coloniam veterem, sed ab annis quingentis, & quidem, ut ipsi dicebant. Num ergo meminerant se ex Æthiopia missos in coloniam? non memini me tale quid apud Hispanos authores legere.]

H. GROTIUS.

Abyssinorum autem eo tempore Imperium ad Oceanum pertingebat. Et Christianos fuisse qui illuc venêre Æthiopas, colligimus ex Baptismo; quem administrabant Iucatanenses infantibus post annum tertium ut Græci & Asiatici; vocabantque regenerationem; & infantis parentes ad eum piè celebrandum parabant se precibus, jejuniis, castimoniis. Trahit nos eodem celebrata in Iucatanæ unctio in fronte: peccatorum confessio in morbis: honesta sepultura: & certa de præmiis pœnisque post hanc vitam persuasio. Neque vero mirum videri debet si alia ad Christianismum pertinentia, lapsu temporum, nullis ibi sacerdotibus, & populo negligenter interciderint: cum idem evenisse videamus in Dioscoride Rubri maris, Insula, quam nunc Sacotoram vocant, ubi de Christianismo, sane vetere, præter Baptismum & signum crucis nihil reliquum repererunt qui ibi post Paulum Venetum fuerunt.

ANNOTATIO.

POsito uno falso multa falsa consequi solent, quod & hîc Clarissimo Viro evenit. Nam ne jam hîc de fidè Alvarez aut religionis Æthiopum sive Abyssinorum contendamus. Quis præstet Abyssinorum imperium tum autumquam ad Oceanum Atlanticum pertigisse ad Indicum vulgocreditur. Et si detur ali-

quando

quando & ad Atlanticum pertigisse, non poterunt solvere pisces illi ab ullo loco Africæ, unde vento secundo ad Iucatanem abirentur. Illi parti Africæ in qua Abyssini imperium habent, è regione opponitur Americæ meridionali. Si autem colonia fuit missa, ut videri vult Clariss. Vir, Sacerdotes una missos probabile est. Sin nullos Sacerdotes habuerunt, quinam tandem illis circumcisionem aut Baptismum administrarunt; aut etiam unctionem in fronte; coram quibus peccata confessi fuerint? Hæc omnia gratis dicuntur: nam Iucatanenses non magis Baptismum habuerunt, aut unctionem in fronte, aut confessionem, quam circumcisionem. Martyr Baptismi aut unctionis aut confessionis non meminit, neque ullus alius idoneus author quem viderim. Acosta quidem scribit, Peruanos habuisse genus quoddam confessionis: de quo videndum cap. 25. lib. v. Mexicani autem sacerdotes se ungebant à capite ad calces, ut notat cap. 26. idque tæda, quia diis erat sacra. Conficiebant & bituminis quoddam genus quo infirmos inungebant. Eosdem quoque Mexicanos dicunt habuisse baptismi quoddam genus. Unde si hæc quoque apud Iucatanenses fuere, à Mexicanis accepisse planum est. Contrà posteriores Scriptores Hispani ridet illos qui aliqua Christianitatis vestigia

hîc reperta retulerant. Iucatanenses enim absurdissimi erant Idololatræ, & homines idolis suis immolabant, eodem pene modo quo Mexicani; ut omnino probabile sit ab iis oriundos fuisse. Quid quod & Sacerdotes suos illos habuisse liquet. Quam autem vero ab simile unam aut alteram Cymbam piscatorum ad Iucatanem delatam, omnem Peninsulam in consensum traxisse & ex piscatoribus Sacerdotes factos, Sacramenta administrasse Ethnicis. Franciscus Alvarez scribit Abyssinos circumcidi, qui velint, sine ulla cæremonia: mares baptizari quadragesimo post nativitatem die, fæmellas sexagesimo. non agnoscere Chrisma aut extremam unctionem. In eo non convenit Iucatanensibus cum Abyssinis, si baptismum administrarunt infantibus post annum tertium. Sed dicit Vir Clarissimus hunc morem esse Græcis & Asiaticis: quid hoc ad Æthiopas Africanos? Quid multa? Religionem & ritus sensim mutari, & lapsu temporum multa intercidere nimis verum est, neque ita mirum, sed homines à Christianis oriundos intra quingentos annos, ita religionem mutasse ut etiam homines idolis immolarent, merito cuivis mirum videri potest: neque hoc in Dioscoride insula observatum.

H. GROTIUS.

Lingua autem quod nec plane Æthiopica nec plane Norwagica est in illo tractu à Septemtrione ad Isthmum Panama, inde evenisse credo, quod primum permixti fuerint diversæ originis homines: deinde quod ex iis plurimi sine communi imperio vixerint Cyclopum more; ut nunc quoque fit in Florida: Et ante sexcentos annos in Mexicana aliisque regionibus factum est: cui consequens fuit ut singulæ familiæ propria sibi finxerint vocabula.

ANNOTATIO.

Vnde hæc permixtio linguarum evenerit non satis liquet, nec pauci piscatores ex Ethiopia advenæ hoc efficere potuerunt, ut neutra lingua ibidem agnosci possit. Debuisset utem Clariss. Vir vel uno vocabulo demonstrare, quod hic asserit linguam in illis partibus ex Æthiopica & Norwagica mixtam fuisse: ut nunc ullum vocabulum utriusque lingue adhuc comparere. Nemo autem facile invenit numerum linguarum, (non dico dialectorum, nam hoc parum esset,) quæ in illa parte Americæ usurpantur, quum ferme tot sint linguæ diversæ quot populi: atque ita diversæ ut nihil commune habeant, neque quid Germanici aut Norwagici in illis deprehendantur. Scio aliis multis linguis accidisse ut

multum mutarentur quantum ad pronuntiationem & scribendi modum, sed nihilo secus origo prima haud difficulter observari potest, maximè in Germanica. Habemus & notabile hujus rei exemplum in vicina Britannia; nam quum primi illius Insulæ incolæ ex Britannia Armorica originem duxerint tam longo tempore, ut ejus transmigrationis memoria perierit; tamen adhuc hodie Idioma suum pertinaciter servant Cambri, ab Anglis jam olim in ultimum angulum & montana pulsi: uti & Britones illi quos vocant Brettonantes in Armorica. Sive contra se res habeat, ut volunt Cambri, & Armorici ab Insularibus originem acceperint. In illis linguis, & vel maxime in Mexicana nihil Germanici invenitur. Inter alia, nomina membrorum humani corporis solent aliquod saltem vestigium suæ originis servare, apud Mexicanos tantum abluunt à Germanicis aut Norwagicis, quantum quæ maxime. Caput ipsis dicitur *Tzon-tecontli*, capilli *Tzontli*, frons *Ixcuatl*, Lingua *Nenepilli*, & sic de cæteris. Eadem quoque ratio est in numerorum nominibus, & numerandi modo: eadem in temporum mensura & aliis: de quibus dixi in Americæ descriptione & paulo post dicam. Fiat periculum etiam in aliis nationibus illius partis Americæ, è quarum linguis vocabula ad nos pervenerunt.

nerunt, & idem iudicium necesse est. Hochelagensibus in Canadensi regione, ut prodidit Quarterius, caput dicitur *Aggonzi*, capilli *Agoniscon*, Lingua *Osnache*, Frons *Hergeniascon*. Souriquosis, qui his vicini sunt, Caput dicitur *Menougi*, Capilli *Monzabon* Frons *Tegoeja*, Lingua *Nirnou*. Sankikanis haud longe ab illis dissitis, Caput *Wyer*, Capilli *Mytrach*, Frons *Nachkaronck*, Lingua *Weyeranou*. Quid multa? quot ferme diversi populi, sunt autem innumeri, tot diversæ plane linguæ, neque aliter fieri potuit in tanta barbarie: & ut forte concedi posset, aliquos in illa Americæ parte esse Norwagicæ originis, tamen de Mexicanis & eorum vicinis neutiquam verisimile est: neque sana ratione cuiquam persuaderi posse autumo, intra octingentos aut etiam mille annos, Norwagos tanto numero in illas partes venire potuisse, à quibus tanta multitudo propagari potuerit & tam immensa regio impleri. Quod autem addit Vir Clariss. plurimos sine communi imperio vixisse Cyclo-
pum more: id licet de quibusdam dici possit, tamen neque de Floridanis, neque aliis quam plurimis dici potest; nam apud plerosque aliqua communis imperii forma adhuc hodie manet. Sed defungamur jam Septentrionali Americæ parte.

Venio nunc ad alteram Americæ partem, quæ ab Isthmo Panamæ ad fretum usque Magallanicum excurrit.

ANNOTATIO.

IAm supra dixi nihil causæ esse cur ad Isthmum Panamæ separatio fiat : & Meridionales omnes alterius originis statuatur : sed sequamur hanc divisionem , & videamus an Clariss. Vir melius se hîc expediat. Nimis autem breviter hac parte defungitur : nam hæc pars quoque amplissima est , habitaturque ab innumeris pene gentibus & populis ; qui non minus quam Septemtrionales diversissimis utuntur linguis , moribus & institutis : præterquam quod mediterranea hujus continentis nondum satis sunt cognita. habet autem hæc pars amplissimam basim ad mare Septemtrionale , ad fretum Magallanicum definit in obtusum veluti conum. Ultra quod multæ jacent insulæ angustis fretis divisæ.

H. GROTIUS.

EOs qui prope sunt fretum Magallanicum , eodem fuisse corporum habitu , moribus ac lingua , quo illi qui ultra id fretum sedes habent, omnes qui de eotra u scripsere consentiunt, quare cisfretanos à transfretanis ortos credi par est : eoque magis quod Peruanis semper

semper dixerint in ea orbis parte homines fuisse sui generis extraneos.

ANNO TATIO.

AB extremis populis hic orditur Vir Clariss. & dicit Cisfretanos à transfretanis ortos : ratio est, omnes qui de eo tractu scripsere consentiunt, eodem utrosque fuisse corporum habitu, moribus ac lingua. Ut de moribus concedam (sunt enim utrique incultis, feris atque adeo immanibus) de corporum habitu minime consentiunt omnes qui de eo tractu scripsere ; uti nec de lingua ; quæ & hic diversa reperitur pro populorum diversitate. Rationi quod additur, *eoque magis quod Peruanis semper dixerint in ea orbis parte homines fuisse sui generis extraneos* ; quid sibi velit non capio : id enim & de multis aliis qui illam partem Americæ incolunt dicere potuerunt, & quidem verissime ; sunt enim plurimæ & pene innumera- biles gentes etiam in illo tractu, quæ nihil neque lingua neque moribus cum Peruanis habent commune, ita ut hoc de solis iis qui Fretum utrimque accolunt accipi non possit ; aut ex eo concludi cisfretanos à transfretanis ortos. Peruvia quoque quamvis longe lateque pateat, tamen à reliquis partibus multum superatur, neque ipsa per se, cum Hispani illam primum adierunt, ab

una gente fuit habitata: sed fuerunt in illa varii populi, diversa lingua, diversis moribus & institutis, quos tamen omnes Peruviae Monarcha sensim sub iugum miserat, & tum servitute premebat. Vnde factum erat ut quemadmodum multi Novae Hispaniae incolae communem haberent Mexicanam linguam, praeter suam propriam, ita etiam hi Cuscesem linguam usurparent. Interea non nego è transfretanis partibus Americam hanc Meridionalem incolas accepisse, non solum qua fretum illud attingit, sed etiam longè lateque intra continentem. Observatum enim multos populos ab austro ad arctum promovisse; & Toupinambas illos qui juxta Fluvium Januarii degebant tempore Joannis Lerii, nunc magnam partem juxta Marannonem inveniri, maximum terrarum spacium emensos.

H. GROTIUS.

Illam autem orbis partem quae trans Fretum est, & quae inde longe tractu partim continuis terris, partim modicis fretis intercurrentibus, sub Novae Guineae nomine, ad usque Giloli, Iavae & aliarum Indici Oceani Insularum conspectum se porrigit, Australem dictam, in Tabulis, non aliunde quam ab ipsa Iava aut Gilolo habitatores veteres accepisse, credibile est.

ANNOTATIO.

Superioribus annis nostrorum & aliorum navigationibus compertum est, trans fretum Magallanicum plures Insulas esse, modicis fretis intercurrentibus, extra quas est patentissimum mare, & per id aditus ad mare Pacificum, ut vocant: transitus quoque inventus per fretum Lemairium. Terræ autem illæ quæ fretum hoc ab Arcto ingredientibus sinistrae sunt, an cum nova Guinea contiguæ sint, an modicis intercurrentibus fretis dirimantur, adhuc incompertum est: qui orbis delineationem ad Globum exactam inspexerit, deprehendet maximam esse distantiam, & omnia incerta: ita ut incolas illos Americae Meridionalis ad fretum Magallanicum, ab Java aut Gililo aliisque maris Indici insulis accersere, conjectura haud satis certa nitatur; ita ut malim iudicium suspendere, quam ferre. Licet videam omnino necesse esse à pluribus partibus accersere, ut tantæ multitudinis propaginem deprehendamus.

H. GROTIUS.

AT Peruanorum ingenia multo elegantiora, iustique & magni imperii capacia, aliam testantur originem: quæ, si quid video, non aliunde quam à Sinenfibus, paræ elegantia, parisque imperii gente.

AN-

ANNOTATIO.

HÆc jam secunda Helena, quam Clariss. Vir in sua Dissertatione comendam suscepit. Apud Peruanos imperii iusti formam ab Hispanis inventam haud dubium est, eosque elegantioris esse ingenii, quam cæteri qui in illa parte Americæ degunt. Sed illos cum Sinenfibus conferri posse, haud facile admittent qui utrorumque ingenia & mores accurate inspexerint; nec apud Peruanos industria & artium mechanicarum studia tantopere floruerè: alia fuit politiæ ratio, alia ædificiorum forma, alia oppidorum structura: nihil quod Sinenfium industriam sapit aut vel leviter æmulatur. Deinde si ex Oriente accersendi sint Peruani, plura & in continenti & in Insulis ingenia iusti ac magni imperii capacia, nec inelegantia. Cur autem hic prætereuntur Chilenses; natio non minus industria quam Peruana; & propinquior freto à quo Clariss. Vir. orsus est? non enim ii originem suam Peruanis debent.

H. GROTIUS.

Confirmant id repertæ ad oram Pacifici maris reliquiæ navigiorum Sinenfium, ut Hispani tradidère.

ANNO-

ANNOTATIO.

ORa Pacifici maris in immensum patet; qui ad oram Peruviae, quamvis satis longam, reliquias navigiorum Sinensium repertas tradiderint ignoro, nondum aliquem Hispanum idoneae fidei legi qui hoc traderet. Neque cuiquam verisimile fiet vastum illum Oceanum intuenti, & auram semper adversam, navigationemque pariter longissimam & difficillimam: Ita ut facilius recta ex India per mare Atlanticum potuerint venire Sinenses. Sed neque illi tam longinquas navigationes suscipiunt, vicinas provincias & Insulas maris Indici adire contenti. Neque naves eorum ejuscemodi sunt ut jactationem procellosi maris ad Californiam ferre possint, quas Hispanorum vastae naves vix tolerant. Notum enim quae discrimina saepe adeant quae à Philippinis ad Acapulcum veniunt. Et cum valido exercitu venisse oportuit Sinenses, ut tam numerosam gentem aut conderent aut subjugarent. Accedit quod apud Peruanos ante Hispanorum adventum nulla navigia majora, veliferave fuerunt inventa, aut quicquam armorum quibus Sinenses utuntur: quum Peruani etiam ferri usum ferè ignoraverint. Non est autem credibile advenas è Sina omnem navigandi artem
ita

ita penitus oblivisci potuisse, aut patriæ memoriam deponere, ut non illam aliquando, quod longè facilius erat, inviserent.

H. GROTIUS.

N*Ec mirum si multum navigatu exercitos Sinen-
ses, in terras uno mari divisas aut quærendi
curiositas aut magnus humani generis propagator ca-
sus, pertulerit.*

ANNOTATIO.

OMnino mirum esset Sinenfes, terras tam vasto mari, licet uno, divisas, aut studio petere aut casu in eas incidere potuisse: de California aut etiam Nova Hispania si hoc diceretur, aliquam fidem posset reperire: de Peruvia incredibile est. Primum casu illud non potuit fieri, nam comineatus ipsis defecisset, qui non nisi ratione itineris instituti imponi in naves solet: & si distantiam consideres, ventosque adversos aut alicubi instabiles, non potuit ea navigatio nisi octo aut novem mensibus absolvi: ipsi vero propinquiore navigationes suscipiunt. Deinde si studio illam tam longinquam navigationem suscepissent, omnino necesse fuisset mercium Sinenfium reliquias in Peruvia reperiri. Nec semel cœptam postea omisissent. Denique nulla idonea ratio reddi potest

cu

cur non potius Novam Hispaniam adiissent, quæ tanto propinquior erat : sed neque inter hanc & Sinam ante Hispanorum tempora ullum fuit commercium : aut quicquam Sinen-
sium mercium ibi repertum.

H. GROTIUS.

*Solis cultus apud Peruanos fuit ante Hispano-
rum adventum : Idem ab omni ævo precipuus
apud Sinenses : & quomodo Rex Sinensum filium
se dicit Solis ; sic & Incha Peruani imperii Reges
se dixere.*

ANNOTATIO.

*Solis cultus apud multas gentes viguit ; o-
mnibus pene gentilibus is fuit familiaris,
ut id non arguat necessariò originem Sinen-
sem , non magis quam græcam aut latinam.
Peruani ut tradit Acoſta , potiffimum cole-
bant Pachacamac, id est Creatorem. Hujus enim
templum erat principale Peruvix Sanctua-
rium. Eundem appellabant Viracocha , id est
creatorem omnium : quidam & Ticebiracocham
ut Guancæ qui Xauxam incolebant : atque
etiam Collæ. Secundo demum loco Solem.
Tertio Tonitru , quod vocabant tribus no-
minibus , Chiquilla, Catilla & Intullapa. Un-
enim dæmoni & pluvias & grandinem & to-
nitrua attribuebant. Idolis autem suis infantes
immo-*

immolabant. Vide plura lib. v. cap. 4. Sinenses autem, si Trigautio credimus, qui diligentissime & oculatus testis de ipsorum religione vel potius superstitione est commentatus, solem præcipue non venerantur, ac nec colunt quidem, sed cælum & terram, aut etiam (nam in varias sectas sunt divisi) cæli & terræ Regem: ita ut Peruani in hoc cum Sinensibus non conveniant: sicuti nec in cæremoniis & reliquo Solis cultu: quorum nihil apud Sinenses reperitur. Sed dices; *quomodo Rex Sinensium filium se dicit Solis, sic & Incha, Peruviani Imperii Reges, se dixere.* Quid tum? etiam Mexicani Solem adorabant; & Cortesium vocabant filium Solis, per excellentiam. Bene autem observat Acoſta, dæmonem eadem arte usum in seducendis Americanis, qua in Græcis & Romanis & aliis gentilibus. Sed cætera videamus.

H. GROTIUS.

Scriptura Peruanis non per literas, sed per rerum notas, idque à summo chartæ ad imum, ut in Sinis.

ANNOTATIO.

Miror quis Clar. Viro hoc persuaserit, aut unde id hauserit: Peruanis chartam aut characteres sive rerum notas fuisse; aut Scripturam

pturam à summo chartæ ad imum, ut Sinis. Certe nihil magis alienum à vero dici potuit. Qui nobis rationem tradiderunt qua Peruani rerum memoriam conservabant, nihil tale, sed longè contrarium tradunt. Consulere debuisset aut Iosephum de Acosta aut Incam Garcilassum de la Vega, qui natione fuit Peruanus, & quidem è familia regnantium, ut ipse profitetur; alter autem diu in illis terris vixit; ita ut uterque idoneus testis sit eorum quæ in Peruvia sunt observanda. Nulla ibi charta, nullæ rerum notæ ut Sinis, nulla scribendi industria. Nemo hoc hæctenus prodidit, quod quidem sciam, & si quis prodidisset fortè, vanitatis & erroris facile convinceretur. Non debebat hoc viro Clarissimo excidere, neque par erat conjecturam hanc suam de origine Peruanorum tanti facere. Authores illi, quos dixi, nobis exactè dederunt rationem qua Peruani rerum gestarum memoriam conservabant, quam in descriptione nostra retulimus. Habuerunt ad hæc cantilenas etiam suas, quibus majorum & imprimis fortium virorum res gestas celebrabant: quæ ultimam antiquitatem sapiunt. Prior illa admodum laboriosa ratio & multum incerta, nusquam alibi, quod quidem sciam, quam in Peruvia fuit inventa. Argumentum itaque hoc ut manifeste

E

manifestè falsum, nihil pro sententia Clariss. Viri facit: malo autem credere hoc ab aliquo ipsi persuasum, quam ipsum de industria commentum: ita sæpe ab aliis falsi, etiam alios fallimus; & ejusmodi fallaciæ quo majores authores habent, ita facilius fidem inveniunt. Quare potius quid dicatur, quam quis dicat est attendendum, quandoque bonus dormitat Homerus. Si Clarissimus Vir id dixisset de Mexicanis, potuisset tolerari, licet eorum pictura & characteres multum differant à Sinensibus, neque à summo chartæ ad imum descendant. Videndus Acoſta lib VI. aliquot prioribus capitibus ubi hanc rem plenissime explicat. Vbi & notat Mexicanos contrario à Sinensibus modo, ab inferiori parte ad superiorem notas suas & characteres collocasse.

H. GROTIUS.

*S*inensem quoque Mancacapacum fuisse arbitror, qui cum esset admirandi Vir & ingenii & animi, ac comperisset suæ gentis homines trans mare bonas obtinere terras, sed nullo communi imperio Regi, eò se transtulit, dispersos in corpus collegit, principatumque sibi ac posteris suis ad imperii Sinensis instar constituit.

ANNOTATIO.

MAncocapacum, five ut aliis dicitur, Mangocapum fuisse Sinensem & advenisse è Sina postquam jam sui in Peruvia sedes fixerant, non magis verum, quam Peruanos à Sinenfibus ortos. Et mirum unde id Clarissimo viro persuasum fuerit, nam hæc cum monumentis Peruanorum minime conveniunt; aut cum sana ratione. Si comperit suæ gentis homines trans mare bonas terras obtinere, oportuit utique commercium inter utramque gentem fuisse, neque enim aliter hoc comperire poterat, nisi ex iis qui in Peruvia terras illas bonas vidissent: Id autem nullo vel probabili indicio patere jam supra diximus. Nec Peruviani navigia habuerunt quibus Sineses adirent; & Sinenfibus arduum atque difficile erat Peruviam adire. Qui Regum Peruanorum seriem nobis dederunt, Hunc Regem quidem primum in ordine ponunt: fuerit sane admirandi vir & ingenii & animi: num propterea Sinensem fuisse necesse est? etiam aliæ nationes, licet aliàs barbaræ, producunt interdum viros excellentes; atque hinc fere tyrannorum origo. Nemo antehac aut advenam dixit aut suspicatus est. Cœpit autem imperare & quidem satis angustis limitibus circiter quadringentis annis ante adventum Hispanorum in

Americam : diciturque oppidum Cusco condidisse : neque ille imperio suo usquam mare Pacificum attigit. Est enim id oppidum situm in Mediterraneis , quam longissimè à mari. Ejus posterì imperium sensim auxerunt, ut ex iis constat quæ ab authoribus, ipsorum Peruanorum relatu & fide , sunt tradita. Abnepos illius Capacypanqui primus imperium ad valles mari adjacentes promovit. Credo autem fuisse & alios regulos, qui communi imperio gentes illas regerent, ante hunc Manacapacum, hunc autem propterea primum nominari quia conditor fuit urbis dominatricis & primus monarchiam in illis partibus ausus est attentare. Verisimile enim videtur , hîc ut & in nova Hispania & alibi plures regulos fuisse , qui deinde ab uno potentiore fuerunt absorpti , aut aliqua gravi occasione superiorem asciverunt: cujus rei ipsorummet relationes faciunt fidem.

H. GROTIUS.

*Q*uod verò neque prope fretum Indorum Asiaticorum lingua, neque in Peruano tractu Sinenfis lingua, mansit integra, ejus rei causas easdem fuisse arbitror, quas de mutatione linguarum cis Isthmum Panama jam modo attuli.

ANNO-

ANNOTATIO.

LIngvas lapsu temporis mutari certum est. neque mirum ; causæ notissimæ sunt : sed ita penitus aboleri quadringentorum annorum lapsu potuisse Sinensem inter Peruanos, præsertim quum iisdem rerum notis uterentur, & scriberent, (loquor ex Clarissimi viri hypothese) id vero incredibile est, si elegantia Peruanorum ingenia advertamus. Clarissimus vir, quasi certo constaret, Indorum Asiaticorum linguam prope fretum esse, licet non integram, & in Peruano tractu Sinensem, reddit rationem unde hoc factum sit. Sed primum probandum fuerat Indorum Asiaticorum linguam prope fretum aliqua vel minima parte esse: & ad eundem modum Sinensem in tractu Peruano. Tum facile daretur nihil esse cur hîc integram desideremus magis, quam alibi. Fateor autem mihi nihil admirabilius visum in illis Regionibus, quam tantam multitudinem diversissimarum linguarum : nam præter Mexicanam, Cuscensem, & Brasiliensem vix aliam ullam reperias quæ unam provinciam excedat : venitque in mentem hostem humani generis, qui inter illas gentes potentissime dominatur, hanc difficultatem Europæis & Christianis objicere voluisse ne ad salutem convertere miseros possent. Ex

hac autem multiplici linguarum varietate ,
imprimis autem literarum & Scripturæ de-
fectu fit , ut nihil certi de harum gen-
tium originibus & migrationibus cognosci
possit.

H. GROTIUS.

HÆc sunt quæ de Americanarum gentium ori-
gine , partim ex traditione , partim ex conje-
ctura colligere potui : quibus si quis habeat certiora ,
fruar lucro permutationis & pro eo lucro reddam
gratias.

ANNOTATIO.

EX iis quæ dixi puto satis liquere, Clarissi-
mum Virum non bene usum traditione
aut conjectura in origine gentium America-
narum explicanda. Alios autem jam magis
verisimilia dixisse. Hoc tantum Epilogi loco
addam , laudandum esse ipsius conatum &
gratiam habendam , quod de quæstione diffi-
cillimæ indaginis suam sententiam voluerit
aperire. Ego autem ita judico quum Ameri-
ca tam late pateat quam noster orbis , & no-
minus habitata fuerit , quam aut Europa aut
Asia, aut Africa, omnino credendum esse non
ab annis quingentis aut mille primum habitari
cœpisse , sed statim post confusionem lin-
guarum & dispersionem illam familiarum
etiam

etiam in Americam migratum fuisse: nam aliàs non video quomodo idonea ratio reddi possit tantæ ubique per Americam incolarum multitudinis: & infinitarum ferme diversarum linguarum, & à se invicem & ab Europæis toto cælo discrepantium. Neque tamen negandum puto, etiam subsequenteribus seculis novos advenas accessisse, sive casu sive ex instituto in has aut illas partes successerint. Post Christi fidem susceptam id accidisse in animum inducere non possum, quia ne levissima quidem Christianismi vestigia in hisce partibus, usquam inventa. Caret autem ut puto, exemplo, nationem aliquam aut populum post sacra Christiana rite accepta, ita ea de novo oblitterasse ut nihil ejus esset reliquum. Quod autem aliquæ provinciæ aut regiones quæ aliquando Christianos habuere nunc nullos habeant, id factum quia aut locum mutarunt incolæ, aut penitus ab advenis excisi sunt. Deinde imprimis dispiciendum existimo per quas vias intrare potuerint; nam aut terrâ venerunt aut mari; & quidem mari illis primis temporibus aut dudum post, venire non potuisse arguit navigandi primis illis seculis imperitia; quare terra potissimum venisse credendum, & diligenter inquirendum, divertium inter Asiam & Americam utrum ullum sit, aut quantillum sit: itemque in illam con-

nexionem terræ Australis cum nova Guinea, Nam aliis partibus nimis vastum divortium facit Oceanus uterque. Ad hæc observandæ historicorum indicationes, quum de gentium aliquarum migrationibus seu voluntariis seu coactis agunt. Conjecturis hic minime fidendum puto, nisi quæ valde probabiles sunt. Cæterum licet nondum gratias à Clarissimo viro mereri possim ob certiora tradita, tamen spero non ingratum futurum, quod ea quæ certa esse sibi persuaserat, partim incerta, partim falsa ostenderim, neque illum diutius decipi passus sim. Sed ut majorem gratiam mereri possim, adjiciam & aliarum sententiarum examen; & aliquot observationes quæ ducere possint ad pleniorum hujus difficillimæ quæstionis solutionem.

Sententia P. JOSEPHI de Acosta,
lib. I. cap. 16.

1. Necessè est Americæ incolas in illas regiones venisse, per unam harum trium viarum: nam aut venerunt terra aut mari: & si mari, aut casu aut animo deliberato.

2. Si casu, vi tempestatum in illam fuerunt ejecti aut propulsi: si deliberata voluntate, propositum habuerunt novas terras inquirendi.

ANNO-

A N N O T A T I O.

OMnino assentior aliam viam ordinariam non dari, neque necesse esse aut miraculum comminisci aut fabulosa sectari; Deus qui orbem incolis impleri voluit, etiam vias illis aperuit, quibus possint aditum ad omnes partes invenire: nam cum mundum in aridum si-ve terram, & humidum, id est maria distinxisset: terram hominibus & animalibus inhabitandam dedit, sicut aquas piscibus. Sed non est necesse unam aliquam viam harum trium eligere, cum omnes tres hîc locum habere possint; nam quod nobis casu fieri videtur, etiam providentia divina ordinatur.

3. Rationes idoneæ reddi possunt Americanos navigando, sicut hodie, in illas terras advenisse. Potuit enim tunc fieri quod hodie factum videmus, & quod quotidie adhuc tentatur. Siquidem S. Scriptura refert, Regem Solomonem accepisse à Tyriis & Sidoniis nautas, & gubernatores navigandi peritos, & ipsorum auxilio navigationem trium annorum perfecisse.

A N N O T A T I O.

DE Regis Salomonis & aliorum veterum navigationibus paulo post dicemus.

4. Verum, *inquit Acosta*, alterius sum opinionis, neque mihi possum persuadere, primos incolas

incolas in Americam venisse navigatione ordinaria & ex proposito instituta.

5. Neque enim concedo, antiquos eam industriam navigandi habuisse, quam hodie habemus: non inveni apud illos notitiam magnetis aut usum illius in navigando, sine quo impossibile videtur Oceanum penetrare.

6. Plinius enim quum in Historia sua Naturali lib. xxxvi. cap. 14. & alibi, commemoret admirandas proprietates Magnetis, nusquam facit mentionem illius quæ vel præcipua est, quod ferrum contactum respicere faciat Arctum. Sicuti neque Aristoteles, neque Theophrastus, neque Dioscorides, neque veterum authorum quisquam.

7. Accedit, quod neque Plinius neque quisquam veterum meminit pixidis nauticæ aut magneticæ hujus virtutis. Solummodo notam artem observandi sidera inter navigandum à Phœnicibus esse acceptam.

8. Certum autem est veteres tantum in navigando observasse sidera, notasse orarum ductum, promontoria & terrarum faciem. Ubi horum conspectus se subduxerat, à ventis se agi patiebantur.

ANNOTATIO.

Scientiam navigandi multum profecisse posterioribus hîc seculis, neque usum
Magne-

Magneticæ pixidis veteribus notam fuisse, in confesso esse existimo, neque tamen propterea omnino incredibile est, veteres, ante usum illius cognitum, Oceanum navigasse: nam ad siderum conspectum etiam cursus suos direxisse manifestum est, & terras petiisse longe à conspectu remotas, cujus rei fidem facit, quod insulas petierint ducenta, trecenta & plura milliaria à continente remotas; in quo & venti eos ducere potuere, postquam semel compererant ad quam mundi plagam à continente distarent. Et hominum curiositas, cum audacia conjuncta, semper ultra tendit & nihil fere relinquit inausum. Itaque nulla ratio nos vetat credere, veteres ex instituto terras alias, etiam longius sitas, quam forte opinabantur, navigando Oceanum petiisse. Neque velim hanc viam omnino nobis adimi. Deinde non est satis validum argumentum, quia veteres illi græci & latini ignorarunt usum Magnetis in navigando, propterea etiam Orientalibus omnibus ignotum fuisse: fatetur enim Acoſta, à Vasco de Gama illius usum fuisse observatum, apud Æthiopes ad oram Mozambique habitantes, neque prodi à quibus illum acceperint: quod mihi haud leve indicium videtur, jam à multo tempore Africanos istos usum illum novisse: atque idem haud improbabiliſſime dici poſſet de Asiaticis. Videmus enim

enim Asiaticos vel remotissimos multas artes scivisse antequam Europæi eas vel leviter attingerent, uti Typographicam & Tormentariam & similes. Non autem est dubitandum quin experientia & industria posterioribus seculis multum adjecerit, quemadmodum omnes omnino artes ætate proficiunt. Unde factum, ut etiam observatum sit, quibus locis Magnetica linguula recte arcum designet, quibus autem ad ortum aut occasum declinet; quod superiori seculo debemus. Quod autem ibidem cap. 18. P. Josephus de Acosta ad objectionem de classe Solomonis respondet, magis rationi consentaneum esse, tum navigatum fuisse in conspectu terre & secus oram; eadem facilitate refelli potest, qua asseritur: præsertim cum certum sit veteres illos navigasse ad Insulas etiam longè à continente remotas, ut ad Fortunatas, ad Hesperidas & alias. Denique veteres non nisi remis navigasse plane est contra Historiarum omnium fidem, quæ & antennarum & velorum sæpe meminerunt: & semper distinguunt inter veliferas naves & eas quæ remulco trahebantur.

9. Porro primos illos Americæ incolas casu & tempestatibus actos ad illas regiones pervenisse non est incredibile, licet Oceanus immensum pateat. Eo enim modo nauta, ille qui Columbo præivit, novum illum orbem
invenit

invenit ; atque ad eundem modum etiam alii.

10. Idque non nostro tantum seculo, sed & antiquioribus seculis : siquidem Plin. narrat lib. 11. cap. 67. in Arabico sinu res gerente C. Cæsare Augusti filio, signa navium ex Hispaniensibus naufragiis feruntur agnita.

ANNOTATIO.

Quod hîc dicitur de navarcho illo seu gubernatore, qui Columbo præiverit, id narrat Gomara, & imprimis Mariana, lib. 26. cap 3. *Navis quædam, inquit, in Africæ commercio occupata superioribus annis ventorum violentia abrepta ad ignotas terras & littora appulit. In reditu vectoribus & nautis fame extinctis, Navarchus cum tribus aut quatuor sociis Maderam insulam, quæ in ditione Lusitanorum erat, tandem tenuit mortuo quam spiranti similior. Agebat forte in ea insula Christophorus Columbus natione Ligur, (nam & uxorem in Lusitania duxerat) ingentis animi vir singulari industria; quod erat præcipuum rei nauticæ imprimis peritus. Excepit is hospitio Navarchum; qui longinquæ navigationis laboribus fracto corpore, brevi extinctus commentaria quæ de tota navigatione confecerat, Columbo reliquit. Quæ si vera causa fuit; sive ex Astronomica disciplina, aut à quodam Marco Polo medico Florentino edoctus: statuit quasi rem minime dubiam trans noti orbis terminos,*

terminos, etiam ad occidentem Solem, magna terrarum spacia patere &c. Cautè ille, quæ si vera sunt: nam nihil certius est quam Columbum ex Geographiæ atque Astronomiæ scientia, & globi orbe judicasse, omnino necesse esse Oceano enavigato in terram incidere: & Hispanos extranei gloriæ invidentes hanc fabulam finxisse, quemadmodum ante nos Rhamusius, & Benzo; atque adeo Franciscus Oviedus observarunt. Vt mirum sit Acostam id aut non animadvertisse aut dissimulasse. De navibus Hispaniensibus in sinu Arabico agnitis par est ratio; neque enim verisimile Hispanos tum temporis tam longinquas navigationes suscepisse; sed hæc avidè arrepta à Castellanis ut Lusitanorum gloriæ detererent. Sin autem quis credibile hoc putat; multo facilius Hispani in Americam potuerunt pervenire.

II. Et adjicit postea; idem Nepos de Septentrionali circuitu tradit, Q. Metello Celeri, C. Afranii in consulatu collegæ, sed tum Galliæ Proconsuli, Indos à Rege Sueavorum dono datos, qui ex India commercii causa navigantes, tempestatibus essent in Germaniam abrepti.

I 2. Certe si Plinius verum dicit, non navigant hodie Lusitani longius quam illis duobus naufragiis factum, uno ab Hispania ad mare

nare Erithræum, altero ab India Orientis in Germaniam.

ANNOTATIO.

Potest ne cuiquam verisimile videri quod hîc è Nepote profert Plinius? ingentem & longissimam tempestatem fuisse oportet, quæ Indos illos à mari Indico in Atlanticum & deinceps in Germanicum expulerit. Sed istu quodam ab Acoſta hæc duo naufragia, ut vocat, conjunguntur, ut priore Columbo, altero Lusitanis gloriam tam nobilium & longinquarum navigationum adimat. Prætermittit enim media quæ magis verisimilia sint, sed Hispanis non favent. *Et Hanno, inquit, Carthaginis potentia florente, circumvectus Gadibus ad finem Arabiæ, navigationem eam prodidit scripto: sicut ad extera Europæ noscenda missus eodem tempore Himilco. Præterea Nepos Cornelius auctor est, Eudoxum quendam sua ætate, cum Lathyrum Regem fugeret, Arabico sinu egressum Gades usque pervectum: multoque ante eum Cælius Antipater, vidisse se, qui navigasset ex Hibernia in Æthiopiam commercii gratia. Quæ si exinde ab illis authoribus narrata fuerunt, Carthaginensibus, ut à Sidoniis ortis, ea gloria debetur, quod Africam ambiverint navigando. Quum autem superiori seculo id Lusitanis acciderit, ut eadem navigatione Indiam petentes*

tentes Brasiliam casu invenirent, potuit & primis illis temporibus evenisse ut in Americam abducerentur, qui illam colerent & incolis augerent.

13. Idem author scribit lib. 6. c. 22. de Taprobane. *Haëtenus à priscis memorata; nobis diligentior notitia Claudii principatu contigit, legatis etiam ex insula adveëtis. Id accidit hoc modo. Anni Plocami, qui maris rubri veëtigal à fisco redemerat, libertus circa Arabiam navigans, Aquilonibus raptus præter Carmaniam decimo quinto die Hippuros portum ejus inveëtus, &c. Taprobane autem hodie dicitur Samatra.*

ANNOTATIO.

TApobanen veterum, esse hodie Samatram, vulgo creditur: quanquam illa quæ Plinius ibidem scribit Samatræ non bene conveniant, Samatra enim maxima sui parte jacet intra æquatorem & Tropicum Cancræ: non poterant itaque incolæ mirari umbras suas in nostrum cælum cadere Sole existente in Tropico capricorni, aliaque quæ ibi legatos aut narraffe aut miratos commemorat. Sed est Samatra, hæc navigatio haud ita mirabilis Gaspar Varrerius in Commentario suo de Ophira regione: *Vt à nobis, inquit, in quibusdam nostris Geographicis observationibus satis disputatum est, constat eam esse insulam Taprobanam, quæ*

his temporibus eodem ipso pæne nomine Seilam appellatur, quo jam olim, auctore Ptolomæo fuerit nuncupata. Et sic navigatio ista adhuc minus mirabilis esset.

19. Narrant quoque, unam Carthaginiensium navem è mari Mauritanix à ventis orientalibus eò usque fuisse abductam, ut in conspectum novi orbis veniret.

ANNO TATIO.

QVI hoc narrent non adscribit Acolta, credo illum innuere locum in Admirandis Aufcultationibus, quæ Aristoteli tribuuntur. Vbi ita legimus: *Extra columnas Herculis, aiunt in mari à Carthaginensibus insulam fertilem desertamque inventam: ut quæ tam silvarum copia quam fluminibus navigationi idoneis abundet, cum reliquis fructibus floreat vèberementer, distans à continente plurimum dierum itinere: in qua cum Carthaginienses quidam ob soli ferilitatem connubia agitare ac habitare cepissent, ferunt Præsides Carthaginensium, nequis deinceps insulam ingrederetur, pæna capitis interdixisse, incolasque eiecisse, ne coitione (si illic habitare pergerent) facta insula principatum consequerentur, & Carthaginenses ea felicitatis parte privarent. Hæc quidam de Hispaniola acceperunt, verum alii affirmant de aliqua alia Oceani insula accipiendâ; neque enim verisimile est Pœnos crebro tam*

F

longin-

longinquam navigationem suscepisse. Alii opinantur Pœnos illos delatos fuisse in Brasiliam, & Barbaros illos esse Punicæ originis.

15. Non est res nova, iis qui aliquam habent experientiam maris, interdum currere tempestates tam vehementes & duras, absque ulla remissione. Accidit mihi quum in Indiam tenderem, primas ab Hispanis habitatas terras attingere, decimo quinto die postquam à Canariis solveram, & sine dubio adhuc brevior fuisset navigatio, si vela dedissent orientali vento qui perflabat. Ita ut mihi valde verisimile videatur, præteritis temporibus ad Indias venisse homines à furore ventorum superatos, sine suo proposito.

ANNOTATIO.

FAteor id omnino verisimile esse, postquam Oceanus extra Europam & Africam navigari cœpit, ita ut hac via etiam incolæ in Americæ continentem & insulas venire poterint. Sed omnes ea via venisse mihi non videtur verisimile, uti neque Acoftæ.

16. Multa memoria est in Peruvia Gigantum, qui in illas partes venerint, quorum adhuc ossa deformis magnitudinis reperiuntur juxta Mantam & Porto Vieyo; & secundum proportionem fuerint isti homines triplo proceriores quam hodierni Indi. Aiunt illos Gigantes

gantes venisse per mare, & bellum intulisse indigenis, & superba ædificia struxisse, & monstrant hodieque puteum factum è lapidibus magni pretii. Dicunt præterea illos homines enormia peccata committentes, & potissimum illud contra naturam, ab igne e celo deciduo consumptos & abolitos.

ANNOTATIO.

Gigantes in hisce terris Americæ fuisse satis probabile videtur: idem enim narrant Tlascaltecæ in nova Hispania de Chichimecis gigantibus. A costa lib. 7. c. 3. *Nemo, inquit, miretur quod dicitur de istis gigantibus; quia etiam hodie inveniuntur ossa humana incredibilis magnitudinis. Quum Mexicæ agerem anno 1586. inciderunt in eiusmodi gigantem sepultum in nostrorum prædio, quod dicitur Iesus del monte, & ostenderunt nobis molarem, qui superabat pugnum humanum, & eadem proportionem ceteros, quem vidi, & miratius sum ejus deformem magnitudinem.* Quin etiam hodie in variis partibus Americæ produntur homines, qui proceritate multum superant homines nostri orbis. S. Scriptura etiam gigantum meminit in Cananæa. Unde mihi venit in mentem transmigrationem in Americam non diu post dispersionem gentium esse factam, sed mari in Americam venisse, ut Peruviani volunt, id neutiquam verisimile vide-

tur. Nam magis probabile videtur Chichemecas illos contiguitate terrarum in ulteriora penetrasse, & coueniunt mores & vitia.

17. Adhæc narrant incolæ Ycæ & Aricæ, consuevisse se olim navigare ad insulas remotas, & navigabatur pellibus luporum marinorum inflatis. Ita ut non desint indicia, mare meridionale navigatum fuisse, antequam Hispani illuc venissent. Et liceat suspicari novum orbem habitari cœpisse ab hominibus, qui à tempestatibus, & Aquilonibus in eum fuerint abrepti, quemadmodum demum factum est nostris temporibus. Et serio animadvertendum etiam, res naturales maximi momenti, maximam partem, magis casu repertas sine proposito, quam hominum industria aut diligentia: maxima pars herbarum salutarium, lapidum, plantarum, metallorum, unionum, auri, magnetis, ambari, adamantis & similium rerum: earumq; proprietates & facultates ususque magis innotuerunt per accidentia & casu, quam arte & industria humana, ut appareat laudem & gloriam tantum mirabilem, attribuendam esse magis divinæ providentiæ Creatoris, quam ingenio hominum. Nam quæ nobis casu videntur fieri, Deus ex proposito ordinat.

18. Concludo itaque, (inquit Acoſta cap.

20.) esse probabile opinari, primos incolas in Americam naufragio & tempestate maris actos.

19. Sed offert se hîc difficultas, quæ me valde exercet, nimirum, licet demus, homines per mare venisse ad terras tam remotas, & ab iis nationes multiplicatas, quas videmus; verum de bestiis, quæ nascuntur in novo orbe multæ & grandes, non video quomodo aggressi fuerint illas in naves imponere & per mare vehere in Americam. Ratio est, quia cogimur dicere homines Americanos venisse ex Europa aut Asia, ne contradicamus S. Scripturæ, quæ manifesto docet, omnes homines descendere ab Adamo, itaque non potest dari alia origo Americanis. Et quum eadem divina Scriptura dicat, omnes bestias & animalia terræ perisse, præter illa quæ in Arca fuerunt conservata: necessarium quoque, propagationẽ eorundem animalium deducere ab iis quæ ex Arca prodierunt, in montibus Ararat, ubi illa constitit.

ANNOTATIO.

E St itaque hæc hypothesis necessaria, quam qui divinæ Scripturæ credunt, in dubium vocare non possunt; omne genus humanum, omniaq; animantia terrestria, denuo in orbe universo propagata fuisse, ab illis homi-

nibus & animalibus quæ Deus in Arca Noachi voluit superesse diluvio. Et sane hæc hypothesis indaginem hujus quæstionis reddit duplo difficiliorem: è qua non facile nos expediemus, nisi terrestris via inveniatur aut saltem angusto freto diremta.

20. Quare necessarium est viam reperire non minus per quam bestiarum, quam per quam homines è nostro orbe in novum venerint.

21. S. Augustinus tractans hanc quæstionem, (lib. 16. de Civit. Dei cap. 7.) quomodo in quibusdam insulis reperiantur lupi, tigres, & aliarum ferarum, quæ hominibus nulli usui sunt; nam elephantes, equos, boves, canes & animalia alia quæ hominibus serviunt, non est difficile credere; industria humana esse traducta per mare in navibus, quemadmodum hodie videmus ex oriente in Europam, & ex Europa in Peruviam tam prolixa navigatione fieri: verum animalia quæ nulli usui serviunt, sed potius damnosa sunt, ut sunt lupi, quomodo venerint in insulas, si verum sit, uti est, diluvium totam terram obruisse. Tractans hanc quæstionem sanctus & doctissimus Vir conatur se expedire ex hisce angustiis dicendo; ejusmodi bestias transisse ad insulas, aut aliquem venationis cupiditate traduxisse, aut Dei ordinatione, terram jussam illa producere, quemadmodum in prima creatione Deus dixit:

xit: Producat terra animam viventem in suo genere, jumenta & animalia reptantia & feras campestres secundum suas species.

22. Verum si applicemus hanc solutionem ad nostrum propositum, magis impeditur negotium. Nam incipiendo à postremo, non est conveniens ordini naturali, neque conforme gubernationi à Deo constitutæ, animalia perfecta, qualia leones, tigres, lupi, producantur è terra sine generatione. Eo modo producuntur ranæ, glires & apes, & alia animalia imperfecta. Sed quare Scriptura sacra ita particulatim dicit; Accipies de omnibus animalibus & avibus cœli septem & septem, mares & fæminas, ut generatio earum serve-
tur super terram, si mundus post diluvium illas habiturus erat per novum modum productionis extra conjunctionem maris & fæmel-
læ? & adhuc alia quæstio superest, si secundum hanc opinionem terrâ nata fuerunt ejus-
modi animalia, cur non reperiantur in omni-
bus terris & insulis? quia jam non considera-
tur ordo naturalis multiplicandi, sed sola libe-
ralitas Creatoris.

ANNO TATIO.

REcte rejicit hanc solutionem, sed cur ranas aut mures numeret inter animalia imperfecta, non video, quum certum sit hæc

ordinario more & coire & gestare & parere: illas quidem ut pisces; hos vero ut alia animalia terrestria.

23. Traducta fuisse ejusmodi animalia ad venatum, (quæ est altera responsio) non puto incredibile, quia millicies videmus Principes & magnates magnificentia tantum causa alere in caveis leones, urfos & alias feras, præsertim quum à longinquis regionibus sunt petita. Verum credere de lupis & vulpibus, & de aliis ejusmodi animalibus vilibus & inutilibus, quæque tantum faciunt ad damnum inferendum pecoribus, ad venatum accersita esse per mare, omnino caret ratione. Quis sibi persuadeat, hominibus navigatione tam longinqua studuisse in Peruviam ducere vulpes, maxime eas quas vocant Annas, genus tam obscænum & fatidum quam unquam viderim? Quis dicat traduxisse leones & tigrides? Difficillimum & mirabile fuerit homines in tam prolixo itinere tempestatibus actos, ut diximus, vitam potuisse conservare, quanto magis vehere vulpes & lupos & illos alere in mari; ridiculum fuerit illud vel imaginari. Porro si venerint per mare, solum restat ut tranaverint. Id possibile est & facile, quantum ad insulas quæ parum distant ab aliis aut à continente; consta enim experientia

cientia ejusmodi animantia dies noctesque integras aliquando in gravi necessitate natare, & tandem in terram evadere. Verum hoc intelligendum de minoribus fretis. Nam Oceanus noster rideret ejusmodi natatores, siquidem & avibus maximi volatus deficiunt alæ ad transeundum tantum abyssum. Videntur quidem aves, quæ volant centum leucas, uti sæpe navigantes conspeximus, sed totum Oceanum volando transire impossibile aut saltem difficile.

29. Hæc cum ita se habeant, quam viam aperiemus bestiis & avibus in Americam? quo pacto transire potuerunt ab uno orbe ad alterum? Hic discursus suggerit mihi grandem conjecturam, opinari novum orbem, quem vocamus Indias, non esse omnino divisum & diremtum ab altero orbe. Et ut meam opinionem proferam, credo jam diu, utramque terram alicubi conjungi, aut saltem valde vicinas esse. Haftenus saltem non liquet contrarium.

ANNOTATIO.

HÆc sane via insistenda est ad homines & animalia terrestria in vastam hanc continentem introducendum: de avibus non est quod solliciti simus. Nam ut navigationibus sive ex instituto sive casu aliquid tribuamus; illis vijs tanta hominum multitudo propagari

non potuit; neque quadrupedum variæ species in illas regiones traduci: neq; antiquioribus seculis tam visitate navigatum fuisse comperrimus. A Tyriis & Sidoniis & ab eorum colonis Pænis hæc industria cœpit & successu temporis crevit.

25. Nam versus polum Arcticum, quæ vocant Septemtriones, non est detecta aut cognita tota longitudo terræ, & non desunt multi, qui affirmant supra Floridam terrarum latissimè patere ad Arctum & pertingere ad mare Scythicum aut etiam ad Germanicum.

A N N O T A T I O.

QVo usque orarum ductus ab Cornu Floridæ cui Cuba objacet, versus Arctum portendat, multorum navigationibus jam factum cognitū est; & superioribus annis, Anglorum imprimis industria & diligentia, atuit Continente septemtrionalem Americæ, illam regione, nullo freto divisam esse, per quod Asiam penetrari possit (quod quærebatur imprimis) sed conjunctas esse terras illas omnino utcunque vasti Sinus in illas incurrant, & continentem multis locis magno intervallo separarent. Sed hoc simul experientia docuit, illas regiones tanto frigore aduri, tam alta nive frangitur omnibus anni tempestatibus opprimi, ut nemo nisi difficillimus ea parte transitus imaginari possit.

possit. Ad hæc jam satis exploratum omnem
eam regionem, & imprimis Gronlandiam,
quæ proxime ad Europam accedit, satis lato
spatio divisam esse ab extremo Norwegiæ, qua
tissime ad mare Germanicum patet, promon-
torio, quod vocant *de Northcaap*, ut omnino
conjunctio, magno citra polum Arctoum gy-
ro, apud Cathayam, & extra circulum Arcti-
cum sit quærenda. Atque hæc via mihi semper
maxime proclivis, neque difficilis visa, atque
ideo compendiosa; si animadvertamus ubi
Arca Noæ constiterit, ubi primi illi gentium
propagatores habitarent, unde ad orbem ha-
bitatoribus implendum fuerint profecti, quò
illos qui orienti Soli obviam ire in animum
induxerant, erat proclive proficisci: nam ma-
riam regionem inter calorem nimium & fri-
gus sectatos omnino probabile est, & aspera
quæque, atque horrida vitasse: & quum navi-
gandi scientia nondum inventa esset, terrestri
continere processisse, ubicumque mare alicujus
latitudinis erat obvium, in latera se diffu-
disse, ubi breve & angustum, ratibus aut aliis
ad miniculis quæ necessitas invenit, industria
postea auxit, trajecisse. Ab extremo autem Eu-
ropæ cornu, quod jam diximus, ad promon-
torium usque Bonæ-spei maximus abyssus
interest inter Europam atque Africam, & A-
mericam utramque.

26. Alii suggerunt, fuisse, qui navigantes secus has oras retulerint *Bacalaos* (ita vocat terras post Floridam) excurrere pœne ad finem ipsius Europæ.

ANNO TATIO.

ITa est, nam Gronlandia quæ continua est cum reliquis Americæ Septentrionalis provinciis, ex adverso respondet promontorio Arctico Europæ ad extremum limitem Lappiæ ut ante diximus, sed ibidem satis latum intervallo, an alibi propius Asiæ accedat, hoc adhuc quærimus.

27. Porro ultra Promontorium Mendocinum ad mare meridionale non magis scitur quo usque terra procedat, nisi quod omnino dicant in immensum currere.

ANNO TATIO.

HÆc demum regio est, quam verisimile est cum Asia se conjungere. Promontorium quidem *Mendocinum* (quod notum est, quod venientes à Philippinis id solent velificando adire, & deinceps secus oram cursum versus novam Hispaniam instituere) adhuc longum abest ad ora Asiæ, & Californiæ continet (nisi forte sit Insula, ut tabulæ quædam Hydrographicæ ostendant) ab illo magis magis declinat versus Corum & ad illud, non magis famosum, quam incertum, fretum Anian. tamen audiamus eos qui inquisitioni ejus op-

n dederunt, fretum illud quo magis ad Ar-
m promoveris, cò magis se cogit in angu-
s; ut maxime credibile sit è regione extremæ
iæ haud admodum latum esse & forte non
ius quam Gaditanum fretum aut Magalla-
um. Præterea multis exemplis doceri po-
t, freta successu temporis latiora fieri, æstu-
imq; littora arrodente: ita ut non liceat di-
e multa olim ita fuisse uti hodie sunt. Mul-
n ubiq; Oceanus sibi sumit, & nunc altum
uor est ubi quondã terra fuit. Quid multa?
nino mihi persuadeo, hac potissimum par-
no minibus & animantibus ad Americam
um esse factum.

28. Sed convertamus nos ad polum an-
cticon, nemo est qui sciat, ubi desinat terra,
æ jacet ultra fretum Magellanicum. Episco-
Placentiæ navis enavigato Freto retulit, se-
nper vidisse terram; idem affirmavit & gu-
rnator Fernandus Lamerus, qui tempestate
us fuerat duos aut tres gradus præter Fre-
m.

ANNOTATIO.

7 Eram hujus regionis faciem nostro-
rum navigationes tandem aperuerunt;
eto ad Austrum objacent plurimæ insulæ,
tra eas patentissimum est mare & ver-
s Austrum & versus Favonium. Nun-
am terra conjungitur aut angusto freto
dividi-

dividitur nisi versus orientem & novam Guineam, quā vocant; in Indico mari etiam plurimæ insulæ observatæ, aliæ latioribus aliæ angustioribus fretis à se invicem & à continentibus Asiæ divisæ. Proximè ad continentē Asiæ accedunt Philippinæ è regione Sinæ. Bornea & Samatra ex adverso Malaccæ. Madagascar quidem & Africæ proxima est, sed extra eam potentissimum est mare nec satis exploratum. Ita ut nullus aditus hac parte ad Americam pateat nisi per terras illas quæ fretum Lemare, ingredientibus ab Arcto, ad sinistram sunt.

29. Ita ut non sit ratio in contrarium, aut experientia, quæ destruat conjecturam meam aut opinionem, totam terram conjungi in aliqua parte, aut saltem propius accedere. Si verum est, quemadmodum mihi videtur: facile est respondere ad dubium tam difficile quod proposuimus, quomodo primi incolæ in Americam transiverint: respondebitur enim, non tam navigando per mare, quam ambulando per terram eò transivisse: idque mirando loca pedetentim, ita enim sine cura atque incoluerint jam inventas terras, aut alias quaesiverint, atque ita successu temporis impleverint Americam tot nationes, gentes & lingue.

ANNOTATIO.

Mnino necesse est ita credere, & providentiæ Creatoris hoc maxime congruum, quum universum orbem incolis impleri uerit, commodam viam reliquisse qua il-
l perficeretur. Mare navigare magis ab au-
cia hominum natum est quam ab instituto
ei, qui terram hominibus dedit uti piscibus
re: licet nusquam ejus providentia ab-

30. Adjuvant sententiam hanc quam ex-
luimus, indicia quæ se offerunt iis qui at-
te adverterint quomodo Indiæ habiten-
. Nam ubicunque reperitur insula paulo
notior à continente aut aliis insulis, qualis
muda, omnino sine incolis reperitur. Ad
allegatur, quod in nulla parte Americæ re-
tæ fuerint naves grandes, quales requirun-
ad trajiciendum patentius mare. Repe-
ntur ibidem rates, piragnæ, Canoæ, quæ
nes minores sunt lembis, quos vocamus
lupas: talibus solis utebantur Americani,
n quibus in altum provehi non poterant
e manifesto discrimine: & etiamsi grandes
ves habuissent, ignorabant usum pixidis
gneticæ, astrolabii atque quadrantis. Si
odecim dies fuissent sine conspectu terræ,
nino perire necesse fuisset. Videmus quas-
dana

dam insulas incolis Americanis frequentissimas & navigationes ipsorum usitatissimas: sed quales dixi, quas perficere poterant minori bus illis cymbis sine pixide nautica.

21. Quum Americani degentes juxta Tumbez (*vallis est in Peruvia*) primum viderent Hispanos nostros allabentes & conspicerent grandia vela expansa, navesque grandiores, stabant attoniti: & quum non possent in animum inducere esse naves, quia nunquam ejus formæ aut molis viderant, credebant primo esse rupes extantes in mari: sed cum viderent promoveri, neque absorberi, præ metu obstupescabant aliquandiu, donec animadvertenterent homines barbatos in illis discurre, tum vero crediderunt esse dæmones, aut gentem è cœlo delatam. Ex quo satis apparet quam alienum sit ab Americanis habuisse aut naves aut ullam earum cognitionem.

ANNOTATIO.

At tendat hæc Vir Clarissimus, qui è Sinicolas in Peruviam navibus adducit: consideret præterea à Lima & omni per ora illius Americæ meridionalis, ad insulas Philippinas quæ Sinis objacent, intervallum esse duarum millium & sexcentarum leucorum, neque navigationem illam hodie, veni semper secundis, tantaque navigandi indust-

min

minus quam duobus mensibus absolvi. A Philippinis ad Americam longe aliam rationem esse ineundam, cum venti intra tropicos semper sint adversi, & varii extra tropicum quaerendi sint, & longissimo gyro orae obeundæ. Ad ipsam Peruviae oram pene omnibus anni mensibus regnant venti Australes, ita ut & à Panama ad Limam longa & difficilis sit navigatio præterquam tribus ad summum mensibus.

32. Est & alia ratio quæ confirmat opinionem jam dictam, animalia nimirum illa quæ diximus, non esse credibile navibus advecta ab hominibus, quia reperiuntur quidem in Continente, non autem in Insulis, quæ distant à Continente vel quatrIdui navigatione.

33. Inquisivi hanc rem diligentissime, quia videbam sententiam meam eâ maxime confirmari, Americam, Europam, Asiam, Africam alicubi contiguas esse aut saltem vicinas. Reperiuntur in America multæ feræ, uti leones, licet neque magnitudine neque ferocia, ne colore quidem cum Africanis sint comparandi: item tigres, admodum sævæ, licet Americanis magis sint infestæ, quam Hispanis: sunt ibidem & ursi licet pauci, Iavæ & vulpes pene innumeræ. Si hæc animalia quæsieris in Insulis, Cuba, Hispaniola, Jamaica, aut Margarita, Dominicave, frustra fueris.

fueris. Accedit quod ne quidem istæ Insulæ licet amplæ & fertiles, ante Hispanorum adventum habuerint etiam alia animalia grandia, quæ usui serviunt: & jam possident innumerabiles equos, tauros, vaccas, canes, porcos: & tam excessivo numero, ut vaccæ hodie dominos non habeant, quia in immensum multiplicantur: Hispani tantum coriis eorum commercia exercent, carniû nulla cura. Canes quoque ita multiplicati sunt, ut turmatim vagentur, atque ita feroces sunt facti & sævi, ut pecori maximam cladem inferant, haud minus quam alibi lupi. Non solum autem carent feris, sed & multis avibus. Habent quidem multos Psittacos & alias quasdam aviculas quæ longe volant, verum paucas. Perdices non memini ibi vidisse aut audivisse ibi reperiri, cum sint in Peruvia: multo minus Peruviæ familiaria animalia, Guanacos & vicunnas, caprearum genus celerissimum; aut oves illas Indicas, quibus in Peruvia pro jumentis utuntur: Cum horum omnium in Continente maxima sit copia.

34. Fateor, quendam sociorum nostrorum asserere se in insula quadam vidisse tigres: verum cum quærerem quantum ista distaret à Continente, respondit sex aut octo ad summum leucas: ita ut non sit dubium tranare potuisse.

35. Ex quibus indiciis colligi potest, incolas in Americam transiisse potius terrâ quam mari; aut si ulla navigatio intercessit, non fuisse longam aut difficilem; cum revera unus orbis alteri continuus sit aut saltem aliqua parte vicinus.

ANNOTATIO.

HÆc ergo P. Iosephi Acoſtæ ſententia, quam & maxime probabilem puto, nam cæteræ viæ per mare minus ſufficientes, videntur ad tantam Continentem & Inſulas implendum. Refutat deinceps cap. 22. eorum opinionem qui volebant incolas in Americam tranſiſſe, per inſulam illam Atlanticam; de qua Plato in Timæo. Locus Platonis ita ſe habet.

Scripta enim illa narrant; quantas olim vires vestra civitas compeſcuerit; eorum hominum qui è mari Atlantico erumpentes; uno impetu vaſtitatem in univerſam Europam & Aſiam importabant: Per vium enim tunc erat Atlanticum mare. Inſulam autem in ora maris adituque ad eas anguſtias; quas vos Herculis columnas vocatis; extitiſſe. Illam vero inſulam Libya & Aſia maiorem atque ampliorem: è quia ad illas inſulas facilis eſſet trajectus: ex inſulis vero illis ad eam quoque continentem; quæ è regione ſita eſt, & in illo quidem mari; quod proprio & peculiari nomine Pontus nuncupatur: nam ad eum locum; intra

maris illius angustias, apparet portus arcto quodam
& tenui aditu: ea vero terra quæ mare illud quod
proprie Πέλαγος vocatur, cingit ambitque, vere
Continens appellatur.

Posteriora hæc in Græcis ita se habent,
Ἡ ὃ νῆσος ἁμα Λιβύης καὶ Ἀσίας μείζων,
ἐξ ἧς ὁ Περσικὸν ὄππὶ τὰς ἄλλας νήσους τοῖς τότ'
ἐνίχετο πορθομενίοις. ἐκ δὲ τῶν νήσων ὄππὶ τὴν κα-
τὰ τὴν κρὺ πᾶσαν ἡπείρον, τὴν περὶ τὴν ἀληθινὴν ἐκεί-
νον πόντον. ταῦτα μὲν γὰρ ὅσα ἐν τῷ ἑσπέρῳ
οὐ λέγομεν, φαίνεται λιμὴν σενὸν ἵνα εἰσέλθῃ
ἔχων. ἐκείνο δὲ πέλαγος ὄντως, ἥτε περιέχουσα
αὐτὸ γῆ παντελῶς ἀληθῶς, ὁρᾷται ἂν λέγοιτο
ἡπειρος. Sensus est mare illud quod extra an-
gustias illas ad columnas Herculis est vere
Pontum & Pelagus esse, quum illud quod in-
tra est potius portus angusto aditu videri pos-
sit, & vere Continentem dici universam illam
terram quæ undiquaque Pontum illum verum
ambit. Ex quo apparet antiquitus creditum,
Pontum illum verum, quem hodie Oceanum
dicimus, undique à terra ambiri, quæ vere
Continens dici debeat. Quod convenit cum
sententia Acostræ. Deinde videri ex his Anti-
quos aliquam saltem cognitionem habuisse il-
lius continentis quæ est ultra Oceanum è dire-
cto Europæ atque Africæ opposita. Comme-
morat deinde bella quæ Atheniensium mayo-
res cum insularis Atlanticæ & aliarum insula-

rum regibus gesserant. Et adjungit denique. Post autem quum terræ motuum & diluviorum intemperies extitisset, unius noctis & diei spacio, omne illud bellicosorum hominum genus in terram absorptum fuit, illaque etiam Atlantica insula maris fluctibus plane obvoluta omnino disparuit. Vnde & illud mare trajectu difficile est, quum lutum adhuc copiosum ex Insulæ illius reliquiis remanserit. Dixerat ante: τότε ὃ πρὸς ἡμᾶς ἦν τὸ κῆρ πέλαγος. nunc dicit; ἄπορον καὶ ἀδιερχόμενον γέγονε. Animadvertendum autem Critiam hæc referre à Solone accepta, narrata autem ab Ægyptio Sacerdote, facta denique ante diluvium illud quod Athenienses tempore Deucalionis & Pyrrhæ factum meminerant. Dicit ergo Ægyptius ille aliam fuisse orbis faciem ante diluvium, quam sit hodie. Nihil itaque hæc narratio, licet vera esset, nos adjuvaret, qui hominum propagationem post diluvium quærimus. Quomodo autem Acoſta opinionem illam refellat, apud ipsum requiratur.

Refellit deinceps illorum opinionem, qui è loco Esdræ libri quarti capite 13. colligebant Americanos originem traxisse à Judæis. cap. 23. Argumenta ejus in contrarium sunt hæc:

1. Hebræi usi sunt literis, inter Americanos nullum earum vestigium apparet.

G 3

2. Hebræi

2. Hebræi erant cupidi nummorum, Americani illos contemnunt.

3. Judæi si non circumciderentur, non habebant se pro Iudæis: Americani se non circumcidunt, nec hanc cærimoniam umquam usurparunt, uti multi in Æthiopia atque Oriente.

4. Judæi semper studiose conservarunt linguam & antiquitates suas, in tantum ut hodieque in omnibus partibus, quibus vivunt, ab aliis omnibus differant: quomodo fieri posset ut in sola America, obliti fuerint generis sui, legis, cæremoniarum, Messix & totius Judæismi?

Prosequitur deinde cap. 24. Quare tam difficile sit primam Americanorum originem probare. Verum, inquit, facilius est refellere quæ falsò traduntur de origine Americanorum, quam determinare veritatem. Quia inter illos non reperiuntur scripta aut certa monumenta primorum fundatorum. Et in libris eorum quibus literæ fuerunt, nullum vestigium novi orbis apparet, siquidem antiquioribus multis neque homines, neque terra, ne quidem cælum videbatur, nisi quod erat in hisce partibus: pro temerario itaque habendus, qui audeat promittere se veram originem Americanorum traditurum. Interea superficialiter & per conjecturam possumus colligere

colligere ex iis quæ dicta sunt, genus hominum paulatim commigrasse, donec pervenerit ad novum orbem, adjuvante continuitate aut vicinitate terrarum: & aliquando navigatione; & hunc ordinem procedendi fuisse; non autem classe ex instituto parata, neque magno naufragio. Quanquam & horum aliquid ex parte esse potuerit: nam quum regiones istæ amplissimæ sint & innumeræ in illis nationes; credibile est unos hoc, alios alio modo in illas terras venisse. In eo tamen potissimum acquiesco, continuitate aut vicinitate omnium terrarum factum esse ut America incolas acciperet. Persuadeo autem mihi, non esse multa millia annorum, ex quo America habitari cœpit, & eos qui primi illam sunt ingressi, fuisse potius homines silvestres & venatores, quam à Republica & politos. Et quod intrarint in novum illum orbem, quia à patria sua aberraverant, aut quia angustias patiebantur & cogebantur novas sedes quærere: quibus inventis sensim illas terras colere cœperint, non habentes legem præter paululum lucis naturalis, idque multum obscuratæ; & forte aliquas consuetudines patrias reliquas.

ANNO TATIO.

SI recte mentem Acoftæ capio, vult haud supra mille aut ad summum duo millia annorum

norum Americam habitari cœpisse. A diluvio universali non sunt nisi 3935 anni. In continente autem Americæ & in Insulis illi adjacentibus innumeræ pene repertæ fuerunt hominum Myriades. Et licet Hispanorum sævitia plurimas Myriades deleverit, (de quo videndus Bartholomæus de las Casas) tamen pleræque Continentis partes adhuc incolis sunt frequentissimæ. Quare magis persuadeor statim post dispersionem posterorum Noachi etiam in hanc orbis partem incolas venisse: adductus inter cætera mirandis illis & vastis ædificiorum molibus, de quibus authores Hispani in Mexicana; sed potissimum in Peruvia faciunt fidem.

Quamquam, inquit Acoſta, non sit incredibile, licet venissent è terris politicis & bene gubernatis, oblitos fuisse omnium tam longo tempore & exiguo usu: si quidem notum est, etiam in Hispania & Italia reperiri greges quibus præter gestum & figuram nihil humani est reliquum. Ita ut per illum modum infinita barbaries in novo mundo obtinuerit cap. 25. Intelligere ea quæ ipsi Americani de suis principiis & origine solent narrare, non est magni momenti, siquidem magis somnia videntur, quam historiæ. Communiter viget inter illos grandis notitia & plurimus sermo de diluvio; verum non bene determinari potest,

est, utrum diluvium de quo loquuntur sit universale cuius S. Scriptura meminit, an aliquod aliud particulare diluvium seu inundatio illarum regionum in quibus ipsi habitabant: præsertim quum quidam viri experientia singulari dicant, ibidem clara signa videri alicujus magnæ inundationis. Magis accedo ad illorum sententiam, qui putant vestigia & signa diluvii, non esse ejus quod tempore Noachi accidit, sed alicujus particularis, quale id quod prodit Plato, aut Deucalionis de quo Poetæ.

ANNOTATIO.

NON video cur Americani non potuerint habere aliquam obscuram memoriam diluvii universalis: nam si viris doctis credimus, quæcunque Poetæ & alii Scriptores Græci de diluvio Deucalionis scripserunt, ea quoque ex obscura notitia illius universalis manarunt, quam ipsi suis fabulis inquinaverunt. Quamquam haud ignorem etiam grandes inundationes in variis partibus postea fuisse.

Quomodocunque se res habeat, inquit Acosta, dicunt Americani, illo suo diluvio omnes homines fuisse deletos, narrantque è grandi lacu Titicaca prodiisse Viracocham, qui sedem fixerit in Tiaguanaco, ubi adhuc visuntur ruine & rudera antiquorum & mirabilium ædificiorum, atque inde transiisse ad oppidum

G 5 Cusco,

Cusco, & ita genus humanum denuo cœpisse multiplicari. Ostendunt in eodem lacu parvam insulam, in qua Sol se abscondit & servavit, & propterea antiquitus ipsi ibidem immolabant non modo oves, sed & homines. Alii narrant è quadam specu per fenestram exsiliisse sex aut nescio quot, homines, eosque initium dedisse generi humano, in loco qui ob eam causam ipsis *Pacari Tampo* dicitur. Atque ideo opinantur *Tambos* antiquissimos hominum esse. Hinc ajunt ortum *Mangocapam* quem authorem & caput Ingarum agnoscunt & ab eo duas familias ortas, unam Hanar Cuzco, alteram Vrincuzco. Referunt reges Ingas, quum bellum inferrent & plures provincias subjugarent, hanc rationem attulisse omnes gentes illis obsequium debere, quia ex suo genere & patria totus mundus erat restitutus. Et quod ipsis revelata erat è cœlo vera religio & cultus. Et quid opus plura addere siquidem omnia scatent mendacio & carent ratione?

A N N O T A T I O.

Quamquam hæc fabulis anilibus sint inquina-
 nata, ostendunt tamen illos obscuram
 quandam diluvii cognitionem habuisse; &
 ne Græci quidem melius de diluvio sunt com-
 menti. Nam qui sex aut plures è quadam
 specu

pecu prodiisse asserunt, haud longe abeunt
b historia, nisi quod malè applicant ad suas
erras. Idem & à Græcis factum: quare multi
redunt Deucalionis diluvium Græciæ pecu-
are fuisse: in quo eos falli credo.

Homines docti, inquit Acoſta, affirmant
& ſcribunt, omnia monumenta & relationes
americanorum, non ascendere ſupra quadrin-
entos annos, ſuperiora eſſe meras tenebras,
quibus nihil certi poteſt erui. Neque mi-
um hoc videri poteſt: nam cum deſtituantur
bris & Scriptura, cujus loco habent ſibi fa-
miliares Quipocamayos, multum & difficile
ſt, quod quadringentorum annorum ratio-
em poſſunt reddere. Quum diligenter inqui-
erem in ipſorum originem, & ex ipſis quæ-
erem, è quibus terris & à qua gente, in il-
um regionem veniſſent, in qua agunt, tan-
um abſuit ut mihi rationem redderent, ut
lane profiterentur, ſe in illo novo orbe crea-
os; quod aliter ipſis perſuaſi ex noſtra fide,
uæ docet omnes homines ab uno deſcende-
e. Conjecturæ ſunt admodum claræ, illos
iu vixiſſe ſine Regibus aut Republica juncta,
ed egiſſe per vicos ut hodie Floridani, &
Chiriguanæ & Braſilienſes, aliæque multæ
ationes, quæ non parent Regibus, ſed oc-
aſione aliqua pacis aut belli, eligunt ſibi du-
es. Verum ſucceſſu temporis aliqui qui aut
viribus

viribus aut industria cæteros anteibant, cœperunt dominari & imperare, ut antiquitus Nembroth: & sensim augmentum accipientes, fundarunt regna Peru & Mexico, quæ nostri Hispani invenerunt: utrique autem Peruviani & Mexicani licet & ipsi barbari essent, præcellebant tamen multum cæteris nationibus.

*Sententia MARCI LESCARTOTI in
Historia Novæ Franciæ lib. I. c. III.*

SCio multos postquam terræ novi orbis quas appellamus Indiam Occidentalem essent inventæ exercuisse se in inquirendo, per quas vias, hæ terræ incolas post diluvium acceperint; quod eo difficilius est, quia ab uno polo ad alterum orbis iste disjunctus est à nostro, patentissimo mari, ita ut non videantur homines aut potuisse aut ausi fuisse illud transire ante posteriora hæc sæcula: saltem non extat ulla ejus rei mentio in libris & monumentis quæ antiquitas nobis reliquit.

PRIMA OPINIO.

QUidam usi sunt quibusdam prophetiis & revelationibus è Sacra Scriptura arreptis ut docerent, quidam Hispanos, alii Judæos ad incolendum hunc novum orbem venisse.

ANNOS

ANNOTATIO.

Citat primò locum Abdiæ, qui in Vet.
 Translat. ita se habet: *Et transmigratio ex-*
eritus hujus filiorum Israel omnia loca Cananeo-
rum, usque ad Sareptam & transmigratio Ierusalem
in Bosphoro est, possidebit civitates Austri. An-
 notant aut Sareptam positum pro Zarphat; &
 esse Galliam. Et Bosphorum pro Sepharad, id
 est Hispania. Josephus de Acosta lib. i. cap. 15.
 Non desunt, inquit, qui affirmant, ante in
 divinis literis esse prædictum novum orbem
 conversum iri ad Christum, idque per Hi-
 spanos: & citant ad hoc propositum prophe-
 tiam Abdiæ sub finem: Et transmigratio &c.
 Et citat in hunc finem, Guid. Boderianum
 ex epistol. ad Philipum Catholicum Reg. in
 Quinto Tom. Sac. Bibl. & Zumarragam in
 Hispan. Histor. Guido autem Fabritius hoc
 tantum dicit: Ex universi orbis terrarum
 nationibus duas tantummodo gentes divinus
 spiritus in Abdiæ vaticinio commemoravit,
 quibus potissimum uteretur ad exterarum quas-
 que nationes Austri in ordinem sub se redi-
 gendas, Gallicam sc. & Hispanicam, ut ex se-
 quentibus Abdiæ verbis constat: Et transmi-
 gratio exercitus hujus filiorum Israël, qui Ca-
 nanæi sunt (hoc est, humiliati & mercimo-
 niis addicti) usque in T Z A R P H A T H
 Galliam

Galliam & transmigrationem Ierusalem, quæ est in SETHARAD, Hispania, possidebunt civitates Austri. Zamarragam videre non licuit: sed Boderianus nihil de Gentium Americanarum conversione: quare & Acoft recte auctoritatem hujus testimonii rejicit, quanquam concedat haud dubio in S. Scriptura prædictiones reperiri de toto orbe novæ etiam convertendo ad Christum. Videat tamen caput qui volet. De locis è IV Ezdræ jam supra dictum à Clariss. Grotio. Sed D. Lescarbotus hîc male confundit conversionem Americanorum cum prima eorumdem origine. Supra autem jam ostendimus non esse vero abfimile ex Hispania jam ante multa sæcula & antequam Christi fidem fuissent amplexi, incolas in Americam venisse.

SECUNDA OPINIO.

ALii, inquit Lescarbotus, opinati sunt progeniem esse Chami eò deductam per Dei punitionem, quum Josua inciperet intrare in terram Chanaan & possessionem illius accipere; S. Scriptura testante, incolas ejus fuisse attonitos ut animo deficerent: & potuit fieri ut majores Americanorum, Israelitis fugati ascenderint naves, & à tempestatibus acti ejecti fuerint in Americam. Quod confirmari videtur ab eo quod scribitur

tum est in lib. Sapientiæ qui dicitur Salomonis, nimirum Chananæos ante adventum israelitarum in ipsorum provincias, fuisse Anthropophagos, quemadmodum plurimi sunt in America.

ANNOTATIO.

Citat Sapien. cap. 12. v. 4. & 5. ubi dicitur; & liberorum occisores immisericordes & viscera comedentes humanarum carum. De immolatione quidem liberorum neminit Dei verbum, nusquam autem de sui carnium aut viscerum humanorum. Sed quomodo Chananæi, ut maxime se mari commisitissent, potuerunt expelli in Americam? totum mare mediterraneum enavigandum erat, & angustia inter columnas Herculis superandæ, & tum denique Oceanus penetrandus. Id vero nullam habet verisimilitudinem. Si ad oram Atlantici Oceani habitassent, aliquid fidei mereretur hæc conjectura. Nec opus est Anthropophagos è Cananæa accersere, etiam in Æthiopia produntur à Plinio lib. vi. cap. 30. item in Scythia lib. iv. c. 12. & in eadem usque ad promontorium Tabin lib. vi. cap. 17. & alibi in eadem lib. vii. c. 2. Facilius autem terrestri itinere è Scythia Anthropophagos in Americam introduxeris; ut hoc etiam non leve indicium sit è Scythia incolas

colas in Americam transivisse, licet jam longius ab origine reperiantur, quod minime mirum si transmigrations gentium temporum successu factas animadvertamus.

Et ut illos, inquit Lescarbotus, adhuc porro juvem, adjungo multos Americanorum saltare super ignes, quum dæmones suos invocant, quemadmodum & Chananæi faciebant.

ANNO TATIO.

Sed sunt rationes magis probabiles quæ hæc; inter quas, non videntur à veritate aberrare, qui dicunt, quosdam nautas, mercatoresque peregrinantes, tempestate aliquorum correptos in mari, cui non poterant resistere fuisse abreptos ad has terras & que ibidem naufragium fecisse; & cum peritus nudi essent & omnium rerum egeni, contracti fuerunt venatu & piscatura vitam tolerare, & se amicare pellibus ferarum captarum qui aliquo modo repleverint illas terras (nunc fere tantum ora maritima & ripæ fluminum habitantur, saltem in illis partibus quæ Gallia ex adverso respondent) & licet antebuissent aliquam Dei cognitionem, ea sensim evanuit, institutorum inopia, quemadmodum & in multis partibus nostri orbis diluvium factum videmus. Et plurima ei

modi casu facta tam ab Oriente, quam Meri-
 die atque Arcto, & intermediis regionibus,
 potuerunt parti illi occidentali incolas dare.
 Quæ res non est sine exemplo, etiam familia-
 ri & domestico. Nam anno 1598. Marchio
 de la Roche Brito Armoricus, quum in ani-
 mum induxisset colonias in Novam Fran-
 ciam deducere, permissu Regis, duxit nume-
 rum hominum secum, quos (quia ignora-
 bat adhuc regionum situm) exposuit in In-
 sulam *de Sable*, quæ sita est XX leuc. à pro-
 montorio Britonum versus Africum: ad lati-
 tudinem XLIV graduum. Ipse autem pro-
 fectus est ad inspiciendum vicinas terras &
 gentium mores & aliquem opportunum por-
 tum investigandum. Inde revertens vento ad-
 verso ita fuit abreptus ut in Galliam redire
 cogeretur: Captusque à Duce de Mercure
 suos per quinquennium destituit, qui toto eo
 tempore piscibus vitam tolerarunt & lacte
 quarundam vaccarum quæ illò ductæ fue-
 rant tempore Francisci I Regis, à Barone
de Leri &c. qui Vir magni animi eò colonias
 deducere tentaverat, sed quum nimis diu in
 mari oberrasset, coactus fuit vaccas, porcos
 ibidem exponere. Rex demum præcepit suis
 qui piscatum exhibant ad Terram novam, reli-
 ctos illos à Marchione reducere; qui circiter
 duodecim è numero quadraginta aut quin-
 H quaginta

quaginta superstites reduxerunt in Galliam vestitos pellibus luporum marinorum. En quo pacto barbaræ illæ gentes potuerint propagari & multiplicari. Nam si illi ibidem fuissent relictæ cum fœminis, ipsi aut ipsorum posteræ sensim similes facti fuissent populis Novæ Franciæ & cognitionem Dei amisissent. Et possem hoc loco exclamare cum Apostolo; *O profundas divitias sapientiæ & scientiæ Dei! quam incomprehensibilia sunt judicia ejus & investigabiles viæ ejus! quis enim cognovit sensum Domini? aut quis consiliarius ejus fuit?* Si quis objiciat contra ea quæ jam dixi, id non potuisse fieri, quia inusitatum est fœminas secum ducere in navigationes. Respondebo, id quidem hodie dici posse, sed superioribus seculis rem aliter se habuisse quibus fœminæ erant fortiores, & audaciæ masculæ: quum hodie deliciæ utrumque sexum degenerem fecerint. Et tamen adhuc videmus fœminas sequi maritos suos in mari. Et una suffecerit ad mundum implendum, quemadmodum videmus ab una prima matre totum genus humanum fluxisse.

Verum ut redeam ad institutum, habeo aliud argumentum, quo doceri potest, eas gentes casu ad illas terras venisse, ut diximus & ortas esse ab aliqua gente, quæ instructa fuerit è lege divina. Id est, cum Poutin
courtius

ourtius quodam tempore sermones fereret
um Capitano barbarorum, cui nomen erat
Choudun, de nostra fide & religione, respon-
dit ille de diluvio; se jam à multo tempore
vidisse, antiquitus vixisse homines scelera-
tos, qui omnes excisi fuerint, & meliores in
eorum successisse locum. Et opinio de dilu-
vio non tantum reperitur in Nova Francia, in
qua nos vivimus; sed etiam inter Peruvia in-
colas, qui (ut narrat Josephus de Acosta) lo-
quuntur de diluvio, quod acciderit in suis re-
gionibus, quod omnes homines deleverit, &
ex grandi lacu Titicaca prodiisse Viracocham
(qui est maximus inter illos Deus, quemque
adorant cœlum suspicientes, ut creatorem
omnium rerum) & Viracocha iste substitit
Tiaguenaci, ubi adhuc hodie visuntur rui-
nae & reliquiae antiquorum & admirandorum
aëdificiorum. Inde adiit Cusum. Ad hunc
modum genus humanum denuo cœpit multi-
plicari.

ANNO TATIO.

DE hac opinione diximus ad sententiam
Acoſte. Non autem apud hos solum bar-
baros, qui hic nominantur, sed apud plures
alios inventa fuit qualiscunque memoria dilu-
vii universalis, sed secundum ipsorum inge-
nium tot fabulis inquinata, ut somnium vide-
ri posset.

- QVARTA OPINIO.

NOlo tamen negare etiam alia via incolis impletam fuisse Americam, nimirum homines multiplicantes super terram & continue se extendentes, ut hic factum videmus, probabile est tandem has maximas regiones attigisse, sive per Orientem, sive per Septentriones, sive per utrumque. Credo enim omnes partes continentis concatenatas esse aut saltem, si intersit aliquod fretum, ut illud de Anian aut Magellanicum; illud homines facile potuisse transire. Sed potissimum nos suspendit transitus animalium. Sed dici potest facillimum fuisse traducere minora, majora autem per se possunt freta transnare: quemadmodum verisimile est Alces ex Europa Septentrionali transisse ad Labrador, ad Canadam & provinciam Souriquosiorum per Arctoam plagam; scimus enim illas non vereri transnare sinus maris, ut compendium itineris faciant. Et legimus in prima navigatione Jacobi Quarterii Vrsos facillime transnare quatuordecim leucarum mare: cum viderit unum transnare mare quod est inter continentem & insulam Avium.

. ANNO

ANNOTATIO.

HÆc opinio mihi maximè probatur, licet neque superiorem omnino rejiciendam putem. Et attuli ante rationes quæ persuadent ad hanc viam potissimum insiltendam.

QVINTA OPINIO.

VErum quum intelligam barbaros illos per traditionem à majoribus accepisse obscuram aliquam notitiam diluvii, venit in mentem alia conjectura, quæ ab aliis nondum fuit proposita. Nam quid impedit credere Nothum, quum annos trecentos quinquaginta iuxerit post diluvium, sollicitum fuisse & operam dedisse ut regiones illæ incolas acciperent vel potius reciperent? Estne credibile illum tam longo tempore nihil magni & memorabilis suscepisse? Qui tantus erat architectus & navita, ignorabat artem fabricandi atque navigium (nam ipsius constiterat in montibus Ararat, id est in magna Armenia) ut terre desolationi succurreret? Qui habuit cognitionem mille rerum quæ nos ignoramus per traditionem scientiarum à primo nostro parente, cuius filios videre potuit, ignorabatne terras illas occidentales, in quibus forte natus erat? Certe omnino præsumendum est eum qui habuit ei Spiritum, & qui per electionem cœlestem

restabilire debebat genus humanum, habuisse etiam notitiam, (saltem ex fama) harum regionum; ad quas haud difficilius illi fuit navigare, quam Italiae incolas dare & venire ad extremo limite maris Mediterranei ad Tiberim & construere suum Ianiculum, si prophetae historiae verum dicunt, & mille ratione suadent illis credere. In quacunque enim orbis parte erat inter suos liberos. Non fuit illi inquam, difficilius à freto Gaditano navigare in Novam Franciam, aut à Promontorio Viridi in Brasiliam, quam filiis illius adire Iamnam aut Iapan nomen dare: aut Regi Salomoni navigationes trium annorum institueri quippe inter eruditissimos nostri seculi sunt inter eos Franciscus Vatablus qui iudicentius classem fuisse in Peruvia, unde tanta auri copiam deduxit & quidem perfectissimum. Quod si (re ita praesupposita) In occidentales non conservarant sacrum depositum cognitionis Dei, & instituta pulchra quae illis potuit relinquere, advertendum nostri quidem orbis incolas melius fecisse. Summa haec conjectura nititur tam bonis, imo melioribus rationibus quam praecedentes. Igitur cum hujus rei levis fama ad ipsum pervenisset, de ea disseruit ad suorum modum commemorans grandem illam Insulam Atlantida, quam non videbat, aut ullum quod

illa venerat suo tempore, grandi diluvio mari fuisse haustam in suo Timæo. Et post ipsum Ælianus in tertio lib. Histor. diversarum narrat rem pene similem, licet ipse fabulam putet: *nimirum, secundum Theopompum, grandem familiaritatem quondam fuisse inter Midam Phryga & Silenum. Hic Silenus erat filius cujusdam Nymphae. Postquam multa inter se differuissent, adjecit Silenus, Europam, Asiam & Lybiam esse Insulas Oceano circumfusas, sed esse Continentem quandam extra hunc orbem infinitæ magnitudinis quæ nutriet grandia animalia, & homines duplo majores & longæviores quam nostri sint: ibidem esse magnas civitates, diversa vitæ instituta, & leges nostris contrarias. Adjecit hanc terram possidere grandem vim auri & argenti, ita ut inter illos populos minoris precii sit quam apud nos ferrum &c.* Qui hæc attentè consideraverit, deprehendet non esse penitus fabulosam: & concludet primis seculis homines habuisse notitiam Americæ, & aliarum terrarum & continentium, & prolixitate navigationis deterritos eo proficisci, hanc notitiam evanuisse & non nisi obscuram famam remansisse. Nam Plinius ipse (lib. 2. cap. 16.) queritur suo tempore homines fuisse enervatos, & navigationem usque adeo refriguisse, ut non amplius periti navigandi reperirentur, ita ut oræ terrarum melius cognoscerentur è scriptis eorum qui numquam illas viderant,

quam è dictis eorum qui illas habitabant. Non amplius, inquit, curæ est quærere novas terras, neque conservare notitiam earum quæ jam sunt inventæ, licet pace tam festa, & mari tam aperto & aperiante portus suos quibusvis. Ita Insulæ fortunatæ (quæ sunt Canariæ) quum proximis diluvio sæculis notissimæ fuissent & frequentatæ, ista notitia periit hominum negligentia, donec nobilis Picardus Wilhelmus Betancourtius illas denuo detegeret superiori sæculo, ut postea dicemus. Postremum argumentum sit ejus quod dixi per probabilem conjecturam, superioribus sæculis notas fuisse terras Occidentales ultra Oceanum, quod veteres Poetæ cecinerunt de Hesperidibus, quas collocant ad occasum Solis, id meliori jure accipi posse de India Occidentali quam de Canariis aut Gorgonum insulis. Nam idem Plinius (lib. 6, cap. 31.) recitat, in re valde obscura, Statium Sebosum quadraginta diebus ab insulis Gorgonum (quæ sunt Promontorii viridis) navigasse ad Hesperides. Non autem opus est quadraginta diebus, sed tantum septem aut octo, ad navigandum à Gorgonum Insulis ad Fortunatas (ubi quidam locant Hesperides) cum tantum ducentæ leucae intersint. Quare concludo Hesperides haud alias esse quam Cubam, Hispaniolam & vicinas alias in Freto Mexicano. Quod at-

tinet

tinet ad draconem, qui dicebatur custodire aurea poma Hesperidum & nemini aditum patere, veteres voluerunt significare freta quæ serpentino gyro insulas illas interluunt, plures naves perdidisse; ita ut desitum sit ea navigare. Herculem ibi fuisse, haud alienum fuerit ab ejus virtute.

ANNO TATIO.

HÆc opinio quæ Lescarboto tantopere placuit, valde paradoxa est, nititurque rationibus admodum debilibus; neque operæpretium puto quæ de Noacho hîc dicuntur operosè refellere. Cum Mida familiaritatem contrahat necesse est, qui illis frustra credat. De Canariis, Gorgonum insulis & Hesperidibus jam supra diximus ad locum Plinii. Sed hoc addendum Plinium illo loco manifeste distinguere inter Insulas Gorgonum & Hesperidas, itemque inter utrasque has & Fortunatas. Debuisset autem animadvertere Lescarbotus, Sebosum prodidisse tantum unius diei iter ab Hesperidum insulis ad Hesperion Ceras: quod de insulis illis Americanis neutiquam intelligi potest: sed de promontorio Africæ & Insulis Africæ seu Mauritanix adjacentibus. Quemadmodum & illud advertere oportuit, quod dicit, Sebosum à Gorgonum insulis prænavigatione Atlantis dierum

ad Hesperidum insulas cursum prodidisse :
 autem cursum intendas ab insulis Gorgonum
 ad Hispaniolam aut Cubam , non Atlas præ-
 navigandus , sed immenso intervallo post ter-
 gum relinquendus fuerit. Hic mera est Hy-
 drographiæ ignorantia. Neque Plinius plu-
 res Hesperidum insulas tradit quam duas. Se-
 mittamus hæc.

Sententia EDWARDI BREREWOOD
Angli in disquisitione Linguarum
& Religionum.

EDwardus Brerewoodus Anglus inqu-
 rens in diversitatem linguarum & Re-
 gionum , cap. 13. agens de Judaismo , cu-
 enumerasset regiones in quas dispersus rep-
 ritur , ita pergit. Verum, præter has & ali-
 dispersiones nationis Judaicæ , quæ alibi
 Orbe esse possunt , est & quædam phanta-
 doctorum hominum , haud indigna anima-
 versione; Tartaros Scythiæ, qui circa annu-
 1200 aut paulo ante, primum eo nomine i-
 notuerunt, & hodieque magnam partem A-
 imperio complectuntur , Israelitarum e-
 progeniem ; videlicet decem illarum Tri-
 buum, quæ à Salmanazare & illius prædec-
 soribus captivæ abductæ fuerunt in Assyria
 (citatur Postell. Descript. Syriæ c. 1. Genebrac.

Chro-

Chron. lib. 1. Boterum Relat. part. 1. lib. 2. cap. ultima parte de la Tartar. & part. 3. lib. 2. c. de Guidei.) Quæ cum sit, uti dixi, non nisi vana phantasia, nihilominus placuit quibusdam doctis & industriis viris: ratio autem & authoritas producuntur ad confirmandum. Nam primo allegatur vocem Tatari aut Totari (nam ita reuera appellantur, ut viri Eruditi observant, & non Tartari, Leunclav. in Pandect. Histor. Turcic.) significat in Syriaca & Hebraica lingua Reliquum aut reliquias, quales Tartari præsupponuntur esse è decem Tribubus. Secundo, quia (ut patroni hujus commenti dicunt) semper circumcisionem (antiquum characterem Judaismi) sunt amplexi. Et tertio, authoritas Esdræ (è quo fonte existimo hanc opinionem emanasse) allegatur, 4. Esd. cap. 13. vers. 40. & seq. *Hæ sunt decem tribus captivæ abductæ è terra sua diebus Hoschebæ Regis, quem captivum abduxit Salmanasar Rex Assyriorum; quæ deportatæ cis flumen postea translatae sunt in terram aliam. Ipsi autem ceperunt hoc consilium, ut dereliquerent multitudinem gentium, profecti in ulteriorem regionem ubi nunquam humanum genus habitavit, & ibi observarent legitima statuta sua, quæ non observaverant in regione sua. Per introitus autem fluminis Euphratis angustos introierunt (fecit enim eis tunc Altissimus signa, sistens venas fluminis usque dum transivissent)*

viſſent) Et in eam regionem peruenturis fuit via magna iter anni unius & dimidii: regio autem illa vocatur Harſcareth.

Sed ad primum poſſum reſpondere, Tartaros id nomen obtinuiſſe neque ab Hebraico neque à Syriaco etymo, ſed à fluvio Tartar, inquit Leunclav. in Pandect. Hiſtor. Turcic. §. Boem. de morib. gent. lib. 2. cap. 10. Haitt. lib. de Tartaris cap. 16. Aut etiam à regione, ut ait Haito; in qua præcipui eorum antiquitus habitarunt. Secundò nomen חותר aut חצתר in Hebr. aut Syr. ſignificans reſiduum aut reliquias, non niſi male (uti videtur) applicari poteſt Tartaris in relatione ad Iſraelitas, quos multitudine ſupra modum ſuperant, ſiquidem occupant mediam partem vultæ Continentis Aſiæ, aut circiter. Nam nationes omnes à magnis fluminibus *Volga* & *Obii*, ad ortum & à Caſpio mari ad fluvium Oxion, regiones Indiæ & Chinæ verſus Septentriones ſub nomine Tartarorum comprehenduntur: & tamen etiam extra hos fines multi ſunt Tartari tam verſus Occidentem quam verſus Auſtrum. Et quid ſi innumera- biles populi & tam multæ nationes, quas ſci- mus vaſtam Americæ continentem inhabitare, ſint ab eadem origine? Certe, niſi fallor, non ſunt ab alia. Nam primo originem illarum accerſendam eſſe ex Aſia liquet, quia
(ut

(ut ii qui legerint relationes & historias Iap-
 um Americæ regionum facile observabunt)
 nullum habent gustum aut similitudinem ar-
 tium, eruditionis, aut civitatis Europæorum:
 & illorum color testatur non esse illos ex A-
 fricanorum progenie (non enim in tam vasta
 Continente fuerunt reperti ulli Æthiopes, ex-
 ceptis paucis juxta fluvium S. Marthæ, in exi-
 gua provincia Quarequa, qui vi tempestatum
 creduntur eo ejecti ex partibus Guineæ aut Æ-
 thiopiæ.) Quare videntur originem habere ex
 Asia. Quod adhuc magis credibile apparebit, si
 observetur, quod Hispanorum navigationibus
 verum esse constat, Occidentalem partem A-
 mericæ quæ Asiam respicit, magis frequentem
 esse incolis, quam opposita aut orientalis est
 quæ adspicit Europam. Et quemadmodum ob
 hanc rationem valde verisimile est, Americam
 primas suas incolas accepisse ab orientali limi-
 te Asiæ: ita omnino improbabile est, illos acce-
 pisse ab alia parte illius limitis, præterquam è
 Tartaria. Quia in America non observantur ul-
 la indicia artium & industriæ aut Chinæ aut
 Indiæ aut Catajæ, aut alterius civilis regionis,
 ad omnem oram Asiæ: sed contra in crassa
 ignorantia literarum & artium, in Idolola-
 tria & speciebus illius, in incivilitate morum,
 & multis barbaris proprietatibus, referunt an-
 tiquos & rudes Tartaros, supra omnes nationes
 universi.

universi. Quam meam opinionem, de origine Americanorum à Tartaris potius quam ab alia ulla natione orarum Asiæ, præter vicinitatem Asiæ cum America, hæc ratio supra alias optime potest confirmare: quia certum est, Aquilonarem partem Asiæ possessam à Tartaris, esse si non continuam cum America, quod adhuc nonnihil dubitatur, saltem sine ullo dubio, omnium minime discretam esse per mare; quia has partes Asiæ & Americæ aut continuas, aut saltem distinctas angusto canali Oceani esse, ostendunt rapaces & damnosæ feræ, quibus America abundat, ut Ursi, Leones, Tigres, Lupi &c. (quas homines, ut verisimile est, ad suum detrimentum numquam voluerint traducere ab una continente in aliam.) Nam ex Noæ arca, quæ substitit in Asia, omnes hæ feræ originem suam duxerint necesse est, siquidem ordine naturali non potuerunt nasci è putrefactione, ut animalia imperfecta. Aut si potuerunt originem habere à putrefactione, aut ortum habere (per novam aliquam generationem) è terra extra specialem procreationem è sua specie, non video cur necesse fuerit, speciali Dei mandato tam sollicitè in Arca Noæ conservari (uti fuerunt) tempore diluvii. Quandoquidem itaque certum est, feræ illas Americæ, esse progeniem ejusdem speciei

eciei in Asia, & homines, ut verisimile est, non traduxerunt (ad suum detrimentum) una continente ad aliam, magnam habet risimilitudinem, si non jungantur, valde cinas esse, & exiguo intervallo discretas: am etiam ad hunc diem, Insulæ Cuba, Iamaica, Hispaniola, Burichena & cæteræ quæ tantum distant à Continente, ut ad illas transire non possint, nullæ reperiuntur, ut Hispani affirmant. Quare, (ne longius digrediamur) apparet nationem Tartarorum tam latè arsam non posse posteritatem esse captivorum Israelitarum. Neque (ut secundæ objectioni respondeamus) ipsorum circumcisio arguit: nam neque circumcisio apud Tartaros antiquior est Mahumetismo, sed simul cum illo ab ipsis accepta fuit, ut Michovius statuit (de Sarmatia lib. 1. cap. 5.) ita ut ad hunc diem non sit vsitata (quod sciam, aut reperiam in Historiis) nisi iis qui Mahumetinum sunt amplexi, sed pertendunt in veteri Idololatria, ut maximam partem faciunt, tam Tartari Catajæ, ultra montem Imaum versus orientalem Oceanum, quam Tartari Sarmatiæ versus Arctum ad utramque ripam fluminis *Obii*. Neque si daretur, circumcisionem ante Mahumetismum apud illos viguisse, magni momenti argumentum esset, ad probandam originem Israeliticam. Quia certum

tum est cæremoniam & consuetudinem circumcisionis fuisse hodieque esse usitatam apud multas nationes quas nemo umquam suspicatus fuit ab Israelitis descendere: nam Diodorus Sicul. meminit Colchorum, Philo Judæus & Strabo lib. 16. Ægyptios, Herodotus utramque hanc nationem, & præterea Æthiopas, circumcisionem usurpasse, & consuetudinem illam inter Ægyptios & Æthiopas valde antiquam videri, quemadmodum adhuc hodie durat apud utramque hanc nationem. Adhæc, præter has regiones jam dictas, idem dicitur de Trogloditis à Strabone & aliis. Et de Phœnicibus & Arabibus à Cypriano lib. de Circumcis. in principio, & Nicephoro Callist. lib. 8. cap. 35. Atque (omittamus hæc humana testimonia) haud obscure agnoscitur à Propheta Ieremia cap. v. 26. fuisse usitatam (præter Israelitas) Ægyptiis, Edomæis, Ammonitis, Moabitibus & incolis deserti, id est Ismaelitis aut Saracenis Arabiæ.

(Nam Ismaelitas & Saracenos eandem esse nationem, manifestum est ex Hieronymo in Com. ejus loci, Sozomeno & aliis, qui antiquitus dicti Scenitæ) ut Ammianus observavit) nimirum à Græcis ἀπὸ τῶν σκηνῶν, qui habitabant in tentoriis; nam hanc fuisse rationem ipsorum habitationis, non solum affi-

mat

natur ab Hieronymo loco jam citato, sed & aud obscure innuitur à Davide Psal. 120 deplorante habitationem suam in tentoriis 777 quo nomine Arabia deserta indicatur ab Hebræis, à qua habitatione in deserto ab ipsis Arabibus nominantur Saraceni (nam Sarra significat desertum & Saken inhabitare in lingua Arabica) aut si non à loco, saltem (ut viri docti credunt, Scaliger. in Animadvers. ad Euseb. & Fuller. Miscell. Theolog. lib. 2. cap. 12.) ab ipsorum proprietate, quia plurimum vivebant rapinis (id enim apud Arabes notat vocabulum Saracke) quibus supralias nationes semper fuere & adhuc sunt adiecti. Nam deductio etymi à Sara, quasi præenderent profapiam ab ipsa, quum reverant Hagareni (progenies Hagar, merum pigmentum est: Neque ipsi hoc prætendunt) de quibus nationibus Hieronymus, cui hæc regiones bene cognitæ erant (& Epiphanius Panar. lib. 1. hæres. 30 de plerisque) testimonium reliquit, illas circumcisionem retinuisse ad sua tempora. Licet autem de quibusdam eorum probabiliter conjici possit eam accessisse ab Israelitis, si non ut ipsorum progenies quod tamen quodam modo dici potest de incolis deserti, quum sint posterii Ismaelis filii Abrahæ: & similiter de Edomitris progenie Esavi filii Isaaci) saltem per imitationem familie

Abrahæ, cum qua consanguinitate erant conjunctæ, uti Ammonitæ & Moabitæ, posteritas Lothi, patruelis Abrahami & qui diu ejus familiaritate usus fuerat. Quanquam, inquam, conjici possit ab his nationibus circumcisionem usurpatam, imitatione Israelitarum: tamen eundem ritum & consuetudinem etiam ab iis ad totam nationem Arabum, (quæ erat populosissima) aut Ægyptiorum, aut alias vicinas provincias, dimanasse, non video quo pacto quis concipiat, aut si id credant, tamen aliter liquet, quia non circumcidebant octavo die, quæ est inviolabilis consuetudo apud Israelitas: verum Ægyptii decimoquarto anno, ut Ambrosius meminit lib. 2. de Patriarch. Abrah. c. 12. Et Arabes decimo tertio ut Vir docti tradiderunt: (Sard. de Ritib. gent. l. 1. c. 10.) Quemadmodum & Turcæ, qui ritum circumcisionis ab Arabibus acceperunt, ad hunc diem circumcidunt octavo aut duodecimo aut decimo quinto anno, citius, tardius, prout opportunum fuerit. Quomodo ab Israelitis circumcisio ad has nationes pervenerit videre non possum; non magis quam de gradibus natione Anzichorum (de quib. Pigafett. Regni Cong. lib. 1. c. 5.) ad Occidentalem oram Nili præter Nubiam; aut de incolis Lucatan in America (de quibus Martyr dec. 4. c. 1.) quorum illi adhuc sunt, & hi (donec Hispani subji-

subji-

subjicerentur) fuerunt meri idololatræ , nam eorum hi habuerunt , illi adhuc habent circumcisionem in usu.

Pergit deinceps & alia argumenta refutare, & ostendit in quam multis Tartari differant ab Israelitis , in idololatria, in neglectu legis , Sabbathi , promiscuis connubiis etiam incestis , victu etiam immundo ; & aliis. Sed quia hæc non pertinent proprie ad nostrum institutum , remittimus lectores ad ipsum Authorem. Qui & testimonium Esdræ egregie refutat.

Hactenus attulimus & obiter expendimus, trium doctissimorum virorum sententias, Hispani , Galli , Angli ; quæ nationes quum & navigationibus celebres sint , & regiones illas perlustrarint , aut itineraria suorum habeant quamplurima , optimè de hac quæstione potuerunt judicare. Quibus si & nostræ observationes adjiciantur , poterit aliquod si non certum tamen valde probabile iudicium fieri de gentium Americanarum Origine , quod curiosis Lectoribus relinquimus.

OBSERVATIONES

Aliquot quæ nobis hanc difficillimam questionem aliquanto faciliorem possunt facere.

OPeræprecium me facturum existimavi si si hic adjicerem observationes aliquot, è quibus diversæ viæ aperiuntur, per quas homines in Americæ partes venisse videri possunt navigando: nam has vias minime negligendas opinor, si quidem adhuc tam obcurum & difficile est terrestri itinere in ipsam homines deducere.

Atque hîc primum se offerunt Insulæ, quas hodie *Canarias* vocamus, & *Terceræ* sive *Azores*, & denique quas appellant *de Cabo verde*. Plinius gravissimus & diligentissimus auctor (cui debemus plurimorum Scriptorum reliquias, quorum opera hodie desiderantur) lib. 4. Naturalis Historiæ agens de hisce Insulis, (uti ex situ intelligimus) capite 31. & 32 hæc tradit. Polybius in extrema Mauritania contra montem Atlantem à terra stadia octo abesse prodidit Cernem. Nepos Cornelius ex adverso maxime Carthagini à continente passus mille: non ampliorem circuitu duobus millibus. Traditur & alia Insula contra montem Atlan-

Atlantem & ipsa Atlantis appellata. Ab ea quinque dierum navigatione solitudines ad Æthiopas Hesperios & promontorium, quod vocavimus Hesperion Ceras, Inde primum se circumagente terrarum fronte in occasum ac mare Atlanticum.

*Obscurissima hæc sunt & ad rationes geographicas exigi non possunt: supra enim dixerat, à Theôn Ochema ad Hesperion ceras navigationem esse quadri-
dum. Opinor autem per Hesperion ceras hic intelligendum promontorium illud quod hodie appellamus Cabo verde. Pergit Plinius.*

Contra hoc Promontorium Gorgades insulæ narrantur, Gorgonum quondam domus, bidui navigatione distantes à continente, ut tradit Xenophon Lampfacenus. Penetravit in eas Hanno Pœnorum imperator, prodiditque hirta fœminarum corpora, viros pernecitate evasisse: duarumque Gorgonum cutes argumenti & miraculi gratia in Junonis templo posuit, spectatas usque ad Carthaginem captam.

Venit in mentem Gorgones de quibus hic agit fortassis fuisse cercopithecorum illam speciem, quæ adhuc hodie in Guinea & vicinis quoque regionibus reperitur, quarum unam fœmellam à nostris advectam vidimus, forma pene humana, cæterum hirtam, neque sermonis gnaram.

Ultra has etiamnum duæ Hesperides insulæ narrantur. Adeoque omnia circa hæc incerta sunt, ut Staius Sebosus à Gorgonum insulis prænavigatione Atlantis dierum x i ad Hesperidum insulas cursum prodiderit, ab iis ad Hesperion Ceras unius. Nec Mauritanix insularum certior fama est. Paucas modo constat esse ex adverso Autololum, à Iuba repertas, in quibus Getulicam purpuram tingere instituerat.

Autololum gens media fuit inter Salam & Atlantem, ut tradit lib. 5. cap. 1.

Sunt qui ultra eos Fortunatas esse putant quasdamque alias, quarum numerum idem Sebosus, etiam spatia, complexus, Iunoniarum abesse à Gadibus D C C L M. pass. tradit. A ea tantumdem ad occasum versus Pluvialiam Caprariamque : in Pluvialia non esse aquarum nisi ex imbribus. Ab iis C C L M. pass. Fortunatas, contra lævam Mauritanix VIII M. pass. oram Solis (Clariss. Salmasius corrig. Soliam) vocari in convalle à convexitate, Planariam à specie convallis, circuitu CCC M. pass. Arborum ibi proceritatem ad centum quadraginta quatuor pedes adolescere. Iul. de Fortunatis ita inquisivit : sub meridie positas esse prope occasum, à purpurariis DCCXXV. (vel ut alii codices habent DCCXXV M. pass. Sic ut CCI supra occasum navigetur deinde

deinde per LXXV M. pass. ortus petatur, (legendum itaque foret suprà CCCXXV M. pass.) Primam vocari Ombrion nullis ædificiorum vestigiis: habere in montibus Stagnum, arbores similes ferulæ, ex quibus aquæ exprimantur, ex nigris amara, ex candidioribus potui jucunda. Alteram insulam Iunoniam appellari, in ea ædiculam esse tantum lapide extructam. Ab ea in vicino, eodem nomine, minorem. Deinde Caprariam lacertis grandibus refertam. In conspectu earum esse Nivariam, quæ hoc nomen accepit à perpetua nive, nebulosam. Proximam ei Canariam vocari, à multitudine canum ingentis magnitudinis: ex quibus perducti Iube duo, apparentque ibi vestigia ædificiorum. Cum autem omnes copia pomorum & avium omnis generis abundant, hanc & palmetis caryotas ferentibus & nuce pinea abundare. Esse copiam & mellis. *Hæc Plinius*, Manifeste patet illos authores quos citat, quosque intercidisse dolendum est, agere de insulis illis quas hodie communi nomine Canarias appellamus, licet una, quæ major, per excellentiam Canaria appelletur, Atque hîc observandum illos authores vestigia ædificiorum in quibusdam prodere, oportet ergo ante fuisse habitatas; è quo mihi probabile videtur insulares illos aliò profectos, & forte in Ameri-

cam. quæ conjectura probabilis videtur, si insularum situs consideretur & distantia à Continente Americæ. Ante tamen monendum extra has adhuc esse *Afores* insulas, quarum princeps *Tercera*, extimæ *Corvo* & *Flores*. Ad distantias quod attinet, observat Josephus de Acosta lib. 1. cap. 6. Insulas Canarias, & Azores, & del Cabo verde à fine Europæ & Africæ ora non distare supra trecentas aut quingentas leucas, à Canibalum primis Insulis vix nongentas. Verum ab extimis Aforum brevior trajectus est ad Insulam *Terram novam* quæ angusto freto à Continente Septentrionalis Americæ dirimitur. Quum autem *Tercera* medio quasi itinere jaceat inter Hispaniam & Americam, non video cur non tam facile è *Tercera* ad Americam, quam ab Hispania ad Terceram potuerit navigari. Atque ita jam multi temporis compendium fecimus, potuit enim ea transmigratione ante annos bis mille fieri, si ætatem illorum Scriptorum ad calculum revocemus. Et fuere ea tempora in Hispania, ab eo tempore, quo illis cum Pœnis & deinde etiam cum Romanis res fuit, quæ illis gentibus Hispanicis pene necessitatem imponerent alias sedes quærendi: Pœnorum autem naves ipsæ ad hoc opportunæ erant: & Hanno monstrator itineris & exemplum. Ab insulis quoque

quoque quæ Promontorio viridi objacent, haud difficulter in Brasiliam trajici posse manifestum est, & favent huic conjecturæ Autololum mores, cum quibus Brasilienses haud male congruunt. Et fuerunt Autololes illi Gætuli, non Æthiopes: ita ut color quoque Brasiliensium ab illorum colore non abludat.

SECUNDA OBSERVATIO.

OPportunæ quoque ad populum in Continentem America trajiciendum sunt Insulæ Britannia & Hibernia, quæque iis adjacent Orcades, quanquam fateor distantiam longè majorem esse, quam ab Insulis illis de quibus iam diximus. David Powellus S. Th. Doctor in Cambriæ historia narrat, ad annum 1170. Oweno Guyneth defuncto, dum filii inter se de Principatu contendunt & nothus armis superior, illum obtineret; Madocum unum ex Oweni Guynethi liberis, discordiarum civilium & præliorum inter fratres pertæsum, comparasse sibi aliquot naves & idoneis com meatibus aliisque rebus in eas impositis à patria profectum ut novas terras investigaret: & Hibernia post tergum relictâ, versus Zephyrum cursum instituisse, donec incideret in terras ante incognitas, ubi multa mirandaque observaverit. Inde ad patriam reversus, Cambris suis exposuit quam amœnas &

foecundas terras adiisset, sine ullis incolis, & ob quam sterile & inamœnum solum fratres sui armis inter se contenderent, & in vulnera & mutuum excidium quotidie ruerent: proclive esse ipsis & domestica pericula vitare & amœnis hisce atque foecundis terris potiri. Quum non paucis persuasisset, denuo naves plures sibi comparavit, & omnibus necessariis impositis, magnum numerum virorum juxta ac foeminarum, quos domesticarum calamitatum pertædebat, secum in illas terras abduxit & patriæ suæ valedixit.

Annotat ad hæc Richardus Hacklutus in tertio volumine operis sui, ipso initio: Credibile esse, hunc Madocum & Cambros, quos secum duxit, partem aliquam illius Americae continentis primum tum incolere cœpisse ejus haud leve indicium esse quod Franciscus Lopez de Gomara prodiderit in Acuzami fuisse inventos qui crucem venerarentur, (de quo ante diximus quum de Iucatane sermo esset:) verum quum pauci essent, mores secutorum quos ibidem invenerant, & linguam quoque sensim mutasse. Addit, Madocum quum in illas terras venisset anno 1170, sui in Colonia relictis, denuo domum reversum ut plures ex concivibus suis & consanguineis exciret: decem navibus paratis tertio ad suum profectum: idque se invenisse ab Gutyn owe

prodi

proditum. denique se omnino opinari, Madocum & Cambros illos aliquam partem Americæ Septentrionalis obtinuisse.

Carmina *Meredith* filii *Rhesi* mentionem facientia de *Madoco* filio *Oweni Gwynedd* & de ipsius navigatione in terras incognitas. Vixit hic *Meredith* circiter annum Domini 1477.

*Madoc wyf, mwyedic Wedd,
Iawn genau, owyn Gwynedd:
Ni fymum dir, fy enaid oedd
Na da mawr, ond y moroedd.*

quæ Anglica lingua ita sonant :

*Madoc I am the sonne of owen Gwynedd
With stature large, an comely grace adorned
No lands at home nor store of wealth me pleas,
My minde was whole to search te ocean seas.*

Summa est, Madocum spretis domi divitiis, unicè delectatum navigatione Oceani. Quamquam hæc Madoci navigatio admodum incerta sit, neque valde antiqua; fieri tamen potuit ut ante ex Hibernia similia fuerint tentata. Et operæ pretium foret inquirere, utrum aliqua convenientia lingue deprehendi posset; magis enim promittere videtur linguæ Cambricæ idiotismus quam Norwagicæ, non infelicem conatum successum. Ut autem quis experiri possit, subjicio hic syllogen nominum partium

partium corporis humani, ex utraque lingua
tum Cambrica tum Hibernica.

C.

H.

Dyn	<i>Homo</i>	Duini
Corf	<i>Corpus</i>	Colann
Enaid, Anadl	<i>Anima</i>	Anam
Cig, cnawd	<i>Caro</i>	Feoil
Croen, pân	<i>Pellis</i>	Craicinn
Gwaed	<i>Sanguis</i>	Fuil
Afgwin	<i>Os ossis</i>	Cnaimh
Gwythen	<i>Vena</i>	Cuisli
Gewyn	<i>Nervi</i>	Fetheach
Briger	<i>Crines</i>	Gruag
Pen	<i>Caput</i>	Cionn
Penglog	<i>Cranium</i>	Cloiginn
Ymmennidd	<i>Cerebrum</i>	Inchinn
Llynnthro	<i>Vertex cap.</i>	Ceanu matullach
Gwegil	<i>Occiput</i>	Culanchinn
Yriad	<i>Sinciput</i>	Eadan
Tâl	<i>Frons</i>	Clatreadan
Catad, llygad	<i>Genæ</i>	Gruaigh
Llygad	<i>Oculus</i>	Suil
Amrant llygad	<i>Cilium</i>	Mogall na Sul
Mablygad	<i>Pupilla</i>	Macimreasan
Trwyn	<i>Nasus</i>	Sron
Ffroen	<i>Nares</i>	Pollain
Gwist	<i>Labia</i>	Puismidh
Genau	<i>Os oris</i>	Bel

Ysgittin

C.

H.

sgittir	<i>Dentes</i>	Fiacla
afod	<i>Lingua</i>	Teangaidh
eg	<i>Guttur</i>	Sgoznach
clust	<i>Aures</i>	Cluasa
sgwin grudd	<i>Maxilla</i>	Giall
arf	<i>Barba</i>	Feasog
lgeth	<i>Mentum</i>	Smigid
ron	<i>Pectus</i>	Vchr
eth	<i>Mammille</i>	Cincha
sen	<i>Costæ</i>	Easnach
ru. Boly	<i>Venter</i>	Bolgh
ogail	<i>Umbilicus</i>	Imliocan
ysf	<i>Inguen</i>	Blen
lordwydd	<i>Femora</i>	Lairgeach
luâ	<i>Clunes</i>	Mafa
in. Twill	<i>Anus</i>	Ton
lin	<i>Genu</i>	Gluu
oes, gommach	<i>Crura</i>	Loirgneach
lygoden	<i>Sura</i>	Colpuidhe
roed	<i>Pes</i>	Troigh
ys	<i>Digiti</i>	Meir
modfedd	<i>Pollex</i>	Ordogh
	<i>Index</i>	Corrinher
	<i>Medius</i>	Mermeadhon
	<i>Annularis</i>	Tanaisde
owdl	<i>Calcaneum</i>	Sal
owddf	<i>Collum</i>	Muinet

Cefn

C.

H.

Cefn	<i>Dorsum</i>	Druim
Ysgwydd	<i>Humerus</i>	Guala
Elin	<i>Cubitus</i>	Ville
Llaw. Adaf	<i>Manus</i>	Crobh
Llaw	<i>Palma</i>	Dearnad.
Cregin	<i>Vnguis</i>	Ionga
Dyrnyn	<i>Pugillus</i>	Glac.

Addamus & consanguinitatis gradus Cambricè.

Pater *Tâd, Tâdwys.*

Mater *Mam. Mammws. Mammaeth.*

Filius *Mab.* Filia *Merch.*

Frater *Brawd.* Soror *Chwaer.*

Avus *Taid, bendad. tâdcu.* Patrius *Ewyt.*
frawd tâd.

Numerorum quoque nomina è lingua Cambrica.

Vnus, *Vn, Vnig, & hûn cyntaf.*

Duo *Dau, dwy.*

Tres *Tri.*

Quatuor *Pedwar.*

Quinque *Pump.*

Sex *Chwech*

Septem *Saith.*

Octo *Wyth.*

Novem *Naw.*

Decem *Deg.*

Den

Denique nomina earum rerum quę ubique
re sunt obviæ.

Mons Mynydd. Bre. Brynn. Moel. Trunn. Garth.

Collis Bryn. Bryncyn. Cefnen.

Collis Glynn. Diffryn. Dol. Pant. Allmor.

Arbor Prenn. Gwydden. Coeden.

Herba Llysicuyn. Glaswellr. Corsen yd.

Mons Ffynnon. ffynbonwys. Goser. ffynnon.

Correns Angerdoll. Nertboll.

Fluvius Ason. Priffason.

Mons Pont. Ysgol Mewn. Ilong.

Lacus Grelyn. Llyn. Llwch. Pwll.

Anguis Nerds. Sarph.

Formica Mywionyn. Morgrugyn. Grugionyn.

Ignis Tân. Vfel. Serch. Puttain.

Minis Lludw. Carbo Marworyn. Gloyn.

Pluvia Glaw. Ventus Gwynt. Awel.

Gelu Ia. Iaen. Rhew. Durew. Oerfel.

Cervus Carw. Hydd. Eslon. Rhydain.

Sus Hwch. Mochyn. Twrch. Cunar.

Lupus Bllaid. Cidwn.

Vulpes Cadno. Cadnaw. Llwynog.

Corvus Brân. Cigfran.

Cœlum Cyn. Cerfio.

Sol Haul. Heulwen. Haan. Têr.

Lana Llevad. Lloer.

Stella Seren. Nubes Gwmmdl. Wybren.

Tonitru Taran. Twrwf. Tyrfan.

Fulgur

Fulgur *Llucbeden. Mellden.*Aqua *Dwr. Ddfr. Awdedwr.*Piscis *Pysg. Pysgodyn.*Sal *Halen. Disfyrwck. Digrifwch.*Lapis *Carreg. Maen Llechen.*

Atque hæc quidem in veteri lingua atque etiam hodierna Cambrobritannorum ita se habent. Nunc eadem aut pleraque è lingua Danica quæ tantum dialecto (nisi fallor) differt à Norwagica, adscribam.

Homo *Menniske,*Anima *Siel,*Sanguis *Blod,*Os ossis *been,*Nervus *Sene,*Caput *Hoffuit,*Cerebrum *Hierne,*Occiput *Nacke,*Frons *Stiern,*Oculus *Oye,*Pupilla *Oyensteen,*Labia *Laebe,*Lingua *Tunge,*Maxilla *Keffte,*Auris *Ore,*Barba *Skeg*Mentum *Hage*Collum *Halss*Corpus *Legemime,*Caro *Kiod,*Cutis *Hud,*Vena *Blod aare,*Capillus *Haar,*Cranium *Hoffuet skael,*Vertex *Krune,*Sinciput *for hoffuit,*Gena *Kindbeen,*Cilium *oyen Huol,*Nasus *Naese,*Os oris *Mund,*Guttur *Strube,*Dens *Tand,*Pectus *Bryst*

Humerus

Humerus <i>Skuldre</i>	Brachium <i>Arm</i>
Manus <i>Haand</i>	Digitus <i>Finger</i>
Vnguis <i>Negel</i>	Venter <i>Bug</i>
Dorsum <i>Ryg</i>	Iecur <i>Leffner</i>
Cor <i>Hierte</i>	Pulmo <i>Lunge</i>
Lien <i>Mildt</i>	Renes <i>Nyren</i>
Genua <i>Knæ</i>	Crura <i>Skinkel</i>
Pes <i>Fod</i>	Suræ <i>Leg</i>
Talus <i>Anckel</i>	
Pater <i>Fader</i>	Mater <i>Moder</i>
Filius <i>Soon</i>	Filia <i>Daatter</i>
Frater <i>Broder</i>	Soror <i>Soester</i>
Avus <i>Far Fader</i>	Patruus <i>Far Broder</i>
Mons <i>Bierg</i>	Collis <i>Hoey</i>
Vallis <i>Dael</i>	Arbor <i>Træ</i>
Herba <i>Vrt</i>	Fons <i>Kielde</i>
Fluvius <i>Flod</i>	Pons <i>Bro</i>
Lacus <i>Poel</i>	Anguis <i>Snog</i>
Formica <i>Myre</i>	Ignis <i>Ild</i>
Pluvia <i>Regn</i>	Ventus <i>Veir, Blæst</i>
Gelu <i>Frost</i>	Cervus <i>Hiort</i>
Sus <i>Soe</i>	Lupus <i>Vlff</i>
Vulpes <i>Reff</i>	Corvus <i>Raffn</i>
Cœlum <i>Himmel</i>	Sol <i>Soel</i>
Luna <i>Maane</i>	Stella <i>Stierne</i>
Nubes <i>Sky</i>	Tonitru <i>Torden</i>
Fulgur <i>Ljnnet</i>	Aqua <i>Vand</i>
	Piscis <i>Fisk</i>

Commodum nactus dictionariolum Islandicum adjicio & eadem lingua Islandica.

Homo <i>Madur,</i>	Corpus <i>Lykame,</i>
Caro <i>Holld kiot,</i>	Sanguis <i>Blod,</i>
Cutis <i>Huud,</i>	Os ossis <i>Bein,</i>
Vena <i>Adur,</i>	Nervus <i>Sin,</i>
Capillus <i>Haar,</i>	Caput <i>Hofud,</i>
Cranium <i>Huitfil,</i>	Cerebrum <i>Heile,</i>
Occiput <i>Hnacke,</i>	Sinciput <i>Eune allt ad eyrum,</i>
Frons <i>Dune,</i>	Gena <i>Kinn,</i>
Oculus <i>Auga,</i>	Cilium <i>Augna haar,</i>
Pupilla <i>Augastiern,</i>	Nasus <i>Nef;</i>
Labium <i>Voer,</i>	Os oris <i>Mummur,</i>
Lingua <i>Tunga,</i>	Guttur <i>Barke,</i>
Dens <i>Toon,</i>	Auris <i>Eyra,</i>
Barba <i>Skiegg,</i>	Mentum <i>Haka,</i>
Collum <i>Haals,</i>	Pectus <i>Briost,</i>
Humerus <i>Auxl,</i>	Brachium <i>Armlegge,</i>
Manus <i>Hoond,</i>	Digitus <i>Fingur, taer,</i>
Vnguis <i>Nogl,</i>	Venter <i>Knidur,</i>
Dorsum <i>Hriggur, bak,</i>	Iecur <i>Lufur,</i>
Cor <i>Hiarta,</i>	Pulmo <i>Lunga,</i>
Lien <i>Millte,</i>	Renes <i>Nyru,</i>
Genu <i>Knie,</i>	Crus <i>Bein, Leggur,</i>
Pes <i>footur,</i>	Sura <i>Kaalfe,</i>
Talus <i>Onkle,</i>	
Pater <i>Fader,</i>	Mater <i>Moder,</i>
Filius <i>Sonur,</i>	Filia <i>Dotter,</i>

Frater

Frater <i>Broder</i> ,	Soror <i>Syster</i> ,
Avus <i>Afe</i> ,	Patruus <i>Faderbrodur</i> ,
Mons <i>Fiall</i> ,	Collis <i>Hool</i> ,
Vallis <i>Dalur</i> ,	Arbor <i>Trie</i> ,
Herba <i>Gras</i> ,	Fons <i>Brunnur</i> ,
Fluvius <i>Vatsfal</i> ,	Serpens <i>Higgermur</i> ,
Formica <i>Maur</i> ,	Ignis <i>Elldur</i> ,
Pluvia <i>Regn, dogg</i> ,	Ventus <i>Biir</i> ,
Gelu <i>Frost</i> ,	Cervus <i>Hiortur</i> ,
Sus <i>Suin</i> ,	Lupus <i>Wlfur</i> ,
Vulpes <i>Refur</i> ,	Corvus <i>Hrafs</i> ,
Cælum <i>Himen</i> ,	Sol <i>Sool</i> ,
Luna <i>Tungl</i> ,	Stella <i>Stiarna</i> ,
Nubes <i>Sky</i> ,	Tonitru <i>Skrugga</i> ,
Fulmen <i>Ellding</i> ,	Aqua
Piscis <i>Fiskur</i> ,	
Sal <i>Salt</i>	Lapis <i>Steene</i>

Deinde nobis tentandum erit an aliquam similitudinem possimus reperire, in vocabulis quæ observavimus, inter gentes quæ Septentrionalem Americam incolunt.

Caput

Cambris *Pen*, Danis *Hoffuit*,
Incolæ Metæ incognitæ dicunt *Mutchatet*.
Huronēs *Scouta*. Hochelagenſes *Aggonzi*, Souriquoſii *Menougi*, Sankikani *Wyer*, Maquaafii *Anonſi*, Mexicani *Tzontecontli*.

Nasus

Camb. *Trwyn*, Danis *Næse*,
 Incolæ Metæ incognitæ *Cangname*, Hurones
Aongya, Hochelagenſes *Hebongueſto*,
 Souriquoſii *Chickon*, Sankikani *Akyman*,
 Maquaafii *Oneyatſa*, Mexicani *Yactli*.

Oculus

Camb. *Llygad*, Dan. *Oye*,
 Incolæ Metæ incognitæ *Arered*, Hurones
Acoinba, Hochelagenſes *Higata*,
 Souriquoſii *Nepiguigour*, Sankikani *Schinquo*,
 Mexicani *Ixtelotli*.

Auris

Camb. *Cluſt*, Dan. *Oore*,
 Incolæ Metæ incognitæ *Chemaf*, Hurones
Abontta, Hochelagenſes *Abontafcon*, Souriquoſii
Seckdoagan. Sankikani *Hyttrwack*,
 Maquaafii *Obochtba*, Mexicani *Nacaztli*.

Dens

Camb. *Yſgitbr*, Dan. *Tand*,
 Incolæ Metæ incognitæ *keiotot*, Hurones
Aſchombia, Hochelagenſes *Eſgongas*, Souriquoſii
Nebidie, Sankikani *Wyſpyt*, Mexicani *Tlantli*.

Manus

Camb. *Llân*, *Adaf*, Dan. *Haand*,
 Incolæ Metæ incognitæ *Argoteyt*, Hurones
Akonreſſa,

Abonressa, Hochelagenfes *Aignoafcon*, Souriquofii *Nepeden*, Sankikani . . . Mexicani *Maytl*.

Pes

Camb. *Troed*, Dan. *Fod*,
Incolæ Metæ incognitæ *Atoniagay*, Hurones
Achita, Hochelagenfes *Onchidascon*, Souriquofii
Nechit, Sankikani *Syt*, Mexicani *Icxitl*.

Pater

Camb. *Tâd*, Dan. *Fader*,
Hurones *Ayftan*, *Aihtaba*, Souriquofii *Nouchik*,
Mexicani *Tachtli*.

Mater

Camb. *Mam*, Dan. *Moder*,
Hurones *Anan*, *Ondoven*, Souriquofii *Nekich*,
Mexicani *Nantli*.

Mons

Camb. *Mynyd*, *Bre*, *Bryn*, Dan. *Bierg*,
Hurones *Quien non toute*, Hochelagenfes
Agacha, Souriquofii *Pandemour*, Mexicani
Quaubtla.

Aqua

Camb. *Dwer*, Dan. *Vand*,
Hurones *Aoven*, Hochelagenfes *Ame*,
Souriquofii *Empye*, Mexicani *Atl*.

Arbor

Camb. Brenn. *Gwydden*, Dan. *Træ*,
 Hurones *Tarby* aut *Ybarby*, Souriquosii *Hitteoke*.

Cœlum

Camb. *Cyn*, *Cerfio*. Dan. *Himmel*.
 Hurones *Haronbiage*, Hochelagenfes *Quentria*,
 Mexicani *Ilbuicatl*, Ganadenfes *Oüajek*.

Sol

Camb. *Haul*, *Hâan*, *Tês*. Dan. *Soel*,
 Hurones *Andicha*, Hochelagenfes *Ysmay*,
 Souriquosii *Achtek*, Mexicani *Tonatiuch*.

Stella

Camb. *Seren*, Dan. *Stierne*,
 Hurones *Tichion*, Hochelagenfes *Stagnehobam*,
 Souriquosii *Kerkoeth*, Mexicani *Citlabin*.

Ventus

Camb. *Gwynt*, *Awel*, Dan. *Veir*, *Blast*,
 Hurones *Yoquoisse*, Hochelagenfes *Coboba*,
 Mexicani *Yeccatl*.

Pluvia

Camb. *Glaw*, Dan. *Regn*,
 Hurones *Yondot*, Sankikani *Soukerer*,
 Mexicani *Quiabuiztli*.

Tonitru

Tonitru

Camb. *Taran, Tyrfan*, Dan. *Torden*,
Huronses *Inon*, Mexicani *Tlatlatzinil*.

Ignis

Camb. *Tân, Vfel*, Dan. *Ild*,
Huronses *Assista*, Hochelageneses *Azista*,
Souriquosy *Bucktown*, Sankikani *Tinteywe*,
Mexicani *Tetl*.

Caro

Camb. *Cig, Cnawd*, Dan. *Tlood*,
Huronses *Avoitsa*, Mexicani *Nacatl*.

Cor

Camb. *Colon, Meddwl*, Dan. *Hiorke*,
Huronses *Avoiachia*, Mexicanis *Yolloctli*.

Luna

Camb. *Ilevad, ILoer*, Dan. *Maane*,
Huronses Hochelageneses *Assomaba*,
Mexicani *Mextli*.

Lapis

Camb. *Carreg*, Dan. *Steene*,
Huronses *Ariotu*, Mexicani *Tetl*.

TERTIA OBSERVATIO.

De veterum Scytharum moribus & institutis, & eorum comparatio cum Americanorum moribus.

QVia vir Clariss. Hugo Grotius in sua dissertatione, ut supra vidimus, negavit Americanos originis esse Scythicæ ex dissimilitudine morum, necessarium putavi paulo diligentius ipsorum veterum Scytharum mores & instituta indagare & cum Americanis comparare. Plinius Histor. Natural. lib. 4. cap. 12. Scytharum gentes ab Istro orsus; Scytharum, inquit, nomen usquequaque transit in Sarmatas atque Germanos. Nec aliis prisca illa duravit appellatio, quam qui extremi gentium harum ignoti prope cæteris mortalibus degunt. Ex quibus videmus nomen Scytharum latissime patuisse & illos ad extremos usque Asiæ fines incoluisse. Deinde: A Taphris per continentem, inquit, introrsus tenent Suchetæ, apud quos Hypanis oritur. Neuri apud quos Borysthenes, Geloni, Tbusagetæ, Budini, Basilidæ, & cæruleo capillo Agathyrsi Super eos Nomades: dein Anthropophagi. Ecce hic statim Nomades & Anthropophagi. Porro lib. 6. cap. 13. Ab extremo, inquit, Aquilone ad initium orientis æstivi Scythæ sint. Commemoratis autem Hyperboreis & Arimphæis

Ultra eos plane jam Scythæ, Cimmerii, Cicianthi, Georgi & Amazonum gens. Hæc usque ad Caspium & Hyrcanum mare. Deinceps cap. 17. Ultra sunt Scytharum populi. Persæ illos in universum Sacas appellavere à proxima gente, antiqui Arameos. multitudo populorum innumera, & cum Parthis ex æquo degit. Prosequitur deinde; Insule toto eo mari multe, vulgata una maximè Tazata: à Caspio mari Scythicoque Oceano, in eam cursus inflectitur, ad Orientem conversa littorum fronte. Inhabitabilis ejus prima pars, à Scythico promontorio, eb nives: proxima inculta sævitia gentium. Anthropophagi Scythæ insident, humanis corporibus vescentes. Ideo juxta vastæ solitudines, ferarumque multitudo, haud dissimilem hominum immanitatem obsidens. Iterum deinde Scythæ. Iterumque deserta cum belluis usque ad jugum incumbens mari, quod vocant Tabin. Hic iterum vides Anthropophagos inter Scythas: ita ut maxime verisimile sit hos primos in Americam transisse aut trajecisse; & licet jam in Septentrionali parte nulli Anthropophagi reperiantur, in Meridionali autem multi, maxime probabile est eos sensim ad Meridiem ab Arcto promovisse sedes. Dicit quidem Plinius lib. 8. cap. 42. Scythæ quidem equitatus & equestris gloria strepunt. Sed non necesse est hoc de omnibus Scythis intelligere, quum plurimās ipsorum gentes fuisse constet.

Strabo lib. XI. Plerique Scytharum qui à Caspio mari incipiunt, Dacæ appellantur: Orienti viciniore Massagetae & Sacæ. reliquos communi nomine Scythas dicunt quanquam singuli populi etiam sua nomina habent. Plerique omnes vagam degunt vitam, id est Nomades sunt. Hoc quoque optime convenit cum plerisque Gentibus quæ utramque Americæ partem incolunt; nam & ipsi sæpe loca mutant, ut satis compertum.

Ibidem de Massagetis, qui pars Scytharum. Solem unicum Deum agnoscunt, eique equum sacrificant. Vnam quisque uxorem ducit: interim etiam alienis utuntur: neque id occultè: qui cum aliena coit, pharetra de curru suspensa id aperte facit. Mortis genus optimum censent, si senio confecti cum carnibus ovillis in frusta conciduntur, unaque deborentur. Qui è morbo decedunt, eos abjiciunt tanquam impios & dignos qui à feris vorentur. Equites boni sunt & pedites. Arcubus utuntur & gladiis & thoracibus æreisque sagaridibus: sive bipennes hæc sunt. Cingula iis aurea & diademata in pugnis: aurata etiam equorum fræna & lora humeralia. Argentum apud eos non nascitur, neque ferri multum, æris & auri abunde. Qui in insulis degunt, quia sementem non faciunt, radicibus vescuntur & fructibus utuntur sylvestribus: amiciunt se arborum corticibus, quia pecora etiam carent: succum bibunt ex arboreis fructibus
eliseum

lisum. Qui paludes incolunt, ii piscium esu
vivunt: vestiuntur vitulorum marinorum pellibus,
qui è mari ad eos sursum accurrunt. Montani syl-
vestribus ipsi quoque fructibus aluntur: habent et-
iam paucas aliquas oves: sed non cædunt eas,
anæ causa & lactis parcentes: vestem pigmentis
illitis variant, quorum vigor non facile evanescat.
Campestres agrum quidem habent, sed non colunt:
sed victum ex ovibus & piscibus petunt, Norma-
lum ac Scythico more. Est enim communis quæ-
dam vivendi ratio omnium istorum populo-
rum, quam sæpe dixi: Sepultura quoque ea-
dem est, iidem mores. Tota vitæ ratio libera
quidem, sed prava, fera & bellicosa: ad contractus
simplex & fraudis pura.

In omnibus illis quæ designavimus alio
charactere facile reperire est magnam simili-
tudinem in cultu, moribus, vestitu, victu-
que inter Scythas & Americanos.

Idem lib. x i collocat à mari Caspio ver-
sus Orientem Scythas Nomades, qui, inquit,
usque ad mare Orientale & Indiam porriguntur.
Quum itaque Scytharum gens tam late pa-
uerit, haud difficile est credere illos in oppo-
sitam Americæ continentem trajecisse. Quod
vero non respondeant per omnia mores & in-
stituta, id ex eo fit, quod ne Scytharum qui-
dem omnium unum fuerit vitæ institutum (ut
scribit Strab. ex Ephoro, lib. 7.) quosdam enim

eo immanitatis progredi, ut humanis etiam vescantur carnibus: contra alios ab aliis etiam animantibus abstinere. Saltem ex iis quæ dicta sunt patet Americanorum mores magis cum Scythi quam cum Germanis convenire. Porro neque Tartari, qui hodiè illam partem Asia incolunt ubi quondam Scythæ egerunt, jamper omnia conveniunt cum Scythis illis antiquis; nam multas uxores ducunt (ut scribit Ioannes de Plano Carpini) quum Scythæ tantum unam habuerint. Neque victus neque amictus satis conveniunt. Habent tamen alia quæ cum quibusdam nationibus Septemtrionalis Americæ consonant. Inter quæ imprimis est, forma corporum. Tartari (inquit idem) inter oculos & genas plusquam alii homines sunt lati. Genæ etiam satis prominent à maxillis. Graciles sunt generaliter in cingulo, exceptis quibusdam paucis. Pene omnes sunt mediocris staturæ. Barba fere omnibus minime crescit. Aliqui tamen in inferiori labio & in barba modicos habent crines, quos minime tondent. Super verticem capitis modum clericorum habent coronas & ab aure una usque ad aliam, ad latitudinem trium digitorum similiter omnes radunt. Secundum cultus & veneratio. Nam licet unum Deum credant factorem omnium visibilium & invisibilium; tamen Solem, lumina, ignem venerant

antur, adorant & aquam & terram. De vita æterna & damnatione perpetua nihil sciunt: credunt tamen quod post mortem in alio seculo vivant, greges multiplicent, comedant, bibant & alia faciant, quæ in hoc seculo à viventibus fiunt. Divinationibus, auguriis, auspiciis, veneficiis, incantationibus multum intendunt. Nec ingenia male conveniunt: Homines sunt immundi in sumendo cibum & potum & aliis factis suis. Etiam cibus: Cibi eorum sunt omnia quæ mandari possunt. Comedunt canes, lupos, vulpes & equos; & in necessitate carnes humanas.

Qui porro superioribus annis è Russia illas regiones lustrarunt, narrant juxta *Pechoram* Samoedas habitare Principi Moscoviæ subjectos: *Pechora* autem versus Aquilonem esse *Vaygatze*, juxta quæ loca habitent sylvestres Samoedæ, qui Anthropophagi esse feruntur. De Promontorio *Tabin* Geographi nostri multa: Gerardus autem Mercator eorum facile princeps suspicatur inter novam *Zemblam*, & *Tabin* mare esse dulce: quod argueret Oceanum juxta illa loca in angustias conclusum ab ingentibus fluminibus temperari & saluginem deponere.

Operæ precium autem fuerit hic pauca addicere de Samoedis, qui juxta flumen *Obii* degunt: observatum enim à Russis, Hunc populum non habere ullas urbes, sed gregatim inter se &

se & pacifice degere, ac à senioribus aliquot regi, in victu esse immundos & ferarum, quas caperent, carnibus victitare, frugum panisque nullam habere notitiam: sollertes esse atque industrios admodum sagittarios, arcus è lento quodam & flexibili ligni genere conficere. lapidibus exacutis, vel & piscium spinis præmunitos. hisce feras trajicere, quarum maximus inibi est numerus: fuere quoque piscium spinis, quæ pro acubus ipsis essent, sicut animalculorum quorundam nervi pro filo, atque ita conferere quibus se induerent pelles quarum pilos æstate quidem extrorsum, hyeme vero introrsum verterent: domos suas tegere Alcium aut similia animalium pellibus, quas nullo haberent loco.

Eosdem esse summos idololatrias, sortilegos & incantatores inconfesso est.

Itaque hic quoque manifestissime similitudo morum inter has gentes & incolas Septentrionalis Americæ deprehenditur, & quidem longe major quam cum Norwagis ac aliis gentibus Germanicæ originis. Et longius proclivius est ab hac parte incolas in novum orbem inducere quam à Norwagia per Islandiam & Groenlandiam & cæteras regiones eis vicinas. Potuerunt enim vel rhedis suis per glaciale Oceanum vehi & ita in Americam trajicere; siquidem navibus hinc nil op

opus fuerit : atque eodem itinere etiam plurima animalia his familiaria potuerunt transcendere. Quibus accedit quod his equorum opia aut usus non tribuitur ; quod viro Claviss. obstitit ne posset credere è Scythia incolas in Septentrionalem Americam venisse. Atque hoc iter agi potuit extra circulum Arcticum & per terras non tam glaciei & profundis nivibus obnoxias : quanquam hæ gentes illas quotidie magna industria superent. Quum Groenlandia omnis quam proximè ad ipsum polum Arcticum accedat, & patens fretis sit divisa.

De Islandis & Gronlandis.

Islandi antiquitus (ut tradit Angrimus Iohannes) Aristocraticum repub. statum eligentes, Civitatem suam in Tetrades , à singulis mundi cardinibus denominatas diviserunt ; eas rursus in tertias præter Borealem cæteris majorem, in alias quartas. Tertias vero istas rursus in suas partes dividebant ; alias quidem decimas , alias paulo aliter quas *Hreppar* nominabant , quarum unaquæque ad minimum sex colonos continebat , certo censu definito. Tertias autem illas & Borealis tetradis quartas nominabant *þyng* (credo potius thing; nam illam literam quæ convenit cum θ Græc. sæpe effert per p) Deorum Septentrionalibus
primus

primus erat *Thor*: cui alios tres adjugebant *Freyer, Niordur, As*. Qui omnes Reges fuerunt, Arctoïis enim gentibus familiare fuit Reges defunctos pro diis colere: sed horum cultus ad Islandos non pervenit. Islandi diis suis homines immolabant ad grande saxum eos collidentes: sed tantum duobus locis, neque diu ea immanitas duravit.

Mendicos alere vetabant, nisi vel morbo vel ætate, sine ulla sua culpa id accidisset. Præfectus provincialis dicebatur *Godar & Heffgodar*. Conventum juridicum summum appellabant *Althing*. Iudices omnes, actor, reus, testes, in foro initio actionis omnem dolum, omnemque injustitiam sancte abnegabant: hisce conceptis verbis *Hjalpe mie* suo *Freyer og Niordur og hju Almatke As* nostrates dicerent *Helpe my soo Freyer, oock Niordur, oock de Almachtige As*.

Adjuvet me ita *freyer* atque *Niordur*, & ille omnipotens *As*.

Rempubicam suam certis etiam scriptis legibus gubernarunt.

Matrimonia non nisi inter licitos gradus contrahebant & coram testibus stipulabantur cum spondentibus.

Stuprum, raptum, adulterium, incestus gravissime puniebant: sed & basia atque amplexus clandestinos.

Patris matrisve familias defunctorum hæreditatem capiebant filii familias; dein filia, si filii deessent. Tutelæ jus hæreditariæ successionis ordinem sequebatur.

Atque hæc quidem in Islandia obtinuerunt ante Christianismum quem demum anno millesimo admiserunt.

Gronlandia (ut idem narrat) primum adita ab Erico Ruffo anno Domini 982. Hic primus omnium versus occidentalem plagam, ex patria navigans, terram reperit, cui post triennium (quod ibidem exegit) Gronlandiæ nomen indidit, eamque mox incoluit & Gentem condidit Gronlandicam, in terra antea prorsus deserta, sedibus positis in sinu à suo nomine dicto *Erisckfioordur*, extructo pago, *Brattahyd* vocato, & altero, in ulteriore sinus ripa huic opposito cui nomen *Stockanes*.

Gronlandi post annos xvi, hoc est anno c i o (quo & Islandia totaliter) ad Christianum nomen conversi sunt, opera & devotione Olai Tryggoni, Norwagiæ R. cui negotio Leyfus Erici ruffi Gronlandicæ gentis conditoris filius, præfectus est, in Norwegia prius sacro fonte ablutus.

Gronlandiam veteres dividebant in Orientalem & Occidentalem: unde colligo (inquit Angrimus) ad Meridiem & Septentrionem non fuisse habitatam. In Orientali Gronlandia

parochiolæ constitutæ sunt duodecim: in Occidentali tantum quatuor. singulæ nomine notatæ. Hinc Episcopi additi, nempe Anno **ciocxxi** quidam Ericus, sed quantum suspicor, cathedram (quæ Gardensis dicta est, *Gardar à Grenlando, biskups stoll*, sita in sinu *Einarci Fioord*) non adiit; traditur enim eodem anno Insulam Vynlandiam illis dictam, ivisse quæsitum, in quo itinere forsan periit. Suspicio illa hinc est, quod Arnhaldus à Lundensi Episcopo Scaniæ circa annum **ciocxxiv** rogatu Regis Norwegiæ ordinatus, à plerisque primus Episcoporum Gronlandiæ numeretur, cum scilicet ante annum, hoc est Anno **1123** Gronlandi Norwegis tributarii facti essent.

Monasterium in Gronlandia nullum umquam commemoratur. Ecclesia vel Cathedra Gardensis D. Nicolao fuit dicata, quem constat isto seculo, à nautis, ac præcipue tam longinquas oras petentibus cultum fuisse.

Arnhaldi in Episcopatu Gronlandiæ undecim successores, distinctis temporibus numerantur. Ad annum usque **ciocccclxxxix** Quo Henricus quidam præfuit, cuius successor Andreas Anno **ciocccclxi** Islandiam attigit. Post hunc autem annum altum est de Episcopis, nedum monachis Gronlandiæ, qui nulli fuerant, silentium. Hæc paulo prolixius

ex Angrinio Iona retulimus, ut liqueat, Gronlandos statim postquam ibi incolere cœperunt Christianos esse factos: minusque verisimile esse, quod supra Clariss. Vir. Hugo Grotius asseruit, incolas Americæ Septentrionalis, aut ab Islandis aut Gronlandis ipsorum propagine, originem accepisse. Nam quum utrique tamdiu Christianismum fuerint amplexi, & semel acceptum tam constanter coluerint, non est rationi satis consentaneum, tam politeiam quam religionem apud gentes ejusdem originis ita plane extinguere potuisse.

OBSERVATIO QUARTA.

HActenus à parte orientali aditum ad Americam quæsiuimus, nunc & ab Occidente est investigandus. Continens Americæ utriusque longissimis terrarum spaciis se extendit ad mare Pacificum à sinu Californiæ & Promontorio S. Lucæ ad promontorium Mendocinum atque ultra haud dubio ad ipsam Asiam. Præterea in ipso mari Pacifico seu meridionali superioribus annis è Peruvia navigando versus Occidentem inventæ sunt Insulæ Salomonis, admodum grandes & multæ, intervallo circiter octingentarum leucarum: & communis opinio obtinet haud longè ab illis abesse Continentem terram; neque vero absimile credit Josephus de Acosta lib. 1.

cap.6. illam se conjungere cum terris quæ sunt ultra fretum Magallanicum. Verum superioribus annis à nostris atque etiam aliis fuit comprehensum satis latum mare, (quantum nondum satis constat) interesse inter illas Insulas ad fretum Magallanicum & terras illas australes de quibus agit Acoſta. Vt si illas conjungere libet omnino magno gyro ambiendum sit, (intra an extra circulum Antarcticum non dixerim, neque constat) ad Novam Guineam, atque ita regrediendum ad fretum Magallanicum. Certè, ut credit Acoſta, Nova Guinea Continens cenſetur neque longe diſſita ab Insulis Salomonis. Vt autem de hiſce Insulis Salomonis aliquid dicamus: Lopez Vaz teſtatur, eas inventas fuiſſe cum Licentiatus de Castro pro Rege eſſet in Peruvia: ſitas autem eſſe octingentas leucas ab ora Peruviae, ad altitudinem undecim graduum ab Æquat. verſus Austrum: priori nomen inditum Izabella alteri & quidem majori Guadalcanal; Secundum cujus oram navigarint leuc. centum quinquaginta: utriſque autem nomen Salomonis inſularum datum, quia credi volebatur R. Salomonem inde ſuum aurum petiſſe.

Antonius de Herrera Hiſtoriographus Regis Hiſpaniarum in deſcriptione Indiarum cap. xxv i i. Ora, inquit, novæ Guineæ initium capit, centum leuc. verſus orientem ab Inſula Gilolo

Gilolo, ad unum gradum, paulo plus aut minus ab Æquatore versus Austrum, atque ita in longitudinem protenditur versus Ortum, trecentis leuc. donec ascendat ad quintum aut sextum gradum; Dubitatum hætenus an sit Insula an vero Continens, quia in tantum se extendit, ut videri posset se jungere cum Insulis Salomonis aut provincia Freti Magal-
lanici versus Austrum, verum hoc dubium jam solutum, quia qui navigarunt secus partem australem ejusdem freti affirmant, illam non esse Continentem, sed insulas, & sequi spatiosum mare, & inter eos qui id asserunt est D. Richardus Aquinas eques Anglus, qui inter illas insulas quadraginta quinque dies erravit.

ANNO TATIO.

Nomen hujus Equitis Richardus Hawkins, de cujus navigatione alibi diximus; idem autem postea à nostris Belgis observatum post fretum Lemairium inventum, ut ante dixi. Ab ora maris, inquit Herrera, tellus novæ Guineæ videtur bona, & incolæ conspecti sunt Nigritæ, & objacent oræ multæ insulæ, cum suis portubus, quorum non extat particularis notitia, quia rarò hic navigatum fuit: loca in quibusdam tabulis Geographicis signata sunt; *Aguada* à prima facie

terræ ad unum gradum, quinque & triginta leuc. versus Ortum: & octodecim leuc. ultra hanc portus *Santiago* & insula *de los Cressos* patens in longitudinem sedecim leucas, ex adverso portus *S. Andreae* quadraginta leuc. à *Santiago*; & magis versus Ortum fluvius *Virginum* & *la Vallena* exigua insula ante fluvium *S. Augustini*, circiter quinquaginta leuc. à portu *S. Andreae*; & juxta fluvius *S. Petri* & *S. Pauli*, ante portum *S. Hieronymi*, & parvula Insula juxta *Puntafalida*, quadraginta leuc. à *S. Augustin.* quem vocant de *Buenapaz*, & ultra hanc *el Abrigo* & *Malagente* quinquaginta leuc. à *Puntafalida*, & inter cæteras una insula gentis blancæ, & *la Madre de Dios* ante *Buenavayan* & *de la Natividad de nuestra Señora*: quæ ultima earum quæ hætenus fuerunt visitatæ: & veluti è regione ejus versus Arctum Insula *Caymana*, in alto jacens inter alias insulas sine numero. Ora meridionalis nondum cognita est. Primus hanc novam Guineam detexit *Alvarus de Saavedra* Anno *MDLXXXVII* missus à *Marchione Vallis* ut ab illa parte investigaret Insulas aromatiferas, & hinc in reditu ad novam Hispaniam à tempestatibus abreptus. Insulæ *Salamonis* quæ distant octingentas leuc. ab ora *Peruviae*, quibus hoc nomen dedit opinio divitiarum, & vocant illas *Occidentales*, ratione *Peruviae*: ab illa enim primus

primum ad illas peruentum ab Alvaro de
Mendoça, ex mandato Licenciati Lupi Garfîe
de Castro, Gubernatoris regnorum Peruvîæ,
anno CIOIOLXVII. Qui primus has ter-
ras vidit erat adolescens nomine Treio: ja-
cent autem à septem ad duodecim gradus ab
Æquatore versus Austrum, & circiter mille
quingentas leucas à Civitate Regum (vulgo
Lima;) sunt multæ numero, sed octodecim
inter illas insignes, quædam quæ trecentas
leucas ambitu complectuntur, aliæ ducentas,
aliæ centum, aliæ quinquaginta & ita porro;
præter multas quarum oræ nondum prænavi-
gatæ; crediturque cum nova Guinea esse con-
junctas, & terris quæ sunt à freto Magallanico
versus occasum. Omnes istæ insulæ videntur
fœcundæ & habitabiles com meatibus abun-
dantes & pecore: reperti in illis fructus ali-
quot Castellani, porci & Gallinæ magno nu-
mero. Incolæ partim sunt colore, quali Ame-
ricani, partim candido, partim rubro, par-
tim etiam nigro, quod argumentum est, cum
nova Guinea conjungi, unde tantam mixturam
tam diversarum gentium hîc confluisse pro-
babile est. Hactenus Herrera, qui plura no-
mina insularum desiderat, ipsum adeat. Suffi-
cit enim ad propositum nostrum: à terris illis
quæ jacent cis & ultra Fretum Magallanicum
versus Occidentem alias terras quam longissi-

me abesse, & patens esse illa parte mare tam
 versus Austrum, quam versus Occasum: ita ut
 hac via incolas difficulter in meridionalem
 Americam possimus introducere, & aura no-
 bis adversatur. Nec quicquam nos adjuvat ea
 pars terrarum quę pone Javam majorem, licet
 longo intervallo, à Belgis nostris fuit inventa
 & à navis nomine, qua vehebantur, Concor-
 dia dicitur: licet credibile sit illam cum nova
 Guinea esse conjunctam. Unica spes est in illa
 terra quę fretum Lemaire ab Arcto ingredien-
 tibus ad lævam est, neque enim adhuc quic-
 quam obstat quo minus illa cum aliis terris
 possit conjuncta credi, quę proxime acce-
 dunt ad Insulas orientis. Atque ad hunc finem
 quædam hic adjungenda ex Itinerario Ri-
 chardi Hawkins Equit. Angli, de quo supra
 Herrera. Is quum peteret fretum Magallani-
 cum & jam pervenisset ad nonum & quadra-
 gesimum gradum & triginta scrupul. ab Æ-
 quatore versus Austrum, & secundum com-
 putum suum circiter quinquaginta leucas ab-
 esset à Continente Americæ, excepit illum
 ventus occidentalis ipsi adversus: ita ut se-
 cundo Februarii viderent eminus terram ver-
 sus Africum, neque conjectura assequi pote-
 rant quænam esset, siquidem nullæ hydrogra-
 phicæ Tabulæ terram hac parte exhibent ad
 eum modum sitam, ad latitudinem octo &
 qua-

quadraginta graduum versus Austrum. Secus autem oram illius navigarunt versus Aquilonarem plagam, biduo integro, ita ut ratione inita judicarent se circiter sexaginta leucas secus illam promovisse. Terra autem illa erat campestris & habitata, videbant enim crebros ignes. Verum quum propius oram accedere & in terram descendere non daretur, & ventus mutaretur, illa omissa, cursum versus Fretum Magallanicum direxerunt. Mihi autem non dubium est hanc terram conjungi cum illa quæ fretum Lemairium contingit: & probabile est illam produci primum ex adverso promotorii Bonæ Spei & deinceps tendere circa polum Antarcticum versus Terram illam navis concordia, fortassis etiam per illam conjungi cum Terra dos Papaos, quæ in Tabulis nostris appellatur. Nam omnia hæc quidem adhuc incerta sunt, nihil tamen hætenus inventum à navigantibus quod contradicat.

Extat præterea Relatio de Terra hac Australi Petri Fernandez de Quir ad Regem Catholicum, latine edita ab Hesselio Gerardi. Quod ad regionum istarum, inquit, noviter detectarum amplitudinem attinet; judicando ex iis quæ ipsemet vidi, quæque Capitaneus Ludovicus Paez de Torres, obedientia meæ archithalassius Ma.^{ti} tuæ exposuit, longitudo

earum tanta est, quanta totius Europæ, minoris usque ad mare Caspium Asiæ, Persiæ, omniumque tum Oceani, tum mediterranei maris hisce regionibus adjacentium Insularum, Anglia & Hibernia comprehensis. Est videlicet occultus hic tractus, quarta Globi terrestris pars, ac tam late patet, ut in eo verisimiliter possint esse duplo plura regna atque dominia, quam sint ea quorum tua Maj. hodie dominus est. Nec habent hæ terræ vicinos Turcas, Mauros, aliasve nationes vicinis suis infestas. Regiones nobis conspectæ omnes intra torridam zonam sitæ sunt, & pertingit earum pars usque ad Circulum æquinoctialem, latitudinis graduum 90. vel alicubi pauciorum. & post pauca. Refertur est totus hic tractus innumerabili incolarum multitudine, quorum alii candido, alii fusco & eorum, quos Hispani Mulatos appellant per simili, alii denique mixto quodam colore sunt. Capilli nonnullis nigri, longi, soluti aliis Crispi, villosi, aliis denique flavi & admodum rari. Quæ sane diversitas magni cuiusdam inter eos commercii, crebrique conventus signum est. Nec videntur ulla prorsus arte imbuti; nec arces habent nec muros, nec Regem nec Legem. Simples tantum gentiles sunt, in factiones divisi, nec umquam satis concordēs. Arma quibus utuntur, sunt arcus sagittæ

sagittæ (nullo veneno imbutæ) clavæ, fustes, hastæ, ac tela missilia, omnia tantum ex ligno. Velant pudenda. Sunt munditiæ studiosi, tractabiles, alacres, eaque in benefactores gratitudine, quam ipse non semel expertus sum.

Domus eis è ligno, palmarum frondibus tectæ. Ollis utuntur fictilibus. Machinas quoque textorias norunt, aliasque ejusmodi elegantias. Marmorarii sunt. Tibias, tympana, cochlearia fabricant è ligno. Oratoria ipsis sua & sepulchreta. Horti in areolas pulchre digesti, septi ac limitibus suis distincti. Magnum iis usum præbent cochleæ margaritifera: è quibus cuneos, scalptra, ferras, ligones, aliaque id genus instrumenta, tum & globulos collo appendendos conficiunt. Insulani naviculas habent affabre elaboratas & ad trajiciendum percommodas, argumentum minime fallax, quod vicini sint nationibus magis excultis. Cujus rei & illud non vanum indicium, quod & verres & gallinaceos castrent.

Panem habent è triplici ferè radicum genere, quarum ingens passim provenit copia, atque huic conficiendo minimum sane laboris impendunt, nihil enim quam torrent rapices usque dum sint percoctæ.

Fructus in hoc tractu quam plurimi & quidem eximie boni. Platani senûm generum. Amygdala quadruplicia. Prægrandes obi, ge-

nus cotoneis nostris & magnitudine & gustu pene adfimile : nuces innumeræ , mala medica , & citrea , quibus barbari non vescuntur , alii denique non minus suaves , quam prægrandes fructus , quos & vidimus & gustavimus . Multæ insuper & quidem insigniter crassæ arundines Sacchari . Innumerabilis pene palmarum numerus , &c.

Quod ad carnes attinet , magna porcorum est copia nostratibus adsimilium , multæ gallinæ , capi , perdices , anates , turtures , columbæ , palumbes & capræ alteri capitaneo visæ . Significarunt nobis Indi & de vaccis quoque & bubalis . Cætera non est opus persequi . Quivis autem qui Americanorum habitum & mores noverit , statim animadverteret magnam similitudinem inter has nationes : uti maxime verisimile sit eandem esse originem : sed quo pacto ab una regione in alteram venerint , id solum haud in proclivi est explicare .

QVINTA OBSERVATIO.

HAud dubio ex linguæ cognatione , magna de origine gentium conjectura potest fieri ; itaque hic quædam adjungenda putavi quæ de Gentium illarum linguis observavimus , sed ne Lectorem oneremus aut tædio afficiamus in paucis morabimur , sumemusque tantum exempla à duabus nationibus, Huro-
nibus

nibus & Mexicanis quorum illi procul ad Ar-
ctum, hi pene ad extremum Septentriona-
lis Americæ versus Austrum incolunt. Statue-
mus autem vocabula ex opposito, ut facilius
similitudo aut dissimilitudo animadverti pos-
sit. Ordinemur autem à nominibus propriis
partium corporis humani.

Huron.

Mexican.

Scouta	<i>Caput</i>	Tzontecontli
Arochia	<i>Capilli</i>	Tzontli
Ayemtfa	<i>Frons</i>	Ixcuaitl
Ahontta	<i>Aures</i>	Nacaztli
Acoinda	<i>Oculi</i>	Ixtelolotli
Aongya	<i>Nares</i>	Yactli
Andara	<i>Maxillæ</i>	Camachalli
Afcaharente	<i>Os</i>	Camactli.
Ahta	<i>Labia</i>	Texipalle.
Afchonchia	<i>Dentes</i>	Tlantli.
Dachia	<i>Lingua</i>	Nenepilli
Ohonra	<i>Collum</i>	Cocotl
Oüachia	<i>Pectus</i>	Yelchiquiuhtli
Etondreha	<i>Humeri</i>	Ahcolli
Ahachia	<i>Brachia</i>	Matzotzopatli
Ayochia	<i>Cubiti</i>	Molicpitl
Ahonressa	<i>Manus</i>	Maytl.
Eteingya	<i>Digitæ</i>	Mahpilli
Ohetta	<i>Ungues</i>	Iztitl
Tonra	<i>Venter</i>	Xillantli

Ontara

H.		M.
Ontara	<i>Vmbilicus</i>	Xictli
Ethnonuha	<i>Dorsum</i>	Cuitlapantli
Tocha	<i>Latus</i>	Yomotlantli
Oscoinha	<i>Viscera</i>	Cuitlaxcolli
	<i>Iecur</i>	Yeltepachtli
Avoiachia	<i>Cor</i>	Yollochtli
	<i>Pulmo</i>	Chichitl
	<i>Lien</i>	Taxixtecon
	<i>Renes</i>	Netloctetenca
Ochingoda	<i>Genua</i>	Tlanguaitl
Anonta	<i>Crura</i>	Metzquanhyotl
Eindechia	<i>Suræ</i>	Cotztli
Achita	<i>Pedes</i>	Icxitl
Chogoute	<i>Tali</i>	Xoquochtlantli
	<i>Nervi</i>	Tlalhuyaotl
Outsmoïata	<i>Vene</i>	Yetzalhuotl
Auoitfa	<i>Caro</i>	Nacatl
Angon	<i>Sanguis</i>	
Onna	<i>Ossa</i>	
Ovoicheinta	<i>Cerebrum.</i>	

Nomina numerorum.

	Hur.	Mex.	Sankikan.
1	Efcate	Ce aut Centetl	Cottè
2	Teni	Ome	Nyffe
3	Hachin	Yei	Nacha
4	Dac	Nahuy	Wyue
			5 Ouych

Hur.	Mex.	Sankikan.
5 Ouyche	Maciulli	Parenagh
6 Houdahda	Chicuacen	Cottash
7 Sotaret	Chicome	Nyffas
8 Atteret	Chicuey	Gechas
9 Nechon	Chicunahuni	Pescon
10 Affan	Matlaetli	Terren
20 Teni qui voiffan.	Zempohualli.	Myffynach
100 Egyo twoiffan.	Macuilpohualli	Cottapach.

Consanguinitatis gradus.

Hur.		Mex.
Ayftan, Aihtaha	<i>Pater</i>	Tahtli
Anan Ondouen	<i>Mater</i>	Nantli
Ayein	<i>Filius</i>	Tepiltzin
Ayein	<i>Filia</i>	Teuchpoch
Ataquen	<i>Frater</i>	Teoquichtiuch
Ataquen	<i>Soror</i>	Tehneltiuch
Achota	<i>Abus</i>	Tecoltzin
Houatinoron	<i>Patruus</i>	Tethahrtzin
Achota	<i>Avia</i>	Tezihtzin
Harha	<i>Matertera</i>	Teahuitzin
Earaffé	<i>Cognatus</i>	Tétex

Dignitatum gradus.

Auhoindiou	<i>Dominus</i>	Teuthli
	<i>Domina</i>	Zihuapilli
	<i>Servus</i>	Tlacoti
		Colo-

Colorum differentia.

Onienta, Onquata	<i>Candidus</i>	Iztac
Sieinſta	<i>Niger</i>	Tlilitic
Odſinquaraé	<i>Viridis</i>	Quiltic
Otſehiaye	<i>Ruber</i>	Chichiltic
	<i>Cæruleus</i>	Texutic
	<i>Luteus</i>	Coztic

Avium aliquot nomina.

Sondaqua	<i>Aquila</i>	Cuauthtli
Oraquan	<i>Corvus</i>	Acatlotli
Taron	<i>Anas</i>	Canauhtli
Tochingo	<i>Grus</i>	Tocuilcoyotl

Quadrupedum nomina.

Sconoton	<i>Cervus</i>	Mazatl
Quenton malifia	<i>Cuniculus</i>	Tuchtli
Anariſqua	<i>Lupus</i>	Cuetlachtli
Gaguenou	<i>Canis</i>	Chichi
Andaſatay	<i>Vulpes</i>	Coyotl
Tiron	<i>Felis ſilveſtr.</i>	Miztli.

Inſectorum nomina.

Stinonchoquey	<i>Formica</i>	Azcatl
Tſivoy	<i>Pulex</i>	Tecpin
Touhauc.	<i>Pediculus</i>	Atemitl.

Ignis & ejus accidentia.

Aſſiſta	<i>Ignis</i>	Tletl
Ohexra	<i>Cinis</i>	Nextli

Aetſiſto

Aetfistorasse *Carbo ardens* Tlexochtli
Tfieinsta *Carbo extinctus* Tecolli.

In omnibus hisce vocabulis eandem rem significantibus videmus summam differentiam sed frustra quis quærat inter nationes tam longe dissitas, cum Fr. Gabriel Sagardus, è cujus Dictionario Huronum vocabula descripsimus, in præfatione testetur, ipsorum linguam plane esse diversam à vicinorum Algoumequinorum linguâ, Montagnetarum, & Canadensium. Cujus dissimilitudinis hæc profert exempla. Hurones canem vocant *Gagnenon*: Epicerini *Arionce*, Montagnetæ *Alimoy*. Hurones mi pater dicunt *Ajstan*, Canadenses *Notaovi*. Hurones mea mater *Anan*, *Ondoven*, Canadenses *Necaovi*. Matertera Huronibus dicitur *Harba*, Canadensibus *Neroussisse*, Panis Huronibus *Andataroni*, Canadensibus *Paconebigan*. Non te intelligo, Hurones dicunt *Danstan tearonca*, Canadenses *Noma quinisitotatin*. Experiamur jam idem in verbis & loquutionibus.

Hur.

Mexic.

Naché *Quo vadis?* Campa tiauh?
Tontatfi issa *Quomodo vocaris?* Tleinmotoca?
Totatse, neckya *Quomodo vocatur?* Tleitoca on?
Aonhéon *Ægrotat* Cuix Mococohua.
Ahouïaken *Est Negligens* Huel ah yel.
Convoitte hahattay *Estne hæc via?* Cuix yehuatlin inohtli?

M

Anda-

Andachoenne *Mendax* Iztlacatini
 Xchihay *Ne plora* Ahmo Xichoca
 Teskeanki *Vidistine?* Cuix otiquittac
 Etsondenon *Veni mecum* Tehuatl nonahuac
 Xihualla

To hahathey *Monstra viam* Xinechmochti in
 ochtli

Tsirattaé *Cælum nubilum est.* Cenca huel
 Yecuichehua incahuit.

Ex his licet paucis satis apparet nullam convenientiam esse inter has linguas, neque in verbis neque in construendi modo: unum solummodo hic verbum quod nonnullam similitudinem habet Xichihay & Xichoca: cætera toto cælo differunt. Idem credo apparet si aliorum barbarorum linguæ nobis cognitæ essent.

Adjicio hîc vocabula è lingua Maquaasio- rum qui in ea parte Americæ Septentrionalis degunt quam nostrates vocant *Novum Belgium*, quemadmodum à Belgis nostris observata inveni.

Partes corporis humani.

<i>Caput</i>	Anonsi,	<i>Capillus</i>	Anochquis,
<i>Aures</i>	Ohochra,	<i>Nasus</i>	Oneyatla,
<i>Lingua</i>	Owanisse,	<i>Guttur</i>	Ohonckwa,
<i>Dentes</i>	Onawi,	<i>Brachia</i>	Onenta,
<i>Manus</i>	Osnótla,	<i>Digiti</i>	Onataffa,

Polles

<i>Pollex</i> Otichkera,	<i>Vngues</i> Otsira,
<i>Humerus</i> Onirare,	<i>Spina dorsi</i> Orochquine,
<i>Pedes</i> Ossidau,	<i>Vesica</i> Onhaha,
<i>Pudenda maris</i> Canderes,	<i>Fœmina</i> Oneera,
<i>Vir</i> Etſi.	<i>Fœmina</i> Coenhechti.

Cognitionum gradus.

<i>Pater</i> Ragina,	<i>Mater</i> Diſtan,
<i>Patruus</i> Ragenonou,	<i>Cognatus</i> Rackeſie.

Numerorum nomina.

1 Onſat, 2 Tiggeni, 3 Aſſe, 4 Cayere,
 5 Wiſch, 6 Iayack, 7 Tſadack, 8 Sate-
 gon, 9 Tyochte, 10 Oyere, 40 Tawaſſe,
 100 Onſcat teneyawe.

Animalium nomina.

<i>Cervus</i> Aque,	<i>Felis</i> Adiron,
<i>Ursus</i> Ochquari,	<i>Caſtor</i> Sinite,
<i>Lutra</i> Iawine,	<i>Vulpes</i> Senadondo,
<i>Lupus</i> Ochquoha	<i>Canis</i> Irhar,
<i>Lepus</i> Tantanegē,	
<i>Grus</i> Tali,	<i>Cygnus</i> Kragequa,
<i>Anſer</i> Kahanck,	<i>Aquila</i> Schaskariwanafi,
<i>Piſcis</i> Cinſye,	<i>Salmo</i> Ohekeront.

Variarum rerum nomina.

<i>Sol</i> Carackwero,	<i>Stellæ</i> Aſiſtock,
<i>Aer</i> Careyago,	<i>Semen</i> Cana,
<i>Lapis</i> Oieya,	<i>Caro</i> Oware,

<i>Farina</i> Atheſera,	<i>Fluvius</i> Canaderage,
<i>Via</i> Iohati,	<i>Lardum</i> Odoffera,
<i>Os offis</i> Oſtie,	<i>Pluvia</i> Eſteronde,
<i>Montes</i> Ononda,	<i>Æſtas</i> Otteyage,
<i>Hiems</i> Auguſtuske,	<i>Arundo</i> Oneggeri.

Verba aliquot.

<i>Sudare</i> Wagideria,	<i>Pingere</i> Endatkondere,
<i>Pugnare</i> Ioddireyo,	<i>Concumbere</i> Sinekati,
<i>Dormire</i> Aghidawe	<i>Ridere</i> Aquayeſſe,
<i>Plorare</i> Onſtara.	

Colorum nomina.

<i>Candidum</i> Crage,	<i>Nigrum</i> Cahonſye,
<i>Cyaneum</i> Oſſivenda,	<i>Rubrum</i> Onegonſcia.

Adjectiva.

<i>Magnus</i> Quane,	<i>Parvus</i> Canyewa,
<i>Latus</i> Wotſtooha,	<i>Crassus</i> Cates,
<i>Æger</i> Agthihi	<i>Mortuus</i> Awaheya,
<i>Malus</i> Aquinachoo,	<i>Fortis</i> Aſſerie,
<i>Curdus</i> Carente,	<i>Pulcher</i> Iankonque,
<i>Pauper</i> Agotſioha,	<i>Nequam</i> Seronquaefe,

Opera præcium fuiſſet etiam linguam Cuſcensem cum aliarum gentium Americæ meridionalis linguis conferre: ſed nullus auctor ad manum ex quo petere poſſimus niſi admodum pauca. Obſervat Garcilaſſus de Iavega, Patres liberos ſuos vocare *Cburi*; matres autem *Vaua*, item fratres ſe invicem appellare

Huanque

Huauque, sorores *Nanna*: Si autem frater sororem alloquatur, dicit *Pana* non autem *Nanna*, ne & se fœminam profiteatur: Soror autem ob similem causam fratrem compellans non dicit *Huauque* sed *Tora*; nec sororem compellans *Pana* sed *Nanna*. Quæ nihil commune habent cum Mexicanorum idiomate; uti *Vnu* aqua quæ Mexicanis *Atla*. Peruani *Ylla pantac* vocant tonitru cum fulmine conjunctim: Mexicani vocant Tonitru *Tlatlatzinil*, fulmen *Tlabuitequiliztli*.

In eadem Peruvia observat Petrus de Cieca, Pontem è saxo constructum appellari *Lumichaca*: apud alios *Gorron* piscis: *Anzer* Sal. Apud Peruvianos *Sopay* malus dæmon qui illos exagitat. *Vrco* aries, *Llama* ovis qualis ipsis domestica nostratibus nequaquam similis. *Camac* Creator, *Pacha* mundus. *Mocha* Sol apud incolas Taramæ provinciæ Peru. Collæ amplissima natio, Annum vocant *Mari*: Lunam & mensem *Alespaquexe*, diem *Auro*. Verum observat Cieca cap. c x v 1. Tantam inter incolas illius tractus fuisse linguarum diversarum multitudinem, ut singulæ pene provinciæ haberent peculiarem; licet postquam ab Ingis fuerunt subjugati etiam Cuscensem intelligerent & loquerentur.

In eadem hac Meridionali America latissimè se diffundit lingua Brasiliensium, licet
suis

fuis dialectis distincta : ejus hic specimen dabo ut comparatio à curiosis institui possit, eique adjungam linguam eorum populorum quos appellant Iaos qui incolunt inter duobus nobilia flumina Amazonum & Oronoqui.

Partes corporis humani

Bras.		Iaos
Acângá	<i>Caput</i>	Boppe
Abâ	<i>Capilli</i>	
Cibâ	<i>Frons</i>	
Nambî	<i>Aures</i>	Pannaëe
Teca	<i>Oculus</i>	Vocre
Apiingoâra	<i>Nares</i>	Hoénaly
Iurû	<i>Os</i>	Hopatali
Tanha	<i>Dentes</i>	Hoieely
Apecû	<i>Lingua</i>	
Aiûra	<i>Collum</i>	Boppomery
Potiâ	<i>Pectus</i>	Pyelupo
Atiîba	<i>Humerus</i>	Hoomotaly
Aceôca	<i>Guttur</i>	Ieene
Gibâ	<i>Brachium</i>	Iapelly
Inbô	<i>Manus</i>	
Popitêra	<i>Palma</i>	
Mua	<i>Digitus</i>	
Micapê	<i>Ungues</i>	
Tiguê	<i>Venter</i>	Holopotaly
Pûruâ	<i>Umbilicus</i>	
Atucupê	<i>Dorsum</i>	

Piâ	<i>Iecur</i>	
Nhiâ	<i>Cor</i>	Hoppelabolle
Piriquity	<i>Renes</i>	
Cama	<i>Mammæ</i>	Mannaty
Vba	<i>Femur</i>	
Tendipiâ	<i>Genua</i>	Goenaly
Tetimâ	<i>Crura</i>	Pollely
Pi	<i>Pedes</i>	Poepe.

Confanguinitatis gradus.

Tuba	<i>Pater</i>	Papa
Cîg	<i>Mater</i>	
Taira	<i>Filius</i>	Moron
Tagîra	<i>Filia</i>	Comi
Tigueîra	<i>Frater</i>	Ouromy
Teindîra	<i>Soror</i>	Comi
Tutîra	<i>Patruus</i>	
Ciîra	<i>Matertera</i>	
Tamuja	<i>Avus</i>	
Aîja	<i>Avia</i>	

Promiscua Nomina.

Abâ	<i>Vir</i>	
Pitanga	<i>Infans</i>	
Cunumi	<i>Puer</i>	
Cunumigoacu	<i>Adolescens</i>	
Cunha	<i>Mulier</i>	
Cunhataî	<i>Puella</i>	
Ibâca	<i>Cælum</i>	Capou
Coarau	<i>Sol</i>	Weyo

Iau	<i>Luna</i>	Nonna
Iautatâ	<i>Stella</i>	Chirika
Ibitinga	<i>Nubes</i>	
Amana	<i>Pluvia</i>	Kenape
Amanibâ	<i>Grando</i>	
Ibutâ	<i>Ventus</i>	Pepeïte
Amancunuga	<i>Tonitru</i>	Tonimeron
Amanbuaba	<i>Fulgur</i>	
Tupa vel Tupana	<i>Deus</i>	
Iuruparî	<i>Diabolus</i>	
Angâ	<i>Anima</i>	
Tetê	<i>Corpus humanum</i>	
Tatâ	<i>Ignis</i>	Ouapoto
Iy	<i>Aqua</i>	
Ibî	<i>Terra</i>	Soye
Ara	<i>Aer</i>	Pepeïte
Miapê	<i>Panis</i>	
Coô	<i>Caro</i>	
Pirâ	<i>Piscis</i>	
Oca	<i>Domus</i>	
Tâba	<i>Pagus</i>	
Moroaucupara	<i>Amicus</i>	Bamo
Amotarennbâra	<i>Inimicus</i>	
Nheengû	<i>Mutus</i>	
Abâ ecapicoeima	<i>Cæcus</i>	
Iba	<i>Arbor</i>	Wewe
Ibirapâra	<i>Arcus</i>	Hoerappe
Vûba	<i>Sagittæ</i>	Mapporoe
Paranâ	<i>Mare</i>	Parona

Itâ	<i>Lapis</i>	Tapou
Cuavi	<i>Cervus</i>	Ouffari
Iaguarete	<i>Tigris</i>	Arova
Tajacuiquata	<i>Aper</i>	Pingo
Ting	<i>Candidum</i>	Topocoume
Cun	<i>Nigrum</i>	Topioroume
Inbaeû	<i>Edere</i>	Ouaonine
Vû	<i>Bibere</i>	Evenike
Quera	<i>Dormire</i>	Vniguené
Iaeô	<i>Plorare</i>	Ouamome
Puca	<i>Ridere.</i>	

Numerorum Nomina.

Br.

Iay.

1 Oyepe	Tewyn
2 Mocoj	Tage
3 Mocapir	Terrewaw
4 Oioirundi	Tagyne
5	Mepatoen
6 <i>Reliquis carent, sed</i>	Tewyne Ieclyckene
7 <i>digitis manuum &</i>	Tage Iecklyckene
8 <i>pedum ostendunt</i>	Terrewaw Ieclyckene
9 <i>maiores numeros,</i>	Tagyne Ieclyckene
10 <i>& si proprii non</i>	Iemerale mepatoen
11 <i>sufficiunt aliorum</i>	Tewine abopene
15 <i>quoque ostentant.</i>	Habopboppene
20	Pemoene

Observandum autem apud Mexicanos numerorum nomina simplicia esse usque ad

M 5

quin-

quinque, ab eo incipiunt duplicare ut chiquacen &c. Eundem autem morem videre est apud Yaos, nisi quod illi superiores numeros in principio adjiciant, Mexicani in fine. Decem Mexicani proprio nomine efferunt, ita & Yai.

Hoc quoque hic notandum, Hurones harruiolos suos, quibus & medicis utuntur, appellare *Loki*, quæ vox magnam affinitatem habet cum Anglo-Saxonum voce *Lake* quæ ipsius medicum sonat, uti Lacedom medicinam.

De Insularium, qui penitus ab Hispanis extincti, pauca admodum vocabula accepimus. Petrus Martyr scribit Hispaniolæ incolas, vocasse Cælum *tures*: domum *bóa*, aurum *cauni*, virum bonum, *tayno*, nihil *mayáni*. Idem de-
III. Advertendum est, inquit, nullam inesse adspirationem vocabulis ipsorum, quæ non habeat effectum literæ consonantis: imo gravius adspirationem proferunt, quam nos consonantem. Proferendumque est quicquid est adspiratum eodem halitu quo *f*, sed minime admoto ad superiores dentes inferiori labello: ore autem aperto, *ha*, *he*, *hi*, *ho*, *hu*, & concussio pectore. Hebræos & Arabicos eodem modo suas proferre adspirationes video. Ibidem cap. 8. hæc verba notat. *Teitoca* esto quietus: *Techeta* cynato *guamechyna* Dominus multum irascetur: *Guaibbá* vade.

OBSERVATIO SEXTA.

Peræprecium quoque fuerit observare, quam notitiam numinis habeant barbari, & quem cultum illi vel falso impendant.

Fr. Sagardus in Historia sua de Huronibus cap. 18. de religione barbarorum observat; Eos qui versus *Miskou* & Portum regalem incolunt, venerari Spiritum quendam quem appellant Cudoüangi, & mira de illo credere quæ Spiritui maligno optimè convenient. Souriquôsios, uti ab aliis acceperat, omnino credere unum esse Deum qui omnia creaverit, dein plures in terram defixerit sagittas, è quibus hominum genus ortum & propagatum fuerit; sub illo tamen adhuc credere Filium, Solem & Matrem; quorum filius quidem & Sol boni sint, mater autem pessima, utpote quæ homines devoret: nec Patrem usquequaque bonum esse; & similia deliria. Hurones autem, de quibus ipsi potissimum sermo, credere (quanquam non bene sibi consent) Creatorem qui fecerit mundum vocari *Yosacha* & lingua Canadensium *Atacua-can*: huic adhuc superesse aviam *Ataensiq.* Vtrumque procul à se degere, neque sibi quicquam de illis compertum, nisi quod à quodam Aattivoudaron acceperint, qui se illum vidisse asserat, & vestigia pedum illius in rupe quadam

quadam ad ripam fluminis, tuguriumque illius nihil à cæterorum barbarorum casis differre, sementem quoque facere, aliaque ut cæteri homines; imperium tamen habere in omnes animantes. Hunc natura perfecte bonum esse & rebus omnibus incrementum largiri: Aviam autem scelestam esse & sæpe perdere quæ nepos largiretur. Illum numquam mori, sed ubi senuit, rejuvenescere. Suspicunt quoque spiritus quosdam, quos generali nomine vocant *Oki*, tam propitios quam malignos: atque adeo hanc vocem usurpant de omnibus, quæ captum ipsorum superant.

Credunt quoque animarum immortalitatem, easque à corpore solutas, astra petere & per viam lacteam (quam propterea appellant *Atiskein Andabarey*, id est semitam animarum) contendere ad *Yosacham*, ut coram eo & avia ejus choreas agant. Non tamen à necessitatibus corporis post obitum absolvi, quare una cum cadaveribus varia utensilia tumultant, ut iis in altero orbe uti possint.

Barbari quos *Ioannes Davis* invenit ad fretum sui nominis, idololatræ sunt & incantatores. plurimas imagines etiam in cymbis suis circumferunt.

Wilhelmus Baffin (qui & freto à se lustrato nomen dedit) narrat incolas Gronlandiæ, Solem venerari; nam Anglis appropinquantes pectora

pectora tundeant & exclamabant *Iliout*, neque propius accedere sustinebant, antequam Angli idem fecissent.

Barbari qui in parte Novæ Franciæ degunt, credunt Diabolum esse Deum, licet illum non adorent: magicis artibus supra modum indulgent. Qui juxta fluvium Sagadahoc incolunt, quendam malignum spiritum nominant *Tanto*, qui illos singulis noviluniis exagitat, & cogit illos metu ad sui venerationem: malum enim ipsi agnoscunt.

Incolæ Virginiae (ut refert Thomas Hariot) credunt multos esse Deos, quos appellant *Mantoac*, sed diversorum graduum; unum tantum principem & magnum Deum, qui fuerit ab æterno. Qui cum proposuisset mundum condere, fecit primum alios Deos principalis ordinis, quibus veluti mediis & instrumentis uteretur in creatione & gubernatione futura: & postea Solem, Lunam, stellas ut parvos Deos & priorum illorum instrumenta. Credunt omnes illos Deos formam habere humanam, quare eos ejusmodi imaginibus repræsentant, quas vocant *Kewasowock*; unus solus dicitur *Kewas*. Has collocant in ædiculis aut templis, quæ vocant *Machikomuck*, ubi orant, cantant, & sæpe immolant. Credunt immortalitatem animarum: easque à corpore solutas, statim secundum opera quæ fecerint,

fecerint, aut deferri ad cœlum, habitaculum Deorum, ut ibi perpetua felicitate fruantur: aut ad ingentem puteum subterraneum in Occidentali parte terrarum illarum, in quo perpetuo urantur. Hunc vocant *Pogusso*.

Alii in eodem tractu præcipue venerantur Diabolum, quem vocant *Oke*; habentque in adoratoriis suis illius imaginem horribili forma. Alii eundem appellant *Menetto* vel *Menutto*. Vtrumque autem nomen etiam attribuunt omnibus rebus quæ ipsis mirabiles videntur.

Floridani qui ad mare degunt, videntur Solem imprimis venerari, nam abluunt se ante illius ortum, itemque post occasum; nec cibum capiunt antequam hæc peregerint. Alii quidam qui intra Continentem degunt, venerantur numen aliquod quod *Aguar* vocant & in cælo habitare autumant, ipsisque pluviam & alia necessaria largiri.

Incolæ juxta Cevolam aut Cibolam præcipue Aquam venerari creduntur, quia det frumenti incrementum.

Incolas Novæ Mexicanæ, referunt Hispani, multa idola colere; & in singulis pene adibus habere oratorium Diabolo adornatum in quo ipsi cibum apponunt.

De Mexicanorum religione & cultu multum diximus.

diximus in Americæ descriptione, quæ non repetimus. Videndus Iosephus de Acosta, qui scribit eos primo loco coluisse Vitziliputzli, quem tota illa natio nominabat omnipotentem, & dominum omnis creaturæ. Post quem Solem adorabant. Bene autem observat, diabolum cum non posset ex animis hominum eximere summum illum Deum, id dedisse operam ut illis persuaderet, præter eum etiam plures alios esse qui propriam haberent potentiam & auctoritatem, ad bene aut male faciendum hominibus, atque hanc persuasionem difficillime admodum illis adimi. Idem lib. 5. cap. 10. scribit Reges Ingas fecisse statuas è saxo sibi similes, quas appellabant *Gua-oiquies* id est germanos, quibus eadem veneratio impendebatur quæ ipsis. Qualem Nebucadnezarem sibi fecisse legimus in S. Scriptura. Neque hic quicquam repetimus de Iucatanensibus, de quibus supra diximus.

Denique totus ille terrarum tractus qui ab Nova Hispania pertinet ad Isthmum Panamensem, quoad supersticiosos ritus, cultum Diaboli & hominum eviscerationes atque immolationes non multum differt à Mexicanis.

Sed transeamus jam ad meridionalem Americam. Qui Darienem provinciam incolabant, nulla habebant templa aut adoratoria; præcipue

præcipue venerabantur Diabolum, qui horrenda forma interdum iis apparebat: credunt tamen unum Deum esse in cœlis, nimirum, Solem & Lunam ejus conjugem, itaque illos venerantur. In Vraka colunt superstitiose idolum Dabaibæ; cui & mancipia immolant; ferunt autem eam esse matrem Creatoris omnium rerum.

In provincia quam hodie vocant *S.ta Martha* venerantur Solem & Lunam, iisque suffumant varias herbas. Mancipia quoque immolant.

Eorum qui Cumanam incolunt, Dii sunt Sol & Luna, maritus & conjux & supremæ numina. Quum tonat & fulgurat admodum sibi metuunt, Solem iratum credentes: inter idola sua, quæ venerantur, potissimum habent unum figura Crucis S. Andreæ, quam credunt se munire adversus dæmones nocturnos; & collis infantium appendunt.

Qui inter Oronoquen & flumen Amazonum degunt aut potius incertis sedibus vagantur, habent magos suos, quibus valde obnoxii sunt, quia & medicinam inter eos exercent & vitæ mortisque veluti arbitri sunt, qui variis præstigiis illos miseros terrent. Cæterum Solem & Lunam venerantur, quæ sidera viventi opinantur, non tamen ea adorant aut iis quicquam immolant. Præter paucos, præsertim

Yac

Yaos, qui pro numine colunt *Tamaucum*, quem in superiore aeris regione degere & inferiora hæc pro nutu suo regere profitentur. Credunt animas defunctorum qui bene egerunt, transferri ad cælum quod vocant *Caupo*, quæ male egerunt, ad *Soy* quod in visceribus terræ collocant; defuncto aliquo è primoribus mancipium ejus cædunt ut illi ministret in altera vita.

Marashawaccæ qui procul intra continentem agunt, colunt Idolum saxæum in æde ad id constructa. Formam hominis repræsentat sedentis super calces suas, genubus divaricatis quibus subitis innititur, palmis explicitis, & ore hiantæ.

In interiori regione, quam magnum flumen Magdalensæ secat, hodie vocatur novum regnum Granadæ, plerique barbari diabolum colunt, eique & idola fabricant, & captivos suos crudeliter immolant.

De Brasiliensium religione multi multa scripserunt, & nos compendio diximus in Americæ descriptione. Summa est; illos neque ullum Deum novisse, neque adorare quicquam: quare neque ullum nomen in ipsorum lingua reperitur quo Deum exprimas, nisi forte *Tupâ* quo excellentiam quandam summam designant: unde Tonitru vocant *Tupâ cununga*, id est strepitum factum à suprema excellentia,

ab *acuning* strepere : Fulgur autem *Tupa berâba*, id est splendorem excellentiæ, ab *aberâb* resplendere. Cœlum & inferos pariter ignorant : licet animas post separationem à corpore superesse credant, & nonnumquam in dæmones converti, & ad campos irriguos, variisque arboribus amœnè confitos traductas ibidem choreas agere. Spiritus malignos impensè metuant, quos *Curipira*, *Taguaj*, *Macachera*, *Anbanga*, *Iurupari*, *Marangigoana* vocant : sed diversis significationibus. Nam *Curipira* significat numen montium. *Macachera* numen viarum viatores præcedens : Petiguares fingunt boni nuntii paranympum : è contra *Tupiguaes* & *Caryoes* medicum humanæ salutis hostem. *Iuripari* & *Anbanga* significant simpliciter Diabolum. *Marangigoana* non significat numen, sed animam separatam, vel aliud quid instantem mortem prænuntians, ipsismet non satis notum, & tamen illud maxime timent; ita ut interdum subito illius terrore exanimentur. Multos habent inter se magos & præstigiatores quos vocant *Page*, & *Caraïba* est illis potestas miracula perpetrandi : quare Lusitanos quia multa faciebant ipsorum captum superantia, vocabant *Caraibas*, etiam hodie. Alii barbari ejusdem tractus spiritus illos malignos vocant *Coropio*, ut Antonius Knivenis refert alii *Aignan* uti Lærius : Alii quoque eosdem

voca

vocant *Anasalii*; quos supra modum metuunt. Differunt omnes hæ nationes in variis, sed eadem pene Idololatria & superstitio inter illas obtinet. Nec alia est ratio innumerarum prope gentium quæ intra continentem ad utramque ripam magni fluminis *de la Plata* degunt.

De Chilensium religione nihil certi accepimus: quam illos communiter jutare per dæmonium quod vocant *Eponamon*; quum fidem suam obligare volunt. De Peruvianorum prolixè scripsit *Acosta*; & nos compendio quædam jam ante diximus, plura autem in *Americæ* descriptione. Hic tantum hoc addo, quum Idololatriæ objectum sit, & aliqua generatim, ut *Sol*, *Luna*, *ignis* &c. aut particulatim, ut hic aut ille fons, mons, arbor & similia in quibus non species, sed individuum colitur: Peruvianos in posteriore hac Idololatriæ specie omnes gentiles longè superasse, ex qua ipsis natæ innumerabiles quas vocant *Guacas*.

Ex omnibus autem quæ diximus apparet gentes utriusque *Americæ*, quasdam habere levem quandam Dei cognitionem; easque omnes esse Idololatrias; plerasque omnino nullam. Sed à maligno spiritu regi & misere torqueri. Plurimasque adeo omnem humanitatem pene exuisse.

SEPTIMA OBSERVATIO.

DE Politico eorum regimine aliquid dicendum puto, quia ex eo quoque indicium originis capi potest. Duæ omnino provinciæ hic repertæ quæ iusti imperii formam habebant, quum Hispani illas intrarent; in Septentrionali quidem parte Mexicana, in Australi Peruvia. De quibus non est necesse plura dicere, quum Acosta in sua Historia plene explicaverit, & nos in Historia Americae.

Apud multas præterea nationes inventa fuit aliqua saltem regiminis politici forma quanquam admodum laxa & imperfecta. Nam docet nos F. Sagardus, Hurones habere aliquam reipub. formam, quippe & principes aut duces suos agnoscere, qui dignitatem illam ad liberos transmittant: eosque esse duplicis functionis, unos res bellicas tantum curare & *Garibova doutagueta* appellari, alteros rem civilem & *Garibova andionxra* dici, qui & alios sub se habeant præfectos in singulis municipiis & pagis suæ provinciæ, atque hos se cum regibus Europe comparare. Illis & suum esse consilium publicum constans è senioribus municipii atque provinciæ, qui præconio in domum principis advocentur; ubi princeps deliberanda proponit, & cæteri suo ordine sententiam dicunt.

Ita

Ita & Hochelagenſes, ut refert Quarterius, habebant ſuum principem, *Agoubannam*, quem ſummopere venerabantur, & ferarum pelli- bus inſidentem, inque humeros ſublato circumgeſtabant.

Souriquoſiſ, Attegovautaniſ, aliſque plu- rimis nulli perpetui duces, pro occasione belli eliguntur deſtituunturque, quos variis nomi- nibus appellant. Alii *Sagamos* quod apud mul- tas gentes uſurpatum in nova Anglia, Belgio- que & parte Virginie. Souriquoſi autem præter eos habent ariolos ſuos, quos vocant Autmoins, tanta dignatione, ut ipſi reguli plerumque id munus affectent & obeant. Alii qui partem illam incolunt quæ hodie Virgi- nia dicitur, ad magnum ſinum *Chesapeake*, re- gulos ſuos appellant *Weroances*, & inter eos authoritate præcipuus ab Angliſ commemoratur *Pawbatan*. Idem nomen agnoſcunt & illi Virginie populi quos Raleighus primum adiit.

Porro Floridani duces ſuos quos habent in- numeros pene in ſinguliſ provinciis, vocant *Paraouſſi*.

Tlaſcalenſibus, qui Mexicanis vicini, Hi- ſpaniſ aditum aperuerunt ad oppidum Mexi- co ſubjugandum & imperium illud deſtruen- dum; Democraticum vel potius Ariſtocrati- cum erat imperium.

Mechoacani etiam suum regulum tum habebant satis late imperantem. Ad eundem modum & aliæ provinciæ in illo tractu, de quibus singulatim dicere longum esset.

In illa autem Californiæ parte, quam Franciscus Dracus Novam Albion appellavit, inventus regulus, qui magna pompa ad anglos accessit, cum magno satellitum agmine, quorum unus sceptrum præferebat, cum duabus coronis, quæ è plumis erant confectæ.

Insulares quoque, qui Hispaniolam & Cubam inhabitabant, plures regulos habuerunt, (quos illi Casiques vel Cacices appellabant,) alios aliis potentiores.

De insularibus qui Lucajas aut, ut ille vocat, Iucajas inhabitabant narrat, decad. VII. Regulos habent, his parent adeo reverenter, ut si cuiquam præcipitium ex alta rupe aut vertice quovis imperaverit, nulla ratione adductain medium alia, præterquam, impero ut dejicias te, sine mora reguli dictum exequitur. Nulla est regi alia cura præterquam de sementibus & venatu ac piscatione. Quicquid fertur, quicquid plantatur &c. ad Regis imperium fit. Viritim officia dividit ad libitum: collectæ fruges in regiis coacervantur horreis: inde ad usum populi toto anno pro cujusque familia dividuntur. Est ergo Regulus, uti rex apum, sui gregis œconomus & distributor.

Sed jam ad partem meridionalem transeamus: narrat Petrus Martyr dec. 11. Regem quem Hispaniola Cacicum vocat, Coiba provincia *Chebin* alibi *Tiba*: Nobilem appellat Hispaniola *Taino*: Coiba *Saccum*, alibi *Iura*. Animadvertendum autem hic quod dicitur de *Taino*, quod accedit ad Anglosaxonum *Thegne*, quem & latine Thanum & Tainum vocant.

Idem narrat Pariensibus fuisse regulos tanquam annuos rectores vicorum primarios tantum, quos cæteri, sive bello sive pace sit agendum, sequebantur: eos autem optimates uno nomine ab ipsis *Chiaconos* appellatos.

In interiore autem continente, quaquam Regnum novum Granatense patet, plurimi quoque Reguli fuerunt, alii latius alii angustius imperantes, an autem peculiari nomine appellarint non observavi.

In Popaiana, quæ est amplissima (ut scribit Petrus de Cieca) nulli erant reguli, sed vicatim vivebant incolæ.

Inde pervenitur ad Peruviam, de qua abunde dixi in descriptione Americæ. Hic tamen obiter adjiciam quæ narrat Petrus de Cieca in prima parte Chronici Peruviae, cap. 38.

Ex relatione, inquit, Indorum Cuscensium intelligitur, antiquitus in omnibus illis provinciis quas hodie appellamus Peru, summam

fuisse confusionem : & incolas ingenio fuisse tam bardo ut vix credi possit : dicunt enim fuisse brutales , multos comedisse carnem humanam , plures se copulasse cum filiabus atque etiam matribus suis ; commisisse præterea alia majora & graviora peccata , & magnum obsequium præstitisse dæmoni. Habebant in jugis montium & collium castella, è quibus ob levissimas causas bellum vicinis inferebant , & cædebant atque captivabant quotquot poterant. Et licet hisce peccatis & sceleribus essent addicti, nonnullos tamen aliquam curam habuisse religionis: ita ut in multis partibus hujus regni magna templa fuerint constructa , in quibus diabolus colebatur (qui sæpe se illis videndum offerebat) & idolis immolabant. Et quum incolæ harum provinciarum ad hunc modum viverent, surrexerunt grandes tyranni in provinciis Collao & in vallibus Yungarum, & in aliis partibus; qui inter se belligerabant , & magnam vastitatem terris & clades hominibus inferebant , ita ut multa castella excinderentur ; & hæc ferocia atque sævitia in dies incrementum capiebat. Hæc quum ita se haberent in hisce provinciis, duo germani quorum alter dicebatur Mangocapa, se supra alios extulerunt. Hic ædificavit oppidum Cusco, & tulit leges; ipseque & ejus posterum se dixerunt Ingas , id est reges seu majores

maiores principes. Tantumque aliis prævaluerunt, ut imperium extenderent à Paſto ad Chilen longitudine mille & ducentarum leucarum.

Quæ hîc prolixius retuli, ut intelligant lectores quam probabiliter vir Clariff. has gentes & imprimis Mångocapam à Sinis accerſat. Acoſta denique ſcribit lib. 5. cap. 4. Ingarum inſignia fuiſſe arcum cæleſtem cum duobus anguibus ad latera ſecundum longitudinem.

Chilenſes quoque duces ſuos & ſuperiores agnoſcunt vocantque *Ape*, quanquam non ſit tanta illorum dignitas quanta Regum aut Principum.

Poſt hos ſequuntur jam barbariſſimæ gentes quæ ad fretum uſque Magallanicum pertinent: atque ab illo, (ut alteram jam oram obeamus) pertinent uſque ad magnum flumen de la Plata & ultra: nam licet variæ ſint nationes, linguis & moribus diverſæ, tamen eadem eſt feritas, eadem omnis humani cultus & imprimis politici ordinis ignorantia. Neque melius cum illis comparatum eſt, qui intra Continentem degunt, uti in Hiſtoria noſtra obſervavimus.

De Braſilienſibus, qui ampliſſimas regiones occupant ad mare Atlanticum, narrat Leriſ: Eſſi reges aut principes inter ſe nullos habeant, ſed pares ſint fere dignitate;

N 5 tamen

tamen hoc illis à natura inditum est, ut seniores, quos *Peoreru picheb* nominant, propter rerum experientiam suspiciant & observent: in singulis itaque pagis non aspernandum illis præstatur obsequium. Oblata hi occasione vel inambulantes, aut lectis suis pensilibus insidentes cæteros ad fortitudinem hortantur. Inter alios tamen hujus gentis populos etiam regulos habent, quos vocant *Murabixâba* & duces belli, quos vocant *Marâna îba*, milites autem *Marana abicoâra*.

OBSERVATIO OCTAVA.

Dicendum quoque aliquid de statura horum incolarum & proceritate aut pusillitate corporum; de gigantum ossibus & in Mexico & in Manta inventis nihil repetam, ea tantum persequar quæ adhuc hodie videntur.

Narrant Angli se ad intimum sinus *Che-seapeack* gremium invenisse populum barbarorum, qui *Sasquesabanoxi* dicuntur, proceros admodum, & qui præ Anglis & vicinis suis barbaris gigantes videri possint. Iconem unius dedimus in Historia Americæ lib. 3. cap. 14. Hujus crura juxta furas, tres quartas partes ulnæ Anglicæ crassa erant, è quibus reliqua corporis moles æstimari potest: cæterum membris erat bene compositis, & decorus aspectu, coma capitis supra dextrum humerum promissa,

missa, laeva capitis parte rasa, & à fronte ad occiput per medium verticem instar cristæ erectâ. Contrâ in eadem pene regione memorant Wigcomocos pusillo corpore instar nanorum.

Narrat & Nicolaus Duran è societate Iesu, Anno *MDCCCXXVI*. In hisce regionibus (loquitur de Paraguana) etiam gentem sermone adeo terso utentem repperi, ut elegantia ac nitore Latino parum cedere videatur: adeo copiosus est ut quatuor Deum synonymis exprimat. Particulæ ac verba sunt geminata: ita ut vehementer sim admiratus tam cultum idioma in gente tam barbara reperiri: non ii tamen se barbaros arbitrantur: pro totius enim Indiæ generosissimis atque invictissimis se gerunt: statura sunt adeo præalta ut extento brachio eorum vix capita attingere possim: alacri comique ingenio sunt, atque incredibili in quidvis ex Europa allatum aviditate feruntur.

Quæ Magallanus de gigantibus ad fretum Magallanicum prodidit, ea falsi coarguunt Angli qui cum Draco ibidem fuerunt: agnoscunt quidem proceros admodum esse, sed non tantum Europæos excedere ut pro gigantibus haberi possint.

Nostrates quoque qui postea eadem loca adierunt, nullos ibidem gigantea statura invenerunt; ita ut illud in medio relinquamus.

Consi-

Considerandus quoque reliquus corporum habitus. Quos Martinus Forbisherus ad fretum sui nominis invenit, ii erant lata facie, grandibus oculis, rubrica faciem picti. Canadenses quoque unctionibus suis colorem mutant, quem à nativitate nostro similem habent, ab unctura olivastrum. Armouchiquos, scribit Quarterius, esse deformes, exiguis capitibus, brachiis gracilibus uti & fæmoribus, longis cruribus : ita ut iusta membrorum proportio desit.

Virginienſes quoque ſe pingunt miris modis, & quo pictura deformior eſt, eo magis ipsis placet : alioqui candidi nascuntur.

Floridani his vicini cutem primum pungunt, deinde herba quadam pingunt colore qui elui non potest. In quibusdam Floridae partibus quæ magis ad Austrum vergunt, tradiderunt Hispani, juxta *Autem* homines esse gigantea statura, optimos sagittarios.

De Patarabuyis qui novam Mexicanam incolunt, narrant Hispani, eos quoque esse vasto corpore, & faciem, brachia & crura punctulis distinguere.

Cæterum populi qui Novam Hispaniam & vicinas provincias ad Isthmum usque Panama & ultra incolunt, fere ejusdem sunt conditionis quantum ad staturam, licet in cultu corporum non parum differant.

In Meridionali parte Americæ se tantum pingunt quum prodeunt in bellum, in provincia Dariene. Plurimi autem & in illa continenti & adjacentibus insulis corpora sua rubrica tingunt.

Marashawaccæ, Caribum natio, aures dicuntur habere supra fidem longas. Omnes autem isti Caribes sævissimi sunt anthropophagi: licet etiam infiniti pene alii populi in hac parte Americæ eadem infamia notentur.

Petrus de Cieça scribit, Canchos qui in vicina Anzermæ degebant, fuisse tam vasto corpore ut parvi gigantes videri possent.

His proximi sunt licet magno intervallo Brasilienses, in quibus nihil deforme observant, præter depressum & latum nasum; cutem autem inficiunt succo è fructu Genipapo expresso, qui alium colorem inducit, sed tantum ad aliquot dies. Quidam eorum & cutem incidunt & notant quibusdam punctulis & secturis. Alii & vasto corpore esse narrantur, ut *Waymores*, & iis adhuc proceriores *Waytaquazes* juxta promontorium frigidum. Contra *Waynasses* pumilo corpore esse dicuntur, qui Insulam grandem incolunt; uti & *Pories* procul intra continentem degentes. Cæterarum gentium ad mare Atlanticum usque ad Fretum Magallanicum, & trans illud ad Mare Pacificum, usque ad Chilen

pene

pene idem & corporum habitus ; præter paucos de quibus jam ante diximus.

In Chilensibus, uti neque in Peruanis quicquam occurrit quoad staturam corporis; cultiores sunt reliquis omnibus barbaris, qui partem hanc Americæ incolunt: ubi Quito transieris usque ad Isthmum Panamæ eadem est barbaries & ferocitas ; paucæ in hac parte Americæ sunt gentes, quæ aut non gustarint carnes humanas, aut non hodieque appetant, præter eas quæ jugum Hispanicum acceperunt.

Vt autem appareat quam frequens incolis America olim fuerit usque ad adventum Hispanorum, breviter hic ratio ineunda myriadum, quas illi exciderunt. In Insula Hispaniola ex tribus myriadibus hominum, cum Bartholomæus de las Casas scriberet ad Carolum V. Imperatorem, vix trecenti erant reliqui, nunc nulli : magna illa Insula hodie vix & viginti millibus possidetur, longe maximam partem nigris.

Cuba & aliæ insulæ ad eundem modum indigenis exhaustæ, & in Continenti aliquot provinciæ, haud minores Hispania singulæ, in quibus haud minus quam duodecim Myriades excisæ.

In Nova Hispania & vicinis provinciis ab anno 1518 ad 1530 supra quatuor myriades excisæ.

In Naco & Honduris ab anno 1524 ad 1535 supra duas myriades. In Guatimala ab anno 1524 ad 1540 ad quatuor aut quinque myriades. Nec minor numerus in provincia S. Marthæ.

In Venezuela quatuor aut quinque myriades brevi tempore perierunt.

Tædiosum esset singula persequi, videmus jam ad triginta myriadas deletas, & quantula pars est hujus vastæ continentis, in qua hæc facta narrantur. Si his Peruviana excidia, si Brasiliانا, si ea quæ ad flumen de la Plata facta sunt adjungerentur, quantus myriadum numerus fieret. Ex hisce autem apparet quam frequentes incolis invenerint has regiones Hispani: & multæ adhuc sunt provinciæ incognitæ, quas habitari satis constat.

OBSERVATIO NONA.

DIcendum quoque aliquid de connubiis, & quæ ad familias pertinent, quia ex iis quoque inditium gentilitatis capi potest. Quia autem de singulis populis dicere nimis longum est, de pluribus obiter dicam; & quidem primùm in Septentrionali parte.

F. Sagardus de Huronibus scribit in hunc modum. Nous lisons, que Cæsar louoit grandement les Allemans, d'auoir eu en leur ancienne vie sauvage telle continence, qu'ils
reputo-

reputoient chose tres vilaine à vn ieune homme, d'avoir la compagnie d'une femme ou fille avant l'aage de vingt ans. Au contraire des garçons & ieunes hommes de Canada & particulièrement du pais de nos Hurons, lesquels ont licence de s'adonner au mal si tost qu'ils peuvent, & les ieunes filles de se prostituer si tost qu'elles en sont capables, voire mesmes les peres & meres sont souvent maquereaux de leurs propres filles. Plusieurs ieunes hommes, au lieu de se marier, tiennent & ont souvent des filles à pot & à feu, qu'ils appellent non femmes *Atenonba* parceque la ceremonie du mariage n'en à point esté faicte, ains *Asqua* cest à dire compagne on plutost concubine &c. Describit de in ritus matrimonii, quos nihil attinet hic referre. Ils gardent trois degrez de consanguinité, dans lesquels ils n'ont point accoustumé de faire mariage: scavoir est, du fils avec sa mere, du pere avec sa fille, du frere avec sa sœur, & du cousin avec sa cousine. Non seulement les hommes procurent divorce quand les femmes leur en ont donné quelque sujet; mais aussi les femmes quittent facilement leurs marys, quand ils ne leur agreent point. Les marys ne sont pas seuls en la iouissance de la femme, quelques mariez qu'ils soient; car la nuit venue les ieunes femmes & filles courent d'une Cabane a autre,

comme

comme font, en cas pareil, les ieunes hommes de leur costé, qui en prennent ou bon leur semble, sans aucune violence toutes fois, remettant le tout a la volonté de la femme. Et pource que les enfans d'un tel mariage ne se peuvent asseurer legitimes, ils ont ceste coutume entre eux, aussi bien qu'en plusieurs autres endroits des Indes Occidentales, que les enfans ne succedent pas aux biens de leur pere; ains ils font successeurs & heritiers les enfans de leurs propres sœurs &c.

Atque hæc quidem paulo prolixius ipsius Authoris verbis hîc retulimus, ut ex iis pateat quam bene hæc cum moribus veterum Germanorum quadrent; nam Hurones hi omnium proximi sunt ad originem quam vir Clariss. illis gentibus dedit. Nihil autem hîc apparet nisi filii sororum hæredes, sed ob causam tam futilem & probrosam, ut quivis videat hoc à Germanicis moribus non descendere. An plures simul uxores habuerint non dicit hic author; de vicinis illorum in reliqua nova Francia testantur authores, illos plures uxores habuisse. Et viduæ denuo nubunt hîc passim. Neque Virginiae incolæ aliter se habent, aut qui his vicini sunt Floridani: apud quos viduæ marito in bello extincto capillos radunt, neque denuo nubunt antequam coma succreverit. Apud hos autem & Sodomitarum

abominationes vigent & publice exercentur sine dedecore.

Polygamia passim hic obtinet; de incolis quoque circa Cinaloam narrant Hispani, eos neque à matre, neque sorore, neque filia abstinere, eo amicitiam intendi affirmantes. In illis quoque partibus Sodomia regnat.

De Mexicanis & aliis eorumdem subditis diximus in Historia Americæ.

Apud Nicaraguanos polygamia fuit, licet unam pro principali uxore haberent.

Sed transeamus ad Meridionalem Americam. Incolis provinciæ Vrabæ hanc consuetudinem adscribit Cieza: filii hæreditatem patrum adeunt, si nati sint è principali conjugē. Coniungunt se cum filiabus fratrum germanorum; & Primores habent multas uxores. In quibusdam provinciis vicinis indecorum putant virginem incorruptam ducere. In aliis promiscue ducunt filias & sorores; & ut plurimum jam corruptas. Primores plurimas ducunt, tenuiores paucas aut quantas possunt. Filii parentum hæreditatem capiunt. Si illi desint, filii sororum, non autem fratrum.

Observat Cieza, plerasque fœminas in illis regionibus sine dolore parere: & ubi pepererunt, statim & se & partus suos in flumine abluere.

In Quimbaya quoque filii hæreditatem patrum

patrum capiebant, aut si deessent filii, germanæ.

A Pasto incipit Peruvia, de cujus incolarum connubiis satis multa diximus in Historia Americæ. Hoc tamen notandum, hîc passim obtinuisse ut filii è principali uxore hæreditatem paternam adirent, cæteris exclusis.

Polygamia quoque hîc passim obtinuit. Observat autem Cieza Peruanos abhorruisse à peccato Sodomitico, præterquam in *Puerto Veyo* & insula *Puna*.

Si cæteras quoque regiones hujus Americæ Meridionalis obeas, invenies ubique polygamiam, & summam in connubiis confusionem: & ut verbo dicam, ferinam barbariem.

OBSERVATIO DECIMA.

Dicendum quoque aliquid de modo habitationum & ædificiis. Et primum observandum in utraque parte Americæ reperiri multos Nomades, præsertim in Septentrionali parte juxta Quiviram; & Chichemecas pene omnes esse tales, atque ad eundem modum alios. Plerosque autem qui hîc certas sedes habent, nonnisi vicatim agere, & habere ædes è stipitibus factas & foliis aut palea aut etiam arundine leviter tectas; quosdam etiam nullas, & sub dio agere.

In parte porro Septentrionali ædes è faxo factas repertas in Nova quam vocat Mexicana, unde olim veros Mexicanos egreffos esse, creditur: circumcirca interea degunt homines barbari seminudi, sine ullis certis laribus aut ullo ordine politico. Primi qui domos incolunt lapideas, vocantur *Iumani* sive *Parabuyes*, qui mares juxta atque scæminę facies atque artus lineis quibusdam signant; robusto corpore & longe urbanioribus moribus quam vicini illorum, *Conchi*, *Passuagates*, aut *Tobesi*. Iumani autem illi vestiti erant, levemque aliquam cognitionem habebant religionis, cælum enim intuentes, quod sua lingua vocabant *Apalito*, numen designabant & dominum universi profitebantur. Hic & in progressu intellectum, multos populos versus occasum habitare eisdem moribus.

Ab his locis deflectentes versus Arctum invenerunt Novam illam Mexicanam, ubi ædes inventæ vastæ & quatuor contignationibus in altitudinem substructæ, cum multis atriis, conclavibus & tepidariis adversus frigus: tam mares quam scæminę vestiebantur ad Mexicanorum normam; utebantur & calceis & ocreis, quæ è taurino corio aut ferino confuta erant.

Apud *Cunames* ad eandem plagam etiam domos calce illitas & variis coloribus pictas inventas

inventas tradunt. Mira præterea narrant Hispani de Acoma: de lacu Conybas, & magnificis ædificiis quæ in oppido maximo quod illi affidet reperiuntur. Sed vereor ne hæc omnia in majus extollantur, ut solitum eis qui alios ad ejusmodi expeditiones student incitare: Notissimum enim est quam misere sæpe decepit fuerint qui ejusmodi relationibus temere crediderunt.

De Mexicanis haud dubium est, vasta ædificia, præsertim publica, è saxo habuisse, de quibus authores consulendi, & imprimis Acosta: dixi & multa in Historia Americæ. Pervenit ea structuræ ratio ad *Yucatanos*, ultra hos non reperta vulgo.

In Americam Meridionalem ingressis rursus occurrunt mapalia, etiam in fastigiis arborum, nidorum instar, instructa: alia ex aquis super stipites & palos educta: donec perveniat ad fines Peruvix: mapalia autem alicubi satis ampla, verum è stipitibus, aut grandibus & validis arundinibus conjuncta, & stramine tecta.

Statim ubi ingressus fueris fines Imperii Ingarum Peruanorum, occurrunt magnifica ædificia è grandibus saxis exstructa, & via illa militaris, viarum Romani Imperii æmula: de quibus omnes Scriptores Hispani loquuntur. Atque hic primo loco celebrat

Cieza Palatium Carangue, è grandibus saxis
 substructum, inter se compositis sine ullo
 cæmento: habens interius stagnum itidem è
 saxis coagmentatum; & magnificum tem-
 plum Soli dicatum: Eiusdem structuræ plura
 deinceps sequuntur Otabalo, Cochesqui, Qui-
 to, Mulahalo, Tacunga, Muliambato, Mo-
 cha, Riobamba, Cayambi, Teocaxas, Ti-
 quizambi, Chancan, Cannaribamba & Ha-
 tuncannari, Thomebamba superbissimum æ-
 dificiū, de las Piedras, Tamboblanco,
 Calua, Caxas, Guancabamba, & ita porro
 usque ad Civitatem Cusco: fuere autem non
 tantum palatia ista, sed & Armamentaria. De
 ipsius Cusco magnificis ædificiis mira nar-
 rant, ut & de Arcibus & Templis. Omnem
 autem admirationem superant quæ referunt
 de Tiaguanaco. Qui desiderat horum omnium
 molem & magnificentiam plenius cognosce-
 re, legat cap. 14. lib. 6. Iosephi Acostræ: qui
 scribit se in ruderibus illius ædificii mensum
 unum saxum triginta octo pedes longum &
 octodecim latum, in parietinis tamen Arcis
 Cuscensis adhuc longè maiora spectari. Mi-
 randa quoque narrant de Arce Guarco & de
 aliis magnis ædificiis passim per provincias
 exstructis, quorum ruinæ adhuc visuntur cum
 stupore; ita ut cum antiquis structuris nostri
 orbis quoad molem & magnificentiam com-
 parari

parari possint, & sola architectonices industria & nitore superentur. In reliquis hujus Meridionalis Americæ regionibus nihil tale reperitur; nam neque ulla ibi visa oppida, ne ædificia quidem ulla ex saxo; sed tuguria & mapalia, ut apud alterius partis incolas plerisque, exceptis eis de quibus diximus.

OBSERVATIO VNDECIMA.

Observanda quoque temporum ratio, nam ex ea quoque aliquod indicium sumi potest. Mexicani dividebant annum in octodecim menses: unicuique mensi attribuebant xx dies, qui efficiunt cccclx, reliquos quinque nulli mensi annumerabant, sed collocabant per se, quibus nihil plane agebant, ne sacerdotes quidem immolabant, sed omnes feriabantur & alii alios visitabant. Primus autem anni dies ipsis erat qui nobis xxvi Februarii. Mensibus nomina erant à festis quæ in illis agebantur, aut anni tempestate. Seculum eorum erat quinquaginta duorum annorum. Plura de his dixi in Historia Americæ. Peruanis autem annus constabat tot diebus quot noster; eumque dividebant in duodecim menses. Ordiebantur illos à Januario ut nos, singulisque erant sua nomina & festa. Verum Inga Pachacuto id mutavit, & annum ordiri voluit à Decembri. Vtrique autem Se-

ptimanarum usum ignorarunt, nam Mexicanis erant tredecim dierum, Peruanis nullæ.

In multis partibus Septemtrionalis Americæ nullam temporum rationem habent, quam per Lunas: quidam etiam omnino nullam.

Ad eundem modum pleræque illæ gentes quæ ab Vrabę sinu ad magnum flumen Amazonum incolunt, haud aliam temporum rationem ineunt quam per Lunas: dierum autem numerum per lignorum in fascem collectorum congeriem conservant: cui quotidie aut addunt aut demunt pro re nata.

*Ex libro decimo Historiæ Brasiliensis
Emanuelis de Moræs nondum
editæ.*

OBSERVATIO DVODECIMA.

EGo vero libenter credo Americanos oriundos non ab uno populo, nec una in parte, sed à Carthaginensibus, & ab Iudæis, idque temporis longo tractu, diversis in locis. A Carthaginensibus, quia proditum est novas invenisse, & remotissimas regiones, omni amænitate, & fertilitate insignes: sed quia cunctos inflammarat fælicissimi soli nuntium, legibus cautum, ne quis illô iterum navigaret, ne Carthago bellorum tumultibus
afflicta

afflicta defereretur : cumque hanc ob causam cessaret navigatio , cessavit & contractus , & gens illa facta est agrestis , divisaque in varias familias , huc illucque discurrens, sine aliquo communi principe , varias regiones occupavit , & unaquæque propria sibi finxit vocabula. A Iudæis vero , quia Brasilienses , Iudaicos mores , excepta circumcissione, induerunt. Primò Iudæis non licebat quascunque sibi jungere uxores , sed ex certa , & determinata tribu , ut habetur cap. ult. Numer. v. 7. & deinceps , ubi hæc leguntur. Omnes enim viri uxores ducent de tribu , & cognatione sua : & cunctæ fœminæ de eadem tribu maritos accipient , ut hæreditas permaneat in familiis , nec sibi misceantur tribus. Brasilianis quoque fuit solemne , antequam ad castra Christi transirent , consanguineas suas ducere , sororum filias primum, harum defectu alias. Secundò Iudæi patris nomine condecorabant, non tantum parentes suos , sed eorum quoque fratres , & reliquos ascendentes, ad multas generationes ; sic Angelus Iosephum interpellavit dicens : Ioseph fili David, noli timere ; non quod David Iosephi esset pater , à quo longissima serie distabat , sed quia ex majoribus ejus erat : Ita Brasiliani more Iudaico vocant patres , suos quoque patruos , & amitas similiter matres.

Tertiò Iudæi Lachrimas magni faciebant, integro mense suorum funera flentes, ut videre est in obitu Moyſis, de quo dicitur Deuter. 34. verſ. 8. Fleveruntque eum filii Iſrael in campeſtribus Moab triginta diebus. Et l. i. Mach. legimus de inclyto illo Machabæo, Et planxerunt eum omnis Iſrael planctu magno: alios in re clariffima facio miſſos: Braſiliani quoque lachrymas maximi faciunt, eaſque habent in poteſtate: ſuos integro mense ad minimum plorant, ſine ulla intermiſſione aliquando, ita ut contingat multis, in fletu perire: Et quod mirandum eſt carorum adventu circumdatis collo brachiis (ut ſæpiſſime vidimus) cum effuſa comploratione excipiunt. Quartò Iudæi dum eorum res vigeat, longis veſtimentis delectabantur: ſic Iacob dilecto ſuo Iosepho tunicam fecerat talarem: eadem utebantur tempore Chriſti Domini noſtri Scribæ, & Pharifæi, Euangelio id atteſtante: quinimo, & conſuetudo pictorum obtinuit jam Iudæorum effigies veſtimentis, ad pedes uſque demiffis nobis proponere: maiores ſuos in hoc quoque Braſilii imitantur egregie: longa veſtis cordi illis eſt, & foemina omnes, quæ veſtitum jam portare didicerunt, una talari tantum tunica utuntur: Et ſi ſenem Braſilium rogaveris, quo veſtimentorum genere maxime capiatur?

Statim

Statim respondebit, pallio longo. His, & aliis rationibus permoti hanc sententiam sumus amplexi: Eandemque tenent multi viri docti, in Brasilia degentes, quamvis nonnulli repugnent arundineis innixi fundamentis. Ipsorumque Americanorum multi, ab antiquissima traditione edocti, majores suos agnoscunt Iudæos, illos divinitus è mari servatos fuisse affirmantes: Nec nos multum movet eorum sententia, qui non de mari rubro hæc intelligunt, sed ad memoriam universalis diluvii referunt, cujus apud illas nationes vestigia reperiuntur, quamvis obscura, & admodum confusa: quia illæ distinguunt diluvium à mari rubro, asserentes majores suos, fastigia arborum ascendisse altissimarum, & ibi Noemici diluvii evasisse periculum, quod non divinitus factum, dicunt, sicuti de mari rubro affirmant.

A P P E N D I X.

DE Brasilianorum lingua, quantum ad vocabula, supra dixi: addam nunc etiam pauca de ipsorum Grammatica & constructione, quia genius linguæ ex his optime intelligi & cum aliis comparari potest. Grammaticam integram edidit P. Iosephus de Anchieta Provincialis Societatis Iesu in Brasilia, Conynbica 1595. E qua hæc decerpsi.

1. Brasiliensium lingua non habet *f*, *l*, *s*, *z*, *rr*. nec mutam cum liquida ut *cra*, *pra*, &c. Sed loco *s*, in principio & medio dictionis servit *c*, cum *zeura*.

2. Adjectio ad activa in conjugationibus verborum, & formatio futuri ex indicativo, & optativi atque præteriti imperfecti è conjunctivo, nonnihil variat apud nationes ejusdem lingue; nam à Pitiguaribus Paraibê, usque ad Tamoyos fluminis Ianuarii, pronuntiant verba integra desinentia in consonantes, ut *Apâb*, *Acem*, *Apen*, *Aiûr*; atque particulis temporû prædictorum interponunt *i*, asperum, ut in futuro *Apâbine*, *Acêmine*, *Apênine*, *Aiûrine*. Tupes vero qui S. Vincentii Capitaneatum incolunt, numquam pronunciant ultimam consonantem in verbis affirmativis, ut pro *Apab* dicunt *Apâ* &c. Et in flexis *Apâne* &c. Verumtamen in desinentibus in *c*, aut *g*, omnes communiter interponunt *i*, ut *Acepiâc*, *Acepiâcine*, &c.

3. Omnes dictiones quæ desinunt in quatuor ultimas vocales, habent accentum in ultima & notantur circumflexo: quæ in *a*, partim in ultima & notantur eodem accentu, partim in penultima & notantur acuto. Verba maximam partem habent accentum in ultima quomodocunque desinant.

4. Nomina non habent casus aut numeros distinctos, præter vocativum; in quibus hæc
diffe-

differentia observanda, quod quæ habent accentum in ultima, nihil mutantur in omnibus casibus; quæ in penultima, perdunt ultimam vocalem in vocativo, ut *túba*, *túb*, &c.

5. Nomina substantiva componuntur cum adjectivis, ita ut substantiva semper præcedant; & si habeant accentum in ultima, manent integra: sin in penultima & concurrant cum vocali, perdunt ultimam vocalem, ut pro *Tuba ete*, *Tubete* pater verus: si cum consonante, perdunt totam ultimam syllabam, ut *Tuba catu*, *Tucatû*. Si substantiva componantur cum substantivis, eadem fit mutatio.

6. Numeri non ascendunt supra quatuor, & communiter præponuntur substantivis, ut
1. *Oiepe* 2. *Mocoy* 3. *Mocapîr* 4. *Oyoirundic*.
possunt & postponi facta divisione.

7. Pronomina habent aliquot casus: ut Nominat. *Yxê*, *xá*, ego. Dativ. *Yxêbe*, *xébo*, *xébe*, *xébo*, mihi. Plural. Nomin. *Orê*, *yandê*, nos. Dativ. *Orêbe*, *yandêbe*, nobis. Nominat. *Endê*, *Ndé*, *Né*, tu. Dativ. *Endêbe*, *Endêbo*, *Ndébe*, *Ndébo*, tibi. Plur. Nominat. *Peé* vel *Pé*, vos. Dativ. *Peême* vel *Pémo*. Accus. *Opô* vel *Pé*. Vocat. *Peê* vel *Pé*. *Xê*, *Ndé* vel *Né*, *Pé*, etiam sunt adjectiva, ut meus, tuus, vester. *Xejára*, meus dominus, *Ndejára*, tuus &c. *Yxê*, *endê*, *peê*. semper sunt substantiva: *Orê*, *yandê*, iidem sunt adjectiva, noster, a, um. C cum Zeura
&

& *j* sunt pronomina relativa in omnibus casibus & numeris, & significant is, ea, id. *O* est reciprocum, suus, a, um. In constructione, (excepto Nominativo & Dativo qui indifferenter ponuntur) pronomen semper præponitur, sive sit substantivum sive adjectivum.

8. Licet omnia verba unam habeant formam conjugandi, tamen possumus dicere duas habere, quia negativum augetur certis particulis, quibus discernitur; ut in indicativo Affirm. *Aiucâ* occido, Negat. *Naiucâi* non occido: In imperativo affirm. *Eiucâ* occide tu, Negat. *Eiucâ umê* ne occidas.

9. Præpositiones semper postponuntur nominibus; sunt autem fere hæ: *Mô* in, *Pê* in, ad, a, cum dativo. *Bô* in, per, *cupê* a, *çui* de, ex, præter; *çocê* supra, super. *Tobaquê* coram, *Tenondê* ante de tempore: *çupî* per, de loco. *Cotî* versus. *Cecê Ri*, propter, pro, in, a. *Pocê* com, in eodem lecto. *Pupê* com, instrumentale: *Pabê* com, societatis. *Ndi*, idem, *Yá* cum suis compositis, *yabê*, *yabenbê*, *yacatû*, *yacatutenbê*, secundum.

10. *Pé* cum nominibus juncta quæ desinunt in *ba* absorbet ultimam syllabam, ut *Taba* vicus, *Tapé* in vico.


11. Verba neutra fiunt activa, interponendo *mo* vel *ro*, ut *agebir* redco, *Aimogebir*, *arogebir* facio ut quis redeat.


12 *Ae* vel *Aipoaē* neutrum, ut in latino, inquam, is, it, est irregulare in aliquibus temporibus, ut, *ae* inquam, *Naey* vel *aipondaey* non dico: in imperat. *Ere* dic tu. in infinitivo *E* dicere &c.

Errata quædam ita corrigenda.

PAg. 10. lin. 16. pro petuntur leg. petita.
 33. l. 26. pro suæ leg. fui. 44. 12. pro nulli
 leg. nullæ. 51. 4. leg. Illa pars. 68. 13. leg. do-
 minatricis. 90. 18. patuit. 91. 16. leg. me-
 diam. 93. l. penult. leg. Nusquam. 98. 3. de-
 le, non. 109. 7. leg. autem. 125. 4. leg. civi-
 litatis. 133, antepenult. quorum unam. 186.
 12. dele, De. 189. 12. leg. Heriot. Ibid. 24.
 Una sola. 193. 14. pro subitis leg. cubitis.
 205. 18. pro alium leg. atrum. 206. 1. pro &
 leg. est.

F I N I S.





FG43^c
L742hA1







HT